



54741/B

1786-88

[u2v.3] v. a. p. I.

VERMIVM INTESTINALIVM
BREVIS EXPOSITIONIS
CONTINVATIO
SECVND A

AVCTORE
PAVLO CHRIST. FRIDR. WERNERO
PROSECTORE OLIM IN THEATRO ANATOM.
LIPSIENS. DIGNISS.

POST MORTEM AVCTORIS
EDITA ET ANIMADVERSIONIBVS ATQVE
TABVLIS II. AENEIS AVCTA

A
IOANNE LEONARDO FISCHER
PHILOS. DOCT. AC LIBER. ART. MAGIST. ET
IN THEATR. ANATOM. LIPS. PROSECTORE

CVM TABVLIS IV.
AD NATVRAM PICTIS.

L I P S I A E
APVD SIEGFRIED LEBRECHT CRVSIVM
CLD MDCC LXXXVI.


UNIVERSITÄT
LEIPZIG

D. ERNESTO PLATNERO,
PHYSIOLOG. PROF. PVBL. ORD. FACULT. MED.
ASSESSOR.

D. ADAMO MICHAEL BIRKHOLZ,
FACULT. MED. ASSESSOR.

D. IOANNI EHRENFRIED POHLIO,
BOTAN. PROF. PVBL. EXTRAORD. FACULT. MED.
ASSESS. PHYS. PROVINCIAL. ET APVD LIPSIENS.
MED. OBSTETRIC. ADIVNCT.

PATRONIS ET PRAECEPTORIBVS OMNI
PIETATIS CVLTV PROSEQVENDIS.



Nolite mirari, quod opusculum hoc beati
Weneri nominum VESTRORVM splen-
dore exornare, exornatumque in lucem edere
ausus sim. Beneficia enim tot tantaque in
ipsum e VESTRAE liberalitatis penu collata et
luculentissima VESTRI fauoris testimonia,
saepissime ipsi exhibita, hocce exigunt gratissimi
animi specimen, quod, quamuis exiguum sit,
de pietate tamen demortui erga Vos publice
testatur.

Sed accedit et alia causa, quae in memet
ipso posita me impulit, vt posthumum hoc ami-
ci nunc *en tous d'yeux* opusculum VOBIS dica-
rem dedicaremque. Eam enim, qua Werne-
rum olim ornastis, beneuolentiam fauoremque,

ita in me transtulistis, vt eius haeres ex asse constitutus esse mihi viderer. Quantopere laeter de hac meae fortis felicitate et quantum me VOBIS propter hoc in me collatum beneficium sentiam obstrictum, oratio tenuis verbis nescit complecti. Cum nullam vnquam occasionem, gratissimi animi publice priuatimque VOBIS significandi, sim praetermissurus; equidem spero, fore, vt mihi ignoscatis, qui hanc primam, qua mihi in publicum prodire et quid fidelissima VESTRA in me profecerit institutio, publice probare datum est, non amiserim, sed auidissime potius arripuerim opportunitatem, quae pectus meum hucusque pressere, gratae mentis sensa proferendi.

Haec igitur praecipua fuit causa, qua impulsus editionem huius scriptiunculae Wernerianae lubenter in me suscepi; quanquam benenoram,

noram, multa mihi adhuc deesse, quae scriptorem probabilem ornant.

Praeterea vero amicitiae quoque vinculum, quod mihi cum b. Wernero intercessit, effecit, ut huncce ingenii foetum, qui parente mortuo sibi relictus et quasi orbus erat, susciperem, fouerem et ad maturitatem perductum in publicum producerem. De studio autem, quo ardentissime et hanc historiae naturalis partem et inprimis anatomen amplexus sim, ex quo mihi Wernero familiariter uti, eiusque laboribus cum publicis, tum priuatis diligenter adesse contigit, de industria taceo.

Quae VESTRA solet esse indulgentia, ea me iubet spem alere laetissimam, fore, ut hasce, quae VOBIS grata piaque mente offerre sustineo, laborum meorum primitias beneuole accipiatis. VESTRVM enim plausum, si


mea tulerit qualiscunque diligentia, ea in posterum alacrior erit et nunquam, quantum ingenii mei vires permiserint, committet, ut Vos VESTRAE poeniteat benevolentiae erga me collatae

NOMINVM VESTRORVM

Magnificorum, Excellentissimorum,
Experientissimorum.

sumum cultorem,

IOANNEM LEONARDVM FISCHER.



PRAEFATIO EDITORIS.

Secundam tandem operis *de Vermibus intestinalibus* a beato Wernero inchoati continuationem edo, fortasse iam dudum a lectoribus expectatam, saltem ex voto b. auctoris longe prius edendam. Ac nisi variis, iisdemque grauib. fuisset impeditus causis, quo minus opus huius ultimum, et ob Finnarum humanarum naturam in eo expositam, artis medicae studiosis non minus, quam naturae curiosis utile prodiret; profecto illorum expectationi et Weneri voluntati lubentissime fa-

tisfecissem, et, ut ab hoc moribundo acceperam, integrum lectoribus reddidissem. Wernerus vero, cum rem studio suo vix erutam quam primum aliorum etiam naturam indagantium et anatomicorum, non oculis modo, sed diligentiori etiam examini subiicere animique aduersioni commendare praeprimis cuperet; ceteris rebus, quippe quibus librorum pretium saepe cenferi solet neglectis, in conscribendo libro neque iusto rerum ordini, neque suavi orationis elegantiae, temporis et operae multum impendit; sed egit vnum hoc, ut observationes, quam posset, exploratissimas certissimasque proponeret, quas quidem prelo aliquando subiecturus, ut variis rationibus confirmaret. Hanc vero spem eiusdem tristi et praematura interceptam morte, ut ego explerem, sum excitatus.

Ego vero quemadmodum olim ex communibus cum Wernero meo, quocum me benignum numen coniunxerat, laboribus, communique naturam humanam indagandi studio non parum voluptatis perceperam; ita nunc curam eorum, quae ipse inuestigauit, edend-

edendorum mihi impositam, eo libentius suscipiebam, quo maiorem ex consuetudine illius quotidiana vtilitatem in huius operis ab ipso relictæ virtutem redundaturam esse, sperabam.

Haec autem ipsa spes excitauit me, ut observationes b. auctoris quas solas nec vlllo experimento repetito confirmatas mihi reliquerat, non prius in publicum emittendi animus esset, quam eas vel nouis observationibus auctas illustrassem, vel argumentis nouis ab obiectionibus defendissem, vel capita nonnulla, quo pertinet inprimis Oestri, in ventriculo equino habitantis, historia, emendassem. Cui quidem consilio, licet etiamnum satisfacere summo cum studio contenderim; tamen inuitus tandem ab eo coactus sum recedere et id tantum curare, ut plagellas has saltem non plane imperfectas lectoribus traderem. Etenim, quo saepius ego et acrius conabar, vel eadem tentare, quae Wernerus tentauerat, et tentata nouis periculis confirmare, vel experiri certiora et ex his certiora quoque colligere; eo magis indies perspiciebam et dolebam vehementius,

mentius, me fere omni illud persequendi studium occasione, esse destitutum. Quare etsi laetus speraueram, fore, ut finnarum istarum fontem atque originem et naturam structuramque interiorem, ad certitudinem quandam perficiam, tamen omni data opera mox sentiebam, spem illam longiore, quam quod mihi restaret, temporis spatio et frequentiori eademque feliciori opportunitate oblata, in posterum fortassis posse expleri. Attamen in describenda oestri historia, quam impeditam sane et obscuram b. Wernerus illustrare, illustratamque operi suo, ad quod quidem non pertinebat, inferere volebat, quod omnes oestri formas per certum quoddam tempus, animalium corporibus inhaerere atque adeo quaedam incommoda inferre sciebat, felicior fuisse mihi videor.

His igitur causis permotus praeterea temporis angustia pressus aliisque rerum mearum rationibus excitatus, diutius retinere continuationem hanc secundam nolui, quid? quod huic, quae, etsi non plane perfecta tamen opera mea qualicunque meisque observationibus

non

non parum aucta et emendata est, constitui aliquando tertiam addere tractationis huius continuationem et in ea exponere quaecunque de finnis oestrisque temporis opportunitate, meoque usu adiutus, vel aliorum huius partis historiae naturalis peritorum experientia edoctus ad accuratius describendam eorum historiam cognouero.

Atque hae fuerunt cunctationis meae causae, quae quidem quemadmodum mihi visae sunt grauissimae, ita non dubito, quin satisfacturae sint cuius lectori, neque cupide iudicanti, neque ignaro difficultatum, quibus obsepta est illa naturalis historiae pars, quam praeter insignes Viros, Pallantes, Blochios, Goetzios nemo inde ab ipsis eius initiis repetitam luce collustrauit. Neque enim vllum fore spero, qui hanc cunctationem meam ex sensu amoris erga b. Wernerum, post obitum ipsius minuto aut deletio, deriuandam esse existimet, cum ipse sentiam quantopere sensum illum meum auxerit cautio quaedam et timor, iustum dicam, an subrusticum, ne, ad quem famae et existimationis gradum viuus ipse

amicus

Caeterum nihil magis opto , quam ut
leui hacce mea editioni huic impensa opera,
fama meritorum Wernerī mei in historia natu-
rali et anatomia latius et longius propagetur,
adecque ardentissimi, quo tenebatur, harum
doctrinarum studii, fructus ferat. Haec enim
vota mea cum propter meum erga illum amo-
rem ardentissima sunt, tum ob beneficiorum
eius in me aliosque amicos collatorum memo-
ria sanctissima. Lipsiae MDCCLXXXVI.



INTROITVS.

Constitueram quidem apud animum meum, non prius ullam continuationem de verminibus intestinalibus edere, quam cum promissa, quae in usu atque exercitatione posita est, huiusce dissertationis parte publice contractum nomen soluissem. Verum enim vero rara, apud homines certe, observatio, quae se se mihi nuper obtulit tam opportunam scribendi occasionem suggerit, ut ipsa non possim non uti.

Cui quidem, tacebo enim lubenter inuenti gloriolam, quam mihi cunctatori alius facile praeripere poterat, accedit et hoc, quod hac ipsa observatione quam primum publice edita alios naturae scrutatores ad acriorem animi aduersionem incitem, caueamque ne in dissecandis corporibus humanis ex praeconcepta opinione vesiculas verminosas, de quibus iam differere animus est, in posterum praeteruideant atque, quod ab exteris anatomicis

A micis

micis factum esse ab amico, qui sectioni huius hominis, ex quo descriptio sumpta est, intererat, percepi, pro simplicibus sic dictis
**A.* hydatidibus amplius habeant. **A.* Antecepta autem opinio, vti omnium errorum mater, in vniuersum litterarum et bonarum artium incrementum et progressum quam maxime prohibuit et suppressit, sic etiam praecipue vermium notitiam eorumque curam ad nostra usque tempora tenebrarum caligine texit densissima. Studio vero recentiorum factum est, vt illae tenebrae sint magis magisque discussae, eorumque genera et quae cuique eorum subiacent formae paulo diligentius erutae atque singulorum fere omnium structura accuratissime sit descripta. **B.*

Resiant tamen multa adhuc inuenienda et superiorum inuentis, quod quidem facilius est, quam inuenire, addenda. Nec vacat nec lubet exempla eiusmodi hoc loco cumulare, iisque adferri mei veritatem probare. Sufficiat rem paucis confecisse. Hydatigenarum quidem taeniarum species, quales in animantibus brutis deprehenduntur, in cauis quoque corporis humani residere atque ad corpus humanum referendas esse ac vnquam relatum iri, equidem non memini, ab vlllo inter viros, qui principem operam in historia vermium diluci-

dilucidanda non sine insigni fructu posuerant, adferi. *C. Nec ipse, qui eundem historiae *C. naturalis campum cum multa animi voluptate colere non inficior, diu in illa ipsa fui opinione, vsque dum rarissimo aliquo, quem descripturus sum, casu in contrariam abripiebar sententiam, inuenique, glandulas, quae carniū vitium, a *Columella*, a nostris *Finnen* dicuntur, etiam homini competere. Quamquam vero certissime scio, eiusmodi exemplum a nullo scriptore esse litteris consignatum, tamen multum absum, ut putem, huncce morbum plane nouum incidisse, nec antea iam saepius in corporibus humanis fuisse reperiundum, sed hoc tantum volo, anato- mes cultores, qua ipsis fuit, persuasione, quod omnem tumorem cauum, pellucidum, hinc inde reperiundum, aqua saepe refertum, pro simplici hydatide, neutiquam vero pro vermīs habitaculo habebant et adhuc habent, horum tumorum diligentio- rem disquisitionem et indagati- onem neglexisse. Cum autem glandu- losum morbum *Finnen* et apud homines inueniri, obseruauerim, nolim aliquem in ea versari opinione, ut credat, me illas vesiculas, vel visceribus vel membranīs, ut mesenterio, peritoneo, similibusque adhaerentes etiam ad has glandulas referre. Etenim has ego

potius existimo esse lymphaticarum venularum tumores. *D.

Sed ad argumentum ipsum pertractandum propero.

De morbo glanduloso apud homines.

Inter fues singularis, nec tamen infrequens, quam antiquitas iam nominavit morbum glandulosum, Finnarum affectio morbosa occurrit.

*E. In iis nimirum sub lingua *E. rarius quidem, frequentius autem inter strata muscularia, vel molles, vel duri, quoad colorem albi, rubeo-lo colore impraegnati noduli, seu potius vesiculares tumores, quos *Finnen* nostra lingua nuncupare solent, deprehenduntur. Quo quidem morbo affectos porcos oeconomi
*F. olim impuros *F. vocabant atque adeo, qui in victum adhiberentur, ineptos censebant, quoniam haecce tubercula pro obstructis exulceratis atque a venereo miasmate, quod apud homines locum habet simili infectis glandulis habebant.

Hi vulgi errores ad nostra tempora perdurarunt, vsque dum praeterito anno naturae diligentissimus indagator mihiq̃ue amicissimus

*G. Goetzius scriptum *G. super hanc rem ederet, atque illum morbum non glandulosum (et addi poterat, neque venereum) sed verminosum
firmis-

firmissimis probaret argumentis. Etenim hi tumores in glandularum vicinia non deteguntur, et si eorum structuram atque defectum complicatorum contortorumque vasorum spectaueris, quam maxime ab iis differunt, potius ut molles, oblongi vesiculares, hydatidibus similes tumores in nostrum veniant conspectum. Interdum quidem cum hae vesiculae concretae eamque ipsam ob causam durissimae reperiuntur, tunc temploris glandulis analogam et scirrhosam naturam ostendunt. Diligentiores vero huius phoenomeni scrutatores, qui non externo rei adspectu solo contenti sunt, sed in interiorem eius naturam ac indolem inquirunt, mortuum tunc et vix non semper cum externa cystide vaginali concretum verum deprehendunt. Cum porro hi tumores finnosi (sit venia verbo) neque glandulosas partes, neque viscera, neque genitales partes occupent et tangerent, quod tamen in morbo venereo evenire debebat, opinio illa, qua eos ad morbum syphiliticum referendos esse credunt, ut minus firmo superstructa et fulta fundamento concidit. *H. Nolo insuper addere quod cuilibet notissimum est, animalia bruta, cum non, uti homines, excedant venere, sed solo instinctu naturali statis temporibus naturae obtemperent non posse morbo opprimi, qui tantum non extinguen-

*H.

dae libidinis ac oestri venerei solet esse infausa proles. Praeterea vero, quem modo laudavi, *Goetzius* animaduertit, tales tumores in adipe non reperiri, quin ipsos porcos, hoc morbo affectos optime valere, pingues esse etc. atque vermes ad taenias hydatigenas referendos iis *1. includi demonstravit, figurisque illustravit. *I. Postea cum apud lanios atque oeconomos de origine, atque, quam medici occasionalem vocant, causa inquisivisset, et quam ipsi hac de re suspicionem fouerent, indagasset, inueniebat viam ac rationem, qua illi hydatidum incolae in musculos deuenirent. Scilicet, si tempore aestiuo porcorum greges per longam viam ex vno loco in alterum, eumque paulo remotiorem agitantur, ex cauis eorum, qui vermes hydatigenos fouerent et secum ferrent vermium eorum semina resorpta inque sanguinem delata, ex vasis sanguiferis ad musculos deponi ibidemque sub hac forma, corpore tam per iter, quam per solis calorem valde exaestuato, exclusa, euolui putabat.

Sed pace huius, quem maxime facio, cel. viri monere liceat, opinionem non omni ex parte, mihi quidem videri, veritati respondere, quod in cauis corporis animalis ad membranas ea inuestientes simillima vermium species

eies nondum detecta fuerit atque adeo finnam
 esse taeniam hydatigenam quidem, sed sui
 generis plane singularem et a reliquis huc us-
 que cognitis longe diuersissimam, probabile
 sit. *K. Sed haec neutiquam, quod quilibet *K.
 facile per se intelliget, eo spectant, ut huic
 ipsi viro summo inuentionis et detectionis glo-
 riam aut imminuam, aut plane furripiam.
 Iam obseruationem de hisce finnis in corpore
 humano nuper a me visis lectoribus meis of-
 ferre liceat,

Accidit mens. p. a. Ianuar. ut militis, aqua
 submersi cadauer in theatrum anatomicum de-
 ferretur. Cuius cadaueris viscera, cum Cel.
 Haasius, Doct. et Prof. P. O. ad praelectiones
 atque anatomicas demonstrationes publicas,
 programme, *de adminiculis motus muscularis*
 inscripto, indicatas, destinasset, eorumque in-
 teriorem structuram subtilem per iniectiones
 vel ceraceas vel mercuriales indagare ea de
 causa non liceret, omnem animum sub disse-
 ctione in huius viri musculos impendere con-
 stitueram. Nec me poenitebat huius consilii
 capti, cum obseruationi nouae et ante me
 inauditae ansam suppeditaret. Etenim dis-
 sectis integumentis pectoris communibus,
 duae vesiculae proxime sibi adiacentes, oblon-
 gae, sub pectoralis maioris musculi, ut voca-

- tur membrana propria illi ipsi musculo adhaerentes statim in conspectum prodibant, quas cum aperirem, aliud vesiculare corpus conuolutum et inclusum, leni opera per forcipem anatomicam extrahendum detegebam. Hoc ipsum vero conuolutum corpusculum aquae calidae immittebam, quo facto, post breue temporis spatium, taeniam hydatigenam esse ex intumescencia vesiculae caudatae, ab utroque latere quasi natantis, ex qua reformationem quandam peractam esse apparebat, animaduvertebam. Admirationem vero meam vita huius vermis adhuc superstes quam maxime mouit et incitauit. Etenim vir ille, qui ante duas septimanas in aqua mortem inuenerat, indeque submersus latuerat, fere glaciatus, aqua extractus et ita rigidus erat, ut post aliquot demum dies continuo calori expositum corpus flexile redderetur. *L. Tantum igitur frigus non valuerat huius taeniae vitam omnem ita exstinguere, ut non leni calore breui iterum refocillari posset. Causa huius phoenomeni in ipsa vermis structura quaerenda esse videtur, *M. cui ante, quam describo, quaedam notatu digna praemittere mihi liceat.
- *N. Sub ipsa huius, antea sanissimi *N. et robustissimi hominis cute, qui annum quadragesimum agebat, ingens quidem pinguedinis copia

copia diffusa, sed ne vna quidem earum, quas in musculis detexi, vesicularum in membrana adiposa, neque circa glandulosas partes, e. g. mesenterium, neque circa membranas, caua inuestientes et viscera *O. obuoluentes deprehendebatur, neque etiam vestigia earum in intestinali canali, sed solummodo intra musculares lacertos, inque tela cellulosa istos inuicem coniungentes, occurrebant. Quare propriam et natiuam sedem non nisi in carnibus hisce taeniolis a natura adsignatam esse, censeo. Loca vero, quibus inhabitabant, nullo modo exulcerata, vel quocunque tandem modo corrupta inueni, ita, vt ab externo carnis habitu *P. nemo ad praesentiam ibi residentis tae-
 *P. niae concludere posset; musculi quippe integerrimi erant, *Q. eleganterque rubebant. *Q. Porro rarissime sub membrana sic dicta musculorum propria eiusmodi vesiculas musculis extus incumbentes, longe rarius proxime ad tendinum confinia positas, sed plerumque inter strata muscularia dispersas et tandem in toto corpore vix vnum musculum ab iis cystidibus morbosis liberum conspexi. Quodsi igitur eas cystides indagare voluerimus, strata fibrarum muscularium secundum earum directionem siue longitudinem separare neutiquam transuersim discindere debebimus.

- Finna autem est taenia hydatigena, eremita, membrana externa vaginali durissima *R. ma *R. obuoluta atque inclusa, nec nisi in musculis habitans. Caput eius quatuor papillis et proboscide, duplici vesicularum *S. fugentium corona obsita, instructum est. Post caput sequuntur articuli numero viginti et plures, qui versus finem siue capsam vaginalem propriam tam latitudine, quam longitudine crescunt. Cum ultimis latioribus articulis connectitur capsula vaginalis, lentis formam repraesentans, crassa, coriacea l. cartilaginea ad quam a postica et laterali parte accrescit alia vesicula, eaque omnibus hydatigenis propria, pellucida, quae ab utroque latere in obtusum finem terminatur. *T.

Notione ac descriptione iam data, qua hanc taeniam ab aliis eiusdem generis speciebus discernere licet, transeamus ad considerationem peculiarem singularem, quibus vermis constat, partium, ac primum de vesicula externa agamus,

- *V. Haec externa vesicula vaginalis *V. vel alba vel rubens, oblonga, planiformis, quasi compressa primo adspectu apparet; pollicem vnum longa; *W. in extremitatem obtusam desinens et angustior, in medio loco latior, firmiter contextui cellulosi et fibris muscularibus

ribus per vasa sanguifera ex musculis emergentia, exterioremque hanc ipsam vaginalem membranam perreptantia, ita agglutinata est, ut aliqua vi et cultri ope deglubi debeat. In medio loco corpusculum quoddam rotundum eminens et ad tactum durum pellucet. Ex huius cadaueris musculis aliquot centena eiusmodi vesicularum collegi, longe plures vero tam discissas quam integras reliqui. Vna tantummodo vesicula, ut plurimum, inter stratum fibrosum delitescit. In quibusdam vero locis aliquot, et vno in loco duas, proxime sibi appositas et in extremis se se contingentes inueni. Plurimae vnum pollicem longae, raro breuiores. *X. Membranam hanc vaginalem, quae perquam dura est *Z. et tunicam lienis crassitie aequat, si discindere, atque sic totam vesiculam disquirere volueris, incisura in alterutro extremo suspensa manu instituenda est; quo facto acicula membrana externa attollenda et forficis altero extremo obtuso in vesiculae cauum intruso aperi.

Vaginalem tunicam et tunicam ipsam spatium fere totum, si muci lutei *Z. paucam *Z. copiam, forte excrementitiam et feminalem vermis materiam, quae interdum inest, exceperis, vacuum intercedit. Deinde, vel forcipe sinna fluctuans extrahenda, vel vaginalis vesicula

vesicula discissa cum ipsa taenia in aquam calidam immergenda est, quo calore grate affecta taenia vel sponte elabitur vel facile agitando eluitur.

Hac autem methodo si utimur, nullus metus est, ne organicae partes villo modo laedantur. Residet vero in vaginali tunica vna tantummodo fiua, nullo loco accreta atque non omnem vesiculae partem explet ita, vt libere se se in quamcunque partem mouere possit, id quod vel externus conspectus, si adhuc in vaginali tunica integra haeret inclusa, iam docet.

Sed dixi paulo superius, corpusculum quoddam per vaginalem externam tunicam pellucere; quod quale fit, nunc examinandum venit. Corpusculum autem hocce, **AA.* quod capsulam vaginalem nomino, **AA.* lenticularem formam exhibet inque eius anteriori, si ita dicere tibi libuerit, attenuata parte, incisio vel foveola conspicitur, in quam taeniae caput eiusque articuli retrocedunt et tuto se se recondere possunt, si stimulo quocunque demum, siue frigoris, siue solius attactus fuerit irritata. Ex vtriusque vero lateralibus marginibus duae vesiculae oblongae prominent et transuersim adhaerent, quae in summa extensione nauculam repraesentant, in media
autem

autem postica siue auersa marginis parte, (si illum margineum in quo foveola deprehenditur respexeris) cohaerent et comunicant. Haecce capsula est cartilagineae naturae atque magna vi demum per laminas vitreas comprimitur, et tandem dissilit. Optime agis, si capsulae huius superiorem superficiem incidas, hoc facto incisum corpus aqua calida paululum emollitur, deinde prominens et fluctuans filamentum versus liberum eius apicem vrget atque hoc vsque dum capitis tubercula integra prodeunt, continues. Etenim articuli et caput adeo retractum et reuolutum est, vt summo cum studio demum extricetur. Hanc autem operationem omni cautione et attentione persequi debemus, ne teneriores partes laedantur. Omnium optimum videtur, si omnes vesiculas in recenti cadauere disquirere summa cum patientia nitamur, et expectemus, vsque dum vnam saltem reperuerimus, in qua caput et colli articuli ex ipsorum capsula egressi, **BB. *BB.* compareant. Aquae calidae deinceps taenia immergenda est: sub ipsa vero eius contemplatione non nunquam fieri solet, vt in capsam suam vaginalem retrocedat, id quod mihi saepe non sine indignatione mea accidit. Quodsi igitur contigerit, vt finna vel sponte organicas partes explanauerit, vel caput et articulos ex spelunca emittere coacta fuerit, *cer-*
nere

nere licet caput quatuor papillis et proboscide,
 *CC. duplici corona vesicularum fugentium, *CC.
 quae per microscopium simplex tanquam puncta nigra, per compositum vero tanquam vesiculae fugentes omni ex parte taeniae cucurbitinae humanae vesiculis simillimae sunt, obfusa, instructum, qua rei eius descriptioni et delineationi nolo diutius morari. Caput excipiunt articuli, versus capsam vaginalem sensim latiores, quos media in parte linea alba a proboscide incipiens percurrit. Ab utroque latere alia a reliquis papillis orta decurrit. Articulos viginti, et qui excurrunt, numeravi. Iam vero paucis adhuc describi debet vesica illa caudata, quae ab utroque latere capsae vaginalis transversim eminet, atque eidem adhaeret. Exit utrinque in obtusum finem, inferius vero siue a postica parte et medio eius loco extremitates coeunt et inuicem communicant. Hoc autem, quod ultimo posui loco, communicationem scilicet mutuam, partim ex turgescencia vesicularum, si vita taeniae per aquam calidam resuscitata est et resorptio contigit, cognoscere licet, partim si per puncturam in vesiculae extremum actam, flatum immiseris. Membranae, hanc vesicam caudatam constituentes sunt quidem tenuissimae atque pellucent, nihilo tamen minus satis firmae, nec facile dilacerandae reperiuntur, atque

que ratione firmitatis cum peritonaeo comparari debent.

Differt itaque finna non quidem ratione tunicae externae vaginalis, sed ratione sedis et structurae a reliquis taeniis hydatigenis. Nam capsula vaginalis cartilaginea atque vesicula caudata pellucens non rotunda, sed in duos obtusos apices partita summam discrepantiam offert. Externa igitur satis crassa et firma vaginalis tunica, vermem includens, eundem aliquo modo defendit, potissimum vero capsula vaginalis summae utilitatis atque a natura ideo huic animali tributa esse videtur, ne fibrae musculares sub vehementi et veluti spastica contractione teneriores atque organicas vermis partes, ad quas caput et articulos refero, nimium comprimant atque adeo laedant, *DD. *DD. sed ut habeant quasi secessum, quo sese ab omni periculo securae abscondere queant finnae. Quem quidem huius capsulae usum varia mihi confirmarunt experimenta. Etenim quando leni et grato hisce vermibus calore aquae purae eos eo adduxeram, ut caput et articulos foras protruderent, et calorem hunc nunc subito cum frigore, aut aquam puram vel cum salita, vel cum spiritu vini non rectificato (ab alcaholicato enim statim obrigescebant) permutaueram, *EE. vidi eos se se sine *EE. mora

mora retrahere et in capsulam illam abdere.

Haec de rudiori harum taeniarum dissectione. Rudiores eam ob causam appello, quoniam multae adhuc partes, de quarum vera structura et usu **FF.* dubius adhuc ancepsque haereo, supersunt quae accuratorem disquisitionem et descriptionem merentur. Nisi tempori inferuendum nunc esset maiorem diligentiam earum dissectioni eram adhibiturus hanc nunc aliis temporibus seruare coactus. Poteram et hoc loco mouere illam quaestionem: an hominibus hae taeniae connatae sint nec ne? **GG.* et per quas vias, **HH.* si quaestio proposita neganda sit, ad musculos deducantur? Sed video, plura hominum cadauera prius rimanda esse, quam de huius quaestionis diiudicatione certum quid statui, et in alterutram partem, sine errandi periculo, lis mota dirimi queat. In vniuersum vero videntur summo cum studio disquenda esse cadauera hominum, qui tabe musculorum laborabant; sub quorum cute noduli renitentes quidem, sed tamen pressui tandem cedentes, hinc inde deprehendebantur, quique semper eadem magnitudine, eademque duritie erant.

Neque

Neque vero minori attentione digni sunt abscessus superficiales hinc inde subito oriundi aut quidam etiam morbi exanthematici. Et enim non ab omni probabilitate remota videtur suspicio, eiusmodi taenias horum, quae nominari, malorum causam in se continere. Quid? quod et morbos putridos ab hisce vermibus oriri, certe aliunde natos augeri posse, nemo negabit, qui perpendit, eos excrementitias partes edere, et multos quoque mori, putrescentes eorum partes resorptas in sanguinem deferri, sicque putredinis fomitem ibi vel incendi, vel ali atque augeri posse.

Denique quaeri poterat, an tumorum tunicatorum origo ab hisce vermibus sit repetenda, vel etiam pruritus, saepe in cute perceptus atque musculorum tremores ab illis interdum sint deducendi, nec ne? *II. De his vero *II. omnibus tunc tantum iudicium ferri poterit, cum dissectiones hos musculorum incolas diligentius rimati fuerint: nec alia de causa haec attuli, quam quod viros eruditos monere cupiebam, ut ne ea, quae in ipsorum cognitionem non cadunt tanquam vilia et inutilia, eosque, qui studium operamque talibus disquisitionibus dicant tanquam futilium rerum et nugarum amatores nimis praecipiti iudicio dampnent.

*KK. *De oestri haemorrhoidalis larvis.* *KK.

Nemini, nisi hospes peregrinusque sit in historia medicae artis, potest esse ignotum, studium, morbos, qui bruta inuadunt animalia, indagandi, aptisque remediis tollendi, quamuis inter veteris aevi celebres viros occupauerit multos, tamen a superioris aetatis medicis videri paulo fuisse remotum et hominibus insciis, pastoribus, fabris ferrariis similibus fuisse relictum, qui sine vlla corporis animalis cognitione anatomica ac sine accurata medicamentorum, quae saepe magno vendebant pretio, notitia, artem, sic dictam, veterinariam exercere conabantur. Nescio, quae vera huius neglectus artis veterinariae sit causa; vtrum illa in eo quaerenda, quod a dignitate sua alienam censuerint brutorum animalium curationem medici, an inde sit repetenda, quod vitam sanitatemque horum animalium fusque deque habuerint. Vtraque, quam attuli, causa ita comparata est, ut eius futilitas cuilibet statim in oculos incurrere debeat. Etenim non potest non reipublicae interesse, quomodo pecora aliaque praeprimis, quae domestica dicuntur, animalia valeant, cum ea cedant hominibus diuersimode in usum utilitatemque, ab iisdem vario morborum genere adfectis et hominum sanitas quin et vita ipsa summo-

suminopere periclitetur. Quae cum ita sint, fane nostra aetas superioribus palinam et ideo praeripere videtur, quod non solum a magistratibus scholae sint apertae, in quibus artis veterinariae traduntur praecepta, sed etiam plurimi inueniantur viri eruditi, qui in causis morborum, qui bruta inuadere, et saepe magna strage abripere e medio solent, indagandis atque eruendis singulare ponunt studium. Poteram varios hoc loco excitare viros nisi et breuitati studerem et metuerem, ne virorum, qui in omnium ferantur ore, nominibus excitationis lectorum meorum doctrinae diffidere viderer.

Inter causas morbificas, quae recentissimis temporibus sunt diligentissime consideratae, vermes sunt iure meritoque numerandi. Hi possunt in corpus animale transferri vel per alimenta, vel per insectorum variorum morsus, quibus ouula ipsorum aut sub cutem, aut in narium cavitatem etc. reponuntur. Alii vero ab his diuersi, ad oeconomiam animale[m] videntur pertinere, id est cum animalibus nasci, atque crescere, in iisdem corporibus progeniem suam augere ac propagare et denique ex eo, quocum simul nati erant, corpore in aliud transire. Hos licent *connatos*, illos *accessorios* adpellare. Vtrumque genus animali-

bus quidem nocet, sed non eadem ratione, eodemve gradu. Etenim connatis solent animalium corpora sensim, sensimque ita adfuescere, ut nihil inde incommodi percipiant, nisi horum vermium respublica infelicia ceperit incrementa, aut stimulo forte insolito irritata fuerit. Sed vermium accessoriorum alia est ratio: hi stimulo et irritatione insolita ac vehementi totam animalium oeconomiam concutunt, eas, quibus adhaerent partes, corrodunt, inflammationes producant, variorumque aliorum adfectuum, quin mortis ipsius foecundi sunt patres. Quare iam de insidiosa talium vermium specie pauca in medium proferam. —

Nidulantur scilicet in intestino recto equorum vermes, quos *ascarides* quidem nominat vulgus. Sed neutiquam veras illas vermiculares *ascarides*, qui in equis etiam inveniuntur, nobis offerunt; sed larvas oestri haemorrhoidalis. Quae quidem larvae, quando crescunt, ex albo cinereum, in statu autem perfectae evolutionis siue sub tempore, quo ad metamorphosin inclinant, magis rubrum et nigrescentem colorem prae se ferunt. In hocce ultimo stadio pollicem vnum longae sunt, omnisque externa superficies hirsuta apparet. Etenim vnaquaeque larva nouem annulis,

nulis, quorum quilibet duplici nigrorum aculeorum serie, quorum anteriores breuiiores, posteriores longiores esse solent, instructus est, *LL. componitur. Praeterea circa caput duo vinci nigri totidemque circa caudam inferiora versus reclinati, observatori obveniunt. *LL.

Hi vermes magna in copia plerumque mensibus Iunii, Iulii, Augusti etc. excretionem aluina vel sponte secedunt, vel clysmate dato, vel digito in anum immisso educuntur. Magnas hic loci molestias, nimirum pruritus continuum, inanes desidendi conatus, obstructions alui vel copiosos alui fluxus excitare solent. Generantur atque hoc loco euoluuntur, dum oestrus haemorrhoidalis sub cauda ad confinia sphincteris ouula deponit, euolutae deinde larvae anum ingrediuntur ibidemque usque ad ipsam metamorphosin crescunt. Potissimum vero deponit et apponit eo tempore commodissime plicis intestini recti semina, quando equi in pratis stabulantes intestinum rectum sub ipsa aluina excretionem evertunt. Sed hic modus non solus est, quo huc deueniant, sed etiam quaedam etsi quidem paucissimae, ex superioribus, scilicet ex ventriculo per intestina serpentes, huc deferuntur et deinde incrementum absoluunt. Atque

hae ipsae laruae quae in ventriculo serpunt nostram praecipue attentionem merentur et requirunt. Etenim non infrequenter accidere solet, vt per orificia narium anteriora sub somno muscae illae clanculum ingrediantur, vel solummodo ad anteriorem narium marginem femina apponant, laruae vero euolutae deinde sinus ingrediantur et vltius crescant. Quodsi hae laruae summum incrementi fastigium consecutae sunt membranae internae, cauitatem narium et sinus obuienti, adhaerent, metamorphosinque non infrequenter ibi absoluunt. Sub hoc autem studio morbos satis graues, quin adeo mortem saepe inducunt; dum nimirum continuo pruritu febres excitant, ab initio copiosiore muci excretionem per nares et os proliciunt in fine eas magis obstruunt, tandem inflammationem, saepe lethalem efficiunt.

Hic ipse locus autem iis adeo non commodam praebet habitationem, vt ibidem perpetuo commorentur, vt potius inde emigrent atque longe maiori copia disseminentur per choanas narium posteriores tanquam patetiores quaedam laruae ad posteriora loca deuoluuntur vel sub inspiratione, sub ipso reptatu in pharyngem abripiuntur, ex hoc deinde in ventriculum deueniunt ibidemque tanquam in com-

commodo habitaculo nidulantur nutritionisque opus absoluunt.

Negandum etiam non est multa semina, alimentis et potulentis mixta, perquam commode per ea in ventriculum ingeri cum muscae illae equos vbicunque comitentur et sequantur, atque continuo semina dispergant rebusque ea tradant, quae equis nutritioni inferuiunt et a quibus alimenta quaerunt. **MM.* **MM.* Larvae vero in ventriculo nidulantes vniuerso corpori multas noxas conciliant, inter quas hae praecipuae animaduertuntur: continuum quidem muci profluvium per os atque nares, oculi lacrymantes, spasmi, epileptici et convulsiui motus, appetitus summopere prostratus, continuo decumbere coguntur, inflammatione denique atque gangraena lethali oborta, tandem sensim nutritionis defectu consumuntur atque vel lenta vel subitanea morte e vita decedunt.

Omnia vero haec symptomata quam maxime augentur atque larvae potissimum equis infestae ac periculosissimae eo tempore sunt, quando ad metamorphosin properant.

Larvas vero descriptas in hoc studio depictas fuisse ex adhaesionis modo elucescit atque Tabula secunda illustratur.

Etenim tunc cum posterioribus ex cauda
 *NN. eminentibus *NN. et deorsum flexis aculeis
 se se inuncant tunicis ventriculi, ita, vt foveae
 dilaceratae maiores et minores, aequae satis
 profundae in omni superficie conspiciantur et
 arrosus ventriculus, qui contemplanti horri-
 dum aspectum offert, filtri figuram repraesentet.
 *OO. Caput *PP. et corpus libere de-
 pendent atque vnaquaeque larua proxime ad
 alteram collocata esseprehenditur, numerus
 autem adeo ingens erat, vt eas consignandi
 patientia vix sufficerit.

In spatio trium et quod excurrit pollicum
 numeraui centum circiter et quadraginta
 *QQ. laruas. *QQ.

Quas descriptas in hoc ultimo studio depictas
 fuisse ex adhaesionis modo elucescit, quem
 tabula secunda illustrat.

Nocent itaque reptatu, et irritatione propter
 sedas rigidas ex annulis eminentes, suctione
 atque copiosa excretionem quibus omnibus
 muci et visceris origo, inflammationes gravissimae
 et lethales, motus convulsiui etc. facillime
 explicari possunt. Quam periculossissimae vero
 sint inflammationes visceribus membranosis e.
 g. ventriculo, intestinis et quam facile haec
 corrodantur et consumantur, quisque

quisque medicus practicus tristi experientia
cognitum habebit,

Permultos equos hac affectione perire at-
que perdi ex inscitia possessorum multa testi-
monia adducere possem. Quare equorum
possessores moneo, vt, si sub excretionē alui-
na tales laruas secedere videant, *RR. medi- *RR.
camentis aptis ventriculi curam prophylacti-
cam gerant. Quae vero probabilia consilia
danda *SS. et qualia medicamenta adhibenda *SS.
huc ea practicae huius tractationis parti re-
ferro.

Explicatio tabularum.

Tab. I.

Fig. I. A. A. Partem muscoli pectoralis denotat.

- a. a. Vesicam vaginalem, finnam continentem,
- b. Vas sanguiferum tunicam vesicae in externa superficie perreptans,
- c. Vero finnam per vesicam perlucentem sistit.

Fig. II. Vesicam vaginalem finnam includentem a fibris muscularibus solutam, microscopii ope paullulum auctam repraesentat.

- a. Vesicam vaginalem,
- b. Vas sanguiferum ad eam accedens,
- c. Finnam ipsam significat et quidem in medio loco capsula lenticularis ad latera eius capsulae crura vesicae externae siue caudatae, in conspectum veniunt, simulque apparet, quod finna non omnem cauum expleat.

Fig. III. Vesica vaginalis dissecta.

Fig. IV. Finna ex maximis una ex tunica vaginali exempta, in qua vero caput et articuli taeniae in capsula cartilaginea recondita latent.

a. a. Crura vesicae propriae extremae exhibent.

b. Capsam vaginalem lentiformem.

c. Incisuram vel foveam per quam taenia caput et articulos retrahit et in capsula recondit.

Fig. V. Finna non ex minimis vna naturali potius magnitudine depicta.

Fig. VI. Finna integra in qua caput et articuli prominent ex capsula cartilaginea.

a. Finnae capsulam lenticularem.

b. b. Vesicae caudatae extrema.

c. Locum, quo utraque vesicae extrema communicant.

d. Caput a latere visum, ut duo laterales papillae atque media proboscis conspiciantur.

e. Seriem articulorum denotant.

Fig. VII. Integra finna similis ex capsula vaginali eminens microscopio tamen antecedente auctior.

a. Capsulam lenticularem.

b. Vesicae extremitates.

c. Locum significat, quo vesicae appendices communicant.

d. Caput est, in quo, circa proboscidem puncta nigra, tubulos vesiculares fugientes sub microscopio constituentia in oculos incurrunt.

e. Ar-

e. Articulos exhibet, per quos linea a proboscide incipiens decurrit.

Fig. VIII. Taeniae caput et articulos minima microscopii lente aucta repraesentat.

a. Proboscis est, ad cuius basin duplex series,

b. b. Vesicularum fugentium adhaeret.

c. c. Papillas laterales superiores,

d. d. etc. Articulos,

e. Medium canalem a proboscide incipientem,

f. f. Canales a papillis lateralibus exortos commonstrent.

Tab. II.

Fig. I. Oestri haemorrhoidalis larvam naturali magnitudine repraesentat. *TT,

*TT.

*UU. a. Caput, *UU.

*VV. b. Caudam, *VV, duobus nigris incurvis aculeis insignitam.

c. c. c. c. c. Nouem annulos, duplici aculeorum nigrorum serie obfitos exhibent.

Fig. II. Larvam magis corrugatam, nigrioris coloris, aculeis non notata, forte demortua.

Fig. III. Larva naturali magnitudine in qua caput luculentius in conspectum venit,

*WW, a. Caput, *WW.

b. Caudam cum eius aculeis repraesentat.

*ZZ, tat. *ZZ.

Fig. IV.

Fig. IV. A.A.A. Pars ventriculi equini est.

a. a. a. etc. Minora vasa sanguifera.

b. b. b. etc. Foveolas laceratas, quibus larvæ iam delapsæ inhaeserunt per caudæ aculeos.

c. c. c. etc. Larvas, tunicis ventriculi inhaerentes, appensasque conspiciendas praebent.

Tab. III.

Sistit tabula hæc similem ventriculi partem, ex egregia D. *Ludwigii* nostri rerum anatomicarum collectione depromptam et tetræ oestri larvarum peste insigniter, usque ad substantiam eius, ut vocatur musculosam, erosam atque perforatam. Hæc igitur pars eum maxime in finem a me depicta et tractationi huic inserta est, ut exinde foveolarum istarum erosarum et locorum, ubi inhaeserunt, lacerorum numerus et magnitudo diversa, antecedente tabula clarius luculentiusque lectoribus in conspectum veniat.

a. a. a. a. a. a. a. a. a. a. a. Pars ventriculi ex curvatura magna absque dubio exsecta.

b. b. Substantia eius carnosæ, tunicis denudata hic loci integra, paulo profundius vero usque ad mediam paene partem ab oestri larvis est perforata. Quam substantiam interdum ex toto esse perforatam atque inflammatam testatur *Blumenbachius*. Vid. eius *Handbuch der Naturgeschichte*. Göttingen 1782. p. 386.

c. c. c.

c. c. c. e. c. c. c. c. c. c. c. Loca ista lacerata vel foveolae erosae in quibus capitibus inhaeserunt laruae studio et diligentia ex his remotae. Horum vero, ut facile intellectu est, locorum magna est differentia. Alia ampliora et satis sunt profunda, in his scilicet duae vel tres a tenera aetate usque ad metamorphoseos paene tempus habitarunt laruae; alia vero minus ampla et profunda reperiuntur, his nimirum vnica modo earam inhaesit; alia denique sunt minima, leuia et superficialia quasi, in his igitur vel tenera, mox emortua habitauit, vel adulta, aut sponte delapsa, aut vi aliqua expulsa, per aliquot temporis spatium commorata est larua. — Ceterum fere omnia haecce loca in margine sunt plus vel minus callosa, in interiore vero eorum parte grauius inflammata.

d. d. d. d. Oestri huius laruae maximum incrementum consecutae.

e. Larua, ex posteriori corporis parte anum et respirationis organon emittens.

f. f. Laruae, prima aetate emortuae, nigroque subrubro-flauo colore exornatae.

Tab. IV.

Oestri nostri interiores, absconditas et organicas partes opticae lentis artificio auctas atque depictas, repraesentat haecce tabula.

Fig. I. Sinit partem, posteriorem ab auctore vocatam; diligentiori vero disquisitione, variisque tentaminibus, anteriorem, vel laruae caput esse, sum edoctus.

a. a. Os,

- a.a. Os, in media eius parte in oculos incurrit oesophagi initium.
- b.b. Duo aculei incuruati b. auctoris, siue suprema Laruae pars cornea ad motus exercendos cibosque competendos aequae aptissima.
- c.c. Acini sensorii, siue sensus organa.
- d. Prominentia superior, siue labium externum superius, et
- e.e. Inferius externum.
- f. f. Collum, siue pars capitis inferior, multiplici spinarum cornearum serie exstructa.

Fig. II. Lectoribus praebet partem a *Wernero* anteriorem nominatam, quam vero posteriorem dico. Continet respirationis organon.

- a.a. Duo labia minora lateralialia.
- b. Rima siue sulcus in superior. et
- b.b. Idem in inferior. labio. Diuidit quasi labium.
- c.c. Duo oris anguli.
- d.d.d. Ultimus et
- f. f. Penultimus corporis annulus, spinis illis plane destitutus.
- eee. Labium superius et
- ee. Inferius, lateralibus labiis paulo maius.

Fig. III. Organi respirationis demonstrat partem superiorem in qua deprehenditur.

- a. Podex, l. orificium ani,
- b.b. Duae internae corneae et breuiores fasciae transuersum striatae atque in media parte angulatae,
- c.c. Mediae, longiores vero et paene semilunares, denique

d.d. Ex-

d.d. Externae, longissimae.

e.e. Foraminula l. pori inorganici, in media parte, respirationis causa commodae, positi.

Tab. IV. Depicta est inferior organi respirationis pars, siue fundus.

a. a. a. a. a. a. a. a. Octo maioribus vasis aëreis perforatus et variis

b.b. Incisuris et

d.d.d.d. Prominentiis, instar rosae, et

c.c. Duobus vasis, anum componentibus, exstructus.

Fig. V. Larua eum in finem dissecta, ut in corpore accuratius sedes

a. a. octo vasorum aëreorum et

c. duorum, anum constituentium, ut et

b.b.b. membranae externae et

c.c. internae ratio appareat.

a. Caput eius commonstrat.

Fig. VI. Vnus ex anulis illis, quibus praedictum est laruae corpus. Animaduertitur duplex

a.a. externarum,

b.b. internarum spinarum cornearum microscopii ope admodum aucta series.

Fig. VII. Larua ex maximis una, sponte ex posterior. corporis parte organon respirationis emittens. Eand. vid. Tab. III. e.

Fig. VIII. Sistit oesophagum, os, et duos aequales et incuruatos aculeos.

Fig. IX. Oestrus Bouis, l. Haemorrhoidalis Linnaei.

Fig. X. Huius oestri imago.

ANIMADVERSIONES.



ANIMADVERSIONES.

*A. **D**isciplinarum omnium progressus nulla re magis impediri, quam nimia rerum, quae primo intuitu minutae et leues videantur, dispicientia atque contemptu, experientia iam dudum edocti nouimus et nunc nouo historiae vermium exemplo egregie confirmatur. Omni igitur iure *Goetzius Plur. Reuer.* aliique cum nostro auctore, summam ab eo, qui hydatiden, quae in omnium fere animalium corporibus reperiri solet, inspicere et obseruare velit, diligentiam et cautionem postulare videntur. In hac enim vesica diligentissimus et cautissimus quisque obseruator, non semel sed saepius, corpora reperiet neque destituta organis, (quae quidem multis ne attentione quidem digna videntur,) neque vita carentia mirificeque constructa, non raro etiam numerosam eorum familiam. Neque tamen negari potest, nimio talium vesicularum aestimandarum studio, et praeoccupata de iis opinione vermium naturam scrutaturos facillime in errorum discrimen, atque adeo obseruationes eorum in periculum ambiguitatis induci posse. Tales enim opiniones, praesertim coniunctae cum singulari quodam atque praecipuo, huius partis historiae naturalis amore, quam facile possunt obseruatoris et oculorum et ingenii aciem perstringere. Quam facile microscopii usu,

qui hac in re aequè necessarius esse intelligitur ac fallax, unusquisque in errores trahi potest?

Quodsi igitur cuiusmodi opinionibus imbutus vesicam, opinor simplicem, quae nil nisi, ac contextus cellulosi particula aliqua est, lymphæ, sero effuso, aucta, quo ad magnitudinem et formam mutata, conspexerit; facile persuasum sibi habebit, se videre habitaculum cuiusdam aut noti iam, aut noui adeo vermium generis, quamquam vere nihil aliud conspiciat, quam vesicam eamque sedi animalculorum istorum oculis solis vix conspiciendorum quodam modo similem.

Ceterum quo quis alacrioris est ingenii, quo lenior, quoque minus longiori in experiendo tentandoque patientiae est assuetus, quo facilius denique semel visa et tentata opinionibus ipsius et expectationi satisfaciunt; eo saepius eum faciliusque in tales errores fraudesque incurrere posse, quis est, quin sponte videat?

*B. Praeter *Pallantem*, *Blochium* et *Goetzigium*, qui quidem triumviri nuper de hac historiae naturalis parte illustranda et augenda egregie meriti sunt, aliorum quoque Virorum clarissimorum merita laudanda et nomina huc referenda videntur. Quo pertinet: *Andry*, *D'Aubenton*, Sam. Siegfr. *Beddeus*, *Bekmann*, *Blom*, *Blumenbach*, *Bonnet*, *Buffon*, Daniel *Clericus*, *Verestoi de Csér*, *Degeer*, van *Doeuern*, Otto *Fabricius*, *Fehr*, *Frisch*, von *Gleichen*, de *Haen*, *Happ*, *Her-*

Hermann, Klein, Leske, de Lille, Linée, Loewenhoeck, Malpighi, Maratt, Marigues, Marx, Merrem, Morgagni, Otto Fridr. Müller, Odhelius, van Phalsum, Rauh, Redi, Roederer, Nil Roseen, Sander, Soemmering, Spiegel, Swammerdam, Tyson, Tulpinus, Wagler, Wrisberg, vt taceam de reliquis.

*C. Plur. Reuer. *Goetzius*, observator acutissimus, mihi quidem, finnas humanas haud dubie multo prius detegere potuisse videtur, si, qua auctor noster opportunitate eadem uti potuisset. Quod quidem me conicere iussit nota eius quaedam ad libellum inscriptum: *Neueste Entdeckungen, dass die Finnen im Schweinefleisch keine Drüsenkrankheit, sondern wahre Blasenwürmer sind, v. J. A. E. Götze etc. nebst einer Kupfertafel. Halle 1784. in 8.* Inquit scilicet: *Ich habe schon Spuren, dass die Menschlichen Wasserblasen ebenfalls von dieser Art einzelner kleiner Blasenwürmer herrühren und habe bereits an denen, die mir der Herr Professor Meckel in Halle mitgetheilet hat, die Hakenkränze deutlich gesehen; nur hatten diese zu lange in Weingeist gelegen etc.* Ex his igitur apparet, ipsum iam ante *Wernerum* intellexisse hydatides in humano corpore esse domicilia taeniae hydatigenae.

*D. Virorum *Cell. Redi, Pallantis, Blochii, Goetzii etc.* observationes et experimenta saepius repetita extra omnem dubitationem posuisse et confirmasse videntur: plerasque omenti, mesenterii, peritonaei etc.

vesiculas, corporum cum hominum, tum animalium, non semper tumores lymphaticorum vasorum esse, quod auctor noster statuit; sed saepius domicilia vermium intestinalium. Vid. *Redi* Opusc. III. p. 33. 34. 35. 195. 200. ubi se in vrsis, vulpibus, leporibus, et mustelis tales glandulas verminosas (vt appellare solet) inuenisse ostendit, quarum tamen plerasque solas hydatides esse existimat; cum *Pallas* et imprimis *Goetzius* easdem vesiculas, si molles spongiosae sint adeoque educi protrahique possint, vt grauior earum pars decidat, pro domiciliis vermium habere non dubitet; si duriores sint, cartilaginosae et refertae lymphâ clara et liquida, quae ex iis acu tactis, fontis salientis instar exsiliet, meras et proprie sic dictas vesiculas esse existimet. Sed hae diuersitatis notae et signa, vtrum certa sint et ab ipsa natura constituta: an vero dubia et viri celeberrimi opinione tantum conficta equidem definire nunc quidem non sustineo.

Eandem fere sententiam, quamuis dubitanter quodam modo, amplexum esse vidi quendam ex societate Berolinensi ca, quam studium perscrutandi naturam coniunxit; nimirum Vol. I. p. 348-352. opp. illius, in cadaueris cuiusdam omento multas tales, *hydatidibus Pallasianis* perquam similes vesiculas, quibus apertis, corpusculum quoddam taeniae *Pallantis* hydatigenae non dissimile, cuius adeo motus nonnulli in vesicula propria animadverti potuerint, se reperisse confirmat. Quam quidem narrationem, postquam *Goetzius* denuo examinauerat, totam rem profecto dudum iam fuisse

fuisse confectam et extra omnem controuersiam positam confirmauit, si album huius vesiculæ corpusculum, maiori milii grano simile, quod haud dubie vehementer se se contraxerat, diligentiores obseruassent; si modo in aquam susseruentem, quo facilius aucti subinde motus potuissent apparere, immerfissent; si denique corpusculo illo albo expresso quatuor illas fugentes vesiculas vna cum vncinorum corona produxissent.

Caeterum cum hac narratione conferri possunt ea, quae retulit *Pallas in Neuesten Nordischen Beiträgen* 1 B. 1 St. p. 83, 84.

*E. Hinc lanii, vt cognoscant vtrum porci sani sint, nec ne, experimento hoc vti solent ex parte quidem fallaci; segmento scilicet ligni, intra maxillam inferiorem atque linguam eorum transuersim posito, protrahunt hanc ita, vt apice eius sublata inferiorem superficiem contemplari possint; cui, si tales vesiculas subrubras inhaerentes conspiciunt, statim reliquam quoque carnem infectam esse concludunt,

*F. In lingua vernacula cum ab agricolis, tum a laniis exprimi solet sic: *Die Schweine sind unrein*, Hinc etiam viliori pretio venduntur,

*G. *Neueste Entdeckung, dass die Finnen im Schweinefleisch keine Drüsenkrankheit etc.*

Sed iam ante *Goetzius Otto Fab. Müllerus* Vir celeberrimus, vermes in hisce tumoribus residere con-

iectura affectus est, quamquam coniecturam hanc argumentis satis grauibus confirmare illo tempore non sustinuit.

*H. Vulgo quidem porci finnis infecti non morbo gallico proprie sic dicto vel venereo, sed alio quodam huic simili atque cognato laborare putantur. Bucerum vero pecus cuius viscera, iecur, renes, peritonaeum, et quae ad collum pertinent partes, saepe talibus et maioribus et minoribus vesiculis plenae reperiuntur, hoc inquam, pecus, huc vsque, sed falso infectum esse morbo isto creditur. Quae opinio antiqua et praeoccupata effecit etiam, vt lepores, quorum visceribus, iuente vere et aestate non raro tales vesiculae insidere solent, repudiarentur quasi morbo isto laborantes et a mensis multorum excluderentur.

Huic igitur opinionum commento auctor noster rectissime opposuit rationes atque argumenta experimentis certissimis suffulta. Quibus hoc vnum addam: quomodo enim fieri tandem potest, vt boues euirati, qui saginari solent in ea mala incidant, quae vehementiorem tantum saepiusque quam natura fert, naturae cupidinem sequantur, cum tamen ipsi hoc instinctu nunquam compelluntur?

Ante *Wernerum* iam D. Petr. Bened. Christ. *Graumannus* in libro inscripto: *Ueber die Franzosenkrankheit des Rindviehes und der Unschädlichkeit des Fleisches solcher Thiere.* 1784. *Rostock u. Leipzig.* Argumentis non leuibus probare contenderat, morbum istorum

animalium nil esse nisi vulgares vesiculas. Has vero et auctor noster et ego saepius nil nisi habitacula vermium hydatigenarum esse, arbitramur. Atque hanc nostram sententiam cum Cel. *Goetzii* auctoritate confirmatam esse intellexissem (ex libro saepius laudato, *Neueste Entdeckung etc. p. 36.*) magnopere gauisus sum.

*I. Celeberrimum virum instrumento compresforio, (*Pressschieber*) quo partes teneriores vermium minus accurate comparent ad detegendum et delinandum, usum esse, silentio praeteribo, cum omnino fatendum sit aliqua vi interdum opus esse, si vermes organicas suas partes reconditas teneant, quod de reliquis taeniis hydatigenis fere omnibus valet, nisi artificio alio capitis partes prolicere contingat, sed nolim tamen, ut idem instrumentum a naturae scrutatoribus promiscue quovis in casu in usum vocetur.

*K. Omnia ab auctore *Goetzianae* hypothesei opposita, cum nitantur modo formula quadam loquendi non satis definita, accurata atque perspicua ne tangere quidem illam, nedum labefactare videntur. Nimirum *Goetzius* proposuerat quaestionem: unde orirentur finnae: atque huic sensum inesse *Wernerus* putabat hunc: Quanam essent causae formandarum finnarum. Has igitur multas ille ait, esse et varias. Quarum prima et praecipua ex nimio animalium feruore et aestuatione repetenda sit. Quod nullam speciem habet verisimillimam atque abhorret ab omni experientia,

rientia, si pro subtilitate philosophica causa intelligitur *prima* atque *efficiens*. Atque hanc intellexisse videtur *Wernerus* cum causam, ut vocant occasionalem et efficientem ipse antea permutauerit. Omnino autem bene exposuisse, causamque et originem finnarum perspicue ostendisse videtur mihi *Pallas*, Vir Celeb. in (*Stralsf. Magazin St. 1. p. 81.*) Docet enim ibi in iecoribus et pulmonibus bouum, ouium, suum singularem quandam reperiri vesicularum speciem, quae ex nullo alio, quam vermibus alicuius in animalibus hisce habitantis semine oriri et procreari posse videantur. Has vesiculas ostendit, haerere in magnis, mirifice formatis, curuatis denique et diductis cauaminibus, quae intrinsecus plane callosa apparerent, in quibus ipsis vesicularum membranae solutae et vix adhaerentes, sed ita tamen iacerent, ut cauaminibus plane expletis ad exemplum formae ipsorum sint effectae. Hanc figuram, vltius docet *Pallas*, plerumque in longitudinem ita esse distortam, ut pars eius extrema una exeat in rotundum quoddam capitulum, altera vero sensim sensimque et per miras ambages, caudae instar, torqueatur. Ipsas autem vesiculas constare ex membrana quadam alba, duriuscula, plane simplici et extremitatem spiculatam versus tenui, quae adeo, vulnerata, statim dissiliret et dissolueretur nec ulli rei rectius commodiusque comparari posset, quam astragalo animalis nouelli cocta, orbis formam papyrique tenuitatem habenti. Spissae huius membranae partem interiorem superinductam esse subtili quodam contextu siue cuticula,

eula, quae resolui inde et detrahi facile posset et plena reperiretur corpusculis albis, rotundis plerumque et ouatis, quae huc illuc sparsa essent, et prout microscopium ostenderet atque declararet, ex aliis globulis vel corpusculis rotundis constarent interdum oblongis, compositis et formam punctorum exhibentibus. His omnibus, vir idem celeberr. post haec addidit: (*in Nord. Beiträg. 1 St. p. 83.*) veri esse simillimum hydatides solutas in corporibus humanis saepius repertas aut speciem esse taeniae hydatigenae proprie sic dictae, aut similes saltem esse vesiculis illis singularibus, quas in vitulinis bouinisque et iecoribus et pulmonibus obseruatas descripserit, quaeque haud dubie animalcula, vt ex interiore earum cuticula globulis granulatis plena appareret, organis praedita continerent.

His igitur cum obseruationibus, tum coniecturis sane non leuibus, excitata Goetzii attentio, diligentius saepiusque indagando et obseruando reperit tandem corpuscula in vesiculis supra commemoratis, quae Pallas animata organisque praedita esse tantum coniecerat, vere talia esse, atque adeo veras taenias hydatigenas, quas ipse *Taenias Viscerales sociales granulatas* appellauit (vid. *Eius Versuch einer Naturgeschichte der Eingeweide Würmer, thierischer Körper etc. p. 258.*) atque inter taeniam hydatigenam orbicularem, vesica magna, corpore breui rugoso, imbricato: capite quadrifurcato uncinatoque praeditam et inter taeniam vesicularem cerebrinam vel multiplicem, tunica vesiculari vel capsulari externa carentem, medias esse putauit.

Atque

Atque eiusdem generis vesiculas inuenit etiam in iecore veruecis, cuius sub vesica externa coriacea duriuscula, erat caerulea quaedam, et callosa vesica interna et haec quidem mollior illa. Quam cum aperuisset, variis in locis internis granatim dispersam reperit canam quandam materiam, ouis piscium minimis non dissimilem, et cum tenerrima cuticula mucosa coniunctam, quae tamen in aqua statim resolvebatur, ita, ut grana illa circumferrentur singula. Huiusmodi granorum multa millia inuenit aliquando in vesica, oui columbini magnitudinem habente, quae oculis vix conspici poterant, sed microscopio subiecta, mox cordis, in superiori parte per lineam nigram infecti; mox amphorae utrinque in superiori eius parte capitulis instructae; mox soleae ferreae cum breui linea transversali; mox manubrii rotundi superne infecti ab anteriori parte obtusi, duobus capitulis lateralibus et corona subnigra ornati, formam referebant. Eadem perfectiori microscopio subiecta, clare perspexit, esse taeniolas. Nimirum corpuscula earum erant plana, nigris punctis distincta, in fronte habebant quatuor papillas sugentes et in proboscide retusa duplicem vncinorum minutissimorum seriem; a tergo unicuique teniolae infectio curua, podicis formam referens, erat. Reliquae vero in se se retractae et quasi absconditae multas variasque habebant figuras, in quibus sub lineae cuiusdam nigrae, in media earum parte positae, forma, duplex apparebat vncinorum series.

Sub instrumento impressorio cum vesiculae fugentes tum corona vncinorum luculentius apparebant. Haec omnia cum descripsisset *Goetzius*, addidit denique; se vehementer optare, ut originem ortumque harum vesicularum et oeconomiam vermium istorum, tot millium singulorum in vna vesicula congregatorum, expedire atque illustrare possit atque definire, an augeantur et crescant? an disperantur per varias partes? an quivis eorum suum sibi quaerat et struat domicilium? et vbinam habitet? Haec autem vota profecto tanto viro dignissima nonne posteris tradantur ut et hi habeant, quibus satisfacere possint? Atque haec omnia, quae de vermiculis his detexerat, postea ad patefactam a se finnarum rationem ita adhibuit, ut iam concluderet, semen vermium istorum, siue potius ipsas iam finnulas, reconditas iacere in vesicis iecoralibus cartilagineis e quibus tamen propter nimium feruorem, aut aliam quamcunque causam, disruptis, liberae progrediantur, sed animalculis infusoriis longa minores. Iam per humores animales transire easdem in carnem, separari, et residere denique aliquo loco et haerere, ubi pro suo quavis instinctu habeat atque vivat. Quomodo enim alias inquit, usque ad inferiorem linguae partem propagari et penetrare possent? (Nam in superiore eius parte vel propter cuticulam duriores nullae reperiuntur.) Atque haec *Goetzii* coniectura, etsi primum consideranti videri potest in audaciae reprehensionem incurrere, tamen, si res tales, tamque subtili observatione patefactae aliquam habent
veri

veri speciem profecto coniectura illa ab hac non omnino abhorret. Qua re *Werneri* etiam obiectionem leuissimo niti argumento, diligentissimus quisque lector sua sponte intelliget. Neque ceterum quidem negari potest, aliam adhuc restare viam, quae ad reconditas illas finnarum sedes ducere possit; sed hucusque nulla observatio certa talem patefecit et muniuit, quam relictis aliis ingredi tutius ac persequi possis.

*L. Finitis iam praelectionibus de hoc cadauere, dissectisque omnibus eius musculis et partibus interioribus, cum in theatro nostro anatomico asseruatum, frigori acerrimo expositum esset, tribus fere hebdomadibus post, accepi a *Wernero* triginta fere tales finnas ex eo sectas. Et quae auctor noster antea in aliis frigore nondum affectis observauerat eadem omnia non modo in his, aquae calidae iniectis observavi, sed etiam in iis, quae frigore primum, deinde calore affectae, postea etiam putredini in musculis, quibus inuolutae erant orienti, expositae erant. Quaeenam autem mihi harum rerum observatarum causa videatur, infra exponendi erit occasio. Ceterum, qui animalculis hisce considerandis operam dare volunt, cauendum sibi existent, ne caloris gradum nimis subito augeant, cum vermes, alias diu vitales, sic statim moriantur.

*M. Vid. not. *BB.

*N. Iuue.

*N. Iuuenem hunc, cuiusdam sacrorum curatoris, prope *Geram*, filium, aquis suffocatum, ab amico eius quodam nuper accepi; iam per non nullos annos ante fatalem istam mortem ad melancholiam inclinasse, saepiusque languore membrorum et grauitate premi se significasse. Qui quidem languoris grauitatisque sensus vtrum ex nimio finnarum numero ortus sit, definire non ausim; illud tamen et mihi singulare notatuque dignum videbatur et aliis quoque videbitur, quod in iis potissimum partibus corporis, post mortem maxima vermicularum istarum multitudo reperta sit in quibus viuis vehementissimum sensum perceperat.

*O. Saepe multumque dolui, sententiam *Goetzi* de origine finnarum et efformatione, (vid. *K.) mihi, dum inuestigationi cadaueris huius finnis plenissimi interesssem, nondum innotuisse. Quod si eam habuisssem cognitam, diligentius profecto interiorem hepatis pulmonisque naturam atque conditionem aut ipse peruestigasssem, aut beatum amicum meum ad peruestigandum adhortatus fuisssem, id quod ab utroque plane ni fallor, omissum et neglectum est. Hac igitur quamuis opportuna occasione neglecta, vtrum hominis istius viscera supra commemorata ipsa intus semine finnarum, h. e. *taeniis socialibus granulosis Pallasianis* et *Goetzianis*, plena fuerint, nec ne, definire nunc quidem non possum. Sed, noua aliquando occasione oblata, indagare haec constitui. Et profecto nihil iucun-

iucundius mihi foret, quam si repertis illis taeniis, coniecturam *Goetzii* acutissimam confirmare et stabilire atque adeo ultra verisimilitudinis fines producere possem. Ceterum *Weneri* experimenta cum *Goetzianis* in eo conueniunt, quod finnae in nulla alia corporis parte, quam in carne reperiuntur.

**P.* Nisi experimentis meis omnis fides dene-ganda est, et visus me non plane fefellit; eae partes carnis, quibus finnae insident, reliquis fuerunt paulo rubicundiores. Interim fieri potuisse, vt parua haec coloris varietas aliunde oriretur, negare nullo modo velim.

**Q.* Reperi fane nonnulla musculorum strata inter quae finnae domicilia constituerant, vehementer et modo plane singulari et insolito distracta. Id quod ostendet imago a me expressa Tab. I. fig. I.

**R.* Cutis externa, qua finnae vestitae sunt non tam membrana vaginalis durissima est, quam potius tunica vesicularis densa et tenacissima.

**S.* Vesiculae fugentes, quatenus sint, ingenue fateor, me nondum intellexisse. Id iam olim *Werne-ro*, adhuc viuenti, aperueram; sed, vt postea cognoui, temere et sine fructu. Quare, quicquid ego per microscopia viderim atque detexerim et quicquid de his ipsis statuam, huc referendi locum opportunum existimo.

exillimo. Vfus sum variis et diuerfos magnitudinis gradus referentibus opticis lentibus. Illa quae parum augebat magnitudinem eam, capitis finnae partem, quae superiacet papillis quatuor fugentibus, repraesentabat duplicem punctorum obscurorum seriem; per aliam maiorem in punctis his obscuris agnoui partes eminentes, quae singulae in medio erant nigriores; atque easdem, in maxima lente cernebam esse corpuscula rotunda deorsum in acumen exeuntia, sed in parte superiori obscura et quodammodo caua, ceterum tamen haec ipsa corpuscula solida mihi potius quam concaua vesiculisque similia esse videbantur. Quae igitur corpuscula, etsi statim cum duplici vncinorum serie a *Gortzio* in finnis porcorum obseruata, comparanda esse conieceram, tamen per omnes fere microscopii lentes inspecta, ne minimam quidem cum illa similitudinem habere vidi. Neque enim vllam sic dictam vesicam fugentem, neque vncinum vllum reperi. Quare, etiam si corpuscula haec in superioribus partibus aperta, finnis victum praebere pro nunc concedam; tamen vesiculas esse, quibus finnae ad sugendum vtantur (tanquam instrumentis) vix cogitare, nedum persuasum mihi habere possum. Equidem, cum orificia illa quatuor magna, (quae auctor papillas fugentes, *Saugwarzen* appellat) perscicue vidissem, in totidem canales exire, atque haud dubie canales nutritorios esse, putabam duplicem illam corpusculorum seriem, in quibus, ne per maxima quidem microscopia, perspicui ductus excretorii conspici possent, per-

tinere forsan ad externam tantum capitis figuram eiusdemque ornatum externum. Quodsi partes illae, quae cauae videbantur, vera orificia esse perhibentur; fateor, me nullam, ne leuissimam quidem reperire causam, cur animalcula, quamuis minuta atque humoribus semper et vndique circumfusa, ad victum facillime sibi parandum idonea, tot tamen instrumentis a natura temere quasi et praeter rem fuerint exstructa.

Nonne corpusculis illis, ut respirationis organo utantur finnae?

Si magnis illis quatuor sugentibus papillis, suctionis artificio alimenta sibi parant, nonne ad hocce perficiendum opus, aer aequè commodus est ac necessarius? Per quas vero inspirant partes? Per quasnam expirant finnae? —

Vel suction earum estne res effecta atque excogitata et commentitia? Vel fugit animal viuens ut inanis tubulus capillaris?

Vehementer opto, ut studiosi naturae indagandae acutioris ingenii huic rei illustrandae diligentiores animi aduersionem adhibeant.

*T. Finnae humanae ab iis, quae in porcis reperiuntur, non parum differunt. Nimirum

- 1) Illae quae formam externam, his sunt maiores atque ex illis reperiuntur non raro, ex auctoris sententia, quae vna cum vesica externa, pollicis paene integri longitudinem, dimidii fere latitudinem, et crassitiem quadrantis habeant; cum
harum

harum longitudo, secundum *Goetzii* rationem, vnciae trientem, latitudo lineam nunquam superet:

- 2) Vesica quadam externa illae vestitae sunt; hae autem destitutae:
- 3) Illarum capita duplici corpusculorum rotundorum serie ornata sunt; in his corona vncinorum reperitur et dispar eorum numerus:
- 4) Colla illarum, eosdem quos taeniae vulgares habent articulos, qualibus hae carent:
- 5) Illarum colla extrema spissiora sunt; harum forma per omnes partes aequabilis:
- 6) Tunica vaginalis, sic dicta, in finnis quidem humanis, sed non in suillis reperitur.

Ceterum in reliquis omnibus utraeque conuenire videntur.

**V.* Propter ipsius rei similitudinem priorem externam cuticulam *membranam vesicularem* appellare quam vaginalem malebam. Conf. **R.* Neque enim vaginae sed vesiculae formam expressam habet.

**W.* Vesiculae externae vnciae longitudinem habentes sunt haud dubie inter omnes maximae atque adeo ulterius produci ac crescere non posse, immo summum iam perfectionis et incrementi fastigium attigisse mihi videntur.

*X. Miror sane, *Wernerum* statuisse, perpau-
cas esse finnas vncia vna breuiores; cum tamen in ipsa
eius collectione vermium, magnus sit finnarum sum-
mae et mediae et minimae magnitudinis, numerus, et
mediae quidem, nisi omnia me fallunt, maximus.
Equidem habeo finnas ne quadrantem quidem vnciae
partem longas, quas autem vel nondum adultas, vel
male nutritas esse existimo.

*Y. Vid. not. *R.

*Z. Flavidum huncce humorem concretam
potius crassatamque lympham, quam aliud quid esse
ex forma quidem eius externâ coniiciebam. Nam mi-
croscopii ope diligentius eum nec indagaui, nec inda-
gare potui.

*AA. Capsa haec vaginalis sic dicta, siue vt
rectius dici potest, corpusculum illud rotundum, quod
latet sub externis duobus teguminibus, hoc est in vesica
interna, quam externae illae inuoluunt atque inclu-
dunt; mihi quidem non tam pars finnae aduentitia,
quam potius ipsa, eaque necessaria corporis pars esse
videtur, in qua scilicet exteriores partes, caput, col-
lumque, contractas tegere et occultare possit. Eodem
fere modo limax quaedam os suum, acinos sensorios,
caput, partem colli aliquam in se contrahere solet.
In hoc vno diuersa quidem est horum duorum animal-
culorum ratio, quod huius corpus, eandem, quae
caput

caput et reliquae partes, mollitiem habeat; illius vero fit partibus reliquis aliquanto durius. Sed huius ipsius diversitatis causa adest sane gravissima haec, ut scilicet finna partes hasce ad vitam sustentandam maxime necessarias tueri sic, et in perpetuis ac saepe vehementissimis musculorum motibus salvas et incolumes servare atque contra quassationes, compressiones omnisque generis violentos impetus defendere possit. Neque vero plane defunt mihi vestigia, e quibus rotundam hanc duramque finnae partem nullo modo capsulam vaginalem meram, ut auctor putabat, atque adeo organis destitutam esse appareat. Etenim in hac ipsa parte digeri cibum et concoqui; fingi forsan prolem, quacunque tandem ratione et modo id fiat, non dubitavi coniicere. Hoc autem certo scio, euacuationem fieri per hanc ipsam partem et quidem a latere. Et profecto plura eaque a verisimilitudine non aliena, de hac finnarum parte tradere possem, aut traderem; nisi vel et ipse meis observationibus fidem nonnunquam denegare didicissem; vel per varias microscopii aliasque fraudes edoctus, hanc mihi legem sanxissem, ut hac in causa, in qua vera mixta falsis, vix discerni possunt, nihil unquam prius statuerem, quam saepius atque in diversis subiectis repetitum, adeo confirmatum reperissem. Has igitur atque semel tantum institutas observationes, si repetendi confirmandique occasiones opportunae, mihi obtigerint, alio tempore proferam.

**BB.* Equidem fateor, me in omnibus finnis, quas et cum auctore nostro, dum eas depingerem et priuato studio solus obseruarem, ne semel quidem vllum vnquam motum capitis collique spontaneum, animaduertisse; aquae vero calidae irritamento saepius motum earum excitaui. Et cum haec animalcula, a me obseruata, singulari cuidam et vehementi frigori essent exposita, atque adeo valde contracta; facile apparet organa ipforum subtiliora, se se non potuisse prius exserere, quam essent leniori quodam externo irritamento, cuiusmodi solet esse caloris quidam gradus, adacta quasi ad motum atque prouocata. Quam ipsam meam obseruationem quoque confirmant, quae Viri Cell. *Pallas*, *Bloch*, *Goetzius* etc. in similibus aliis vermibus intestinalibus teneris obseruasse, in scriptis suis testati sunt; quamquam vereor, ne hi Viri summi animalcula talia, tantaque frigoris vi ac vehementia contracta obseruauerint et vitae animalis adhuc reliquae speciem aliquam animaduenterint. Speciem, inquam, nam, vt hac occasione exponam, quae supra modo attigi, de vera vitae finnarum talium restitutione, per calorem efficienda, adhuc dubito. Dubitare me primo experientia sola quaedam iusserat. Eadem deinceps saepius expertus, vitae huius restitutionem ausus essem propemodum plane negare, nisi hanc libidinem, audaciamque coercuisset cogitatio de necessitate adhuc plurium experimentorum ad conficiendam rem decernendamque sententiam, grauior atque diligentior.

Nunc igitur, etsi statuere nil certi quicquam volo; tamen examinanda tradam lectoribus quaecunque in hac causa expertus sum, hac vna animaduersione praemissa, quod signa vitae finnarum, calore modico restitutae, non nisi haec, sint, certe esse videantur: vesica interior aucta et tumefacta; collum ex corpore, siue ex capsula vaginali, sic dicta, prominens et quod raro atque re felicissime succedente euenire solet, caput porrectum. Neque enim in reliquis huius animalculi partibus quicquam, nec alius praetera motus spontaneus atque perspicuus, qui testis esset functionis vilius vnquam fide dignus, cerni oculis et obseruari hucusque potuit. His igitur praemissis, pergam iam in exponendis meis experimentis.

Finnae, quas *Wernerus* mihi cum describendas, tum indagandas, vsuque meo tentandas exhibuerat diligenter primo inspexeram et in interiorem earum naturam penetrare, summo, quo poteram studio, contenderam. Sed cum deinde varia negotia studium hoc meum interromperent finnas meas exutas vesicula externa, in aquam reposui. Hac non ita multo post plane et vsque ad inum congelata, finnae omnes in glaciem fere mutatae videbantur, atque sic mutatas per octo ipsos dies seruabam. Interea otium mihi redierat, quod coniunctum cum suspicione, an forsan animalcula haec, propriis vesicularum externarum domiciliis destituta, istam frigoris vehementiam sine vitae damno perferre potuissent, me denuo ad eas indagandas excitauit. Quare totum glaciei volumen modico

calore dissolui. Sed antequam plane dissolutum erat, nonnullas eius particulas separatim inspexi et animadverti, finnas omnes, quae iis involutae erant, ac cerni poterant, colla sua nunc in corpuscula retraxisse, cum antea in aqua paullulum calida porrexissent. Qua quidem re animaduersa postquam diligenter id egeram, ut sensim modo sensimque glacie expedirentur, atque adeo aquam rursus, sed modice tantum calefeceram, en! vidi colla deinceps sensim sensimque e corpusculis producta. Experimentum aliquoties repeti idque in finnis, quae frigori denuo per quatuor dies erant expositae, sed idem plane reperi, quod in prioribus experimentis. Quae res admirationem meam non minus quam attentionem maximopere auxit.

Interea finnas, quae membranis destitutae collum produxerant ex corpore, ut sic constitutas futuro tempori reseruarem et cauerem, ne in putredinem abirent, frumenti attenuato spiritui imposui. Huic impositas paulo post vidi colla et capita in corpus retraxisse. Qua re offensus, nonnullas earum e spiritu frumenti extractas in tepidam conieci aquam, atque partes earum organicas, paulo leuius ac mollius inter duo specularia comprimens, integras saluasque restituere tentavi, ne quidem cum felici successu.

Quibus enim ipsis occupatus, capitis, praesertim vero colli eminentiam aliquam animaduerti, antea non obseruatam. Quod phaenomenon fane non poterat non attentionem meam summam excitare. Conseruato igitur aquae tepore contigit, ut post quatuor
fere

fere horas finnas meas, saltem aliquas, de nouo affectas, eademque forma indutas conspicerem ac ante quatuordecim dies, in attenuato spiritu frumenti conspexeram. Iam id vnum egi, vt experimentum repperem et, vt plane perfectum, maximeque perspicuum redderem, recondidi finnas in spiritu frumenti acriori. Sed spes mea euauit et hoc consilium meum euentus fefellit. Finnae enim in hoc spiritu minori aquae copia mixto et spiritui vini rectificato fere pari, ne minimum quidem mutabantur, et tandem rigidae fiebant. Etsi igitur finnas colla capitaque porrigentes conseruaueram; tamen dum illae has suas partes non amplius contraherent, cum nec *Wernerus*, nec ego alias in promptu haberemus spiritui tali nondum impositas, de repetendo priori experimento mihi plane erat desperandum.

Atque haec sunt, quae equidem de restitutione vitae animalis taeniae huius hydatigenae obseruauerim, quaeque eo potissimum consilio exposuerim, vt diligentiores acutioresque lectores ea examinarent et ex his certis accuratisque obseruationibus recte de restitutione vitae talium animalium statuere discerent. Sed si meam quoque coniecturam ab audacia alienam modeste proferre licet; mihi quidem haec omnia phaenomena facile ex causis mechanicis oriri et explicari posse videbantur. Censebam igitur, nullum vnquam tale animalculum *Weneri*, meaque opera vitae suae restitui posse, sed de omni re cogitabam sic: membranae internae antea compressae facillime siue aëre

per calorem extenuato, siue tepida aqua influente, siue, quod verisimilius est, utroque simul, tumescere poterant.

Quemadmodum enim credibile est, partes membranae internae, aëreas et fluidas, frigoris, cui finnae antea expositae erant, vehementia, condensatas fuisse; ita, easdem caloris vi et efficacia contrario plane modo affectas fuisse, quis tandem negare audeat?

Ceterum, etsi non ignoro, *Goetzius* a me dissentire et tumorem illum membranarum internarum in taeniis hydatigenis habere pro certissimo signo effectuque vitae horum animalculorum; tamen longe alienus sum ab ea audacia, ut viri summi sententiam opinione mea labefactatam esse, aut profligatam adeo iactare velim; immo hoc tantum, salua viri sententia mihi sumam, ut rem paulo ulterius prosequar. Etsi enim concedo spontaneum quendam, eumque perspicuum vesicularum istarum motum, posse certum esse animalis vitae, taeniae restitutae signum; tamen non video, quomodo is refutari possit, qui extensionem earum atque tumorem ex causis physis mechanicisque deducendum existimet. Ipse *Goetzius*, vir celeberr. fatetur, se ex corporibus vita iam carentibus, plerasque accepisse taenias, ego vero non dubitem dicere omnes, cum ex adhuc viventibus animalibus, eae non facile et commodè erui possint, nisi antea fuerint necata. Quod si verum est, nonne hinc sequitur, deficiente corporis animalis calore, ipsas quoque taenias, quarum subtilissima est structura, naturalem suum calorem

rem perdidisse iam ante, quam oculis obseruatoris subiicerentur? Praeterea taeniae, antequam recte obseruari possunt eximendae sunt ex suis domiciliis.

Dum hoc peragitur, nonne aura externa domicilio illo multo frigidior vel calidior quoque, taeniam vehementer afficere et immutare poterit? Nonne corpora earum tenerrima sunt et ita comparata, vt irritari facillime possint. Quidni igitur aqua tepida, hoc est calor tantus, quanto antea assuefactae erant tales vermes, quoad vivebant; quidni inquam, talis aqua, mutatos pristinae magnitudini restituere, quidni tumefacere et augere membranam internam possit?

Si vero huic augmento et tumori necessario, spontaneus quidam ipsius vesicae motus accesserit, quod antea quidem iam monui, sed in nulla vnquam taenia nostra deprehendi; tum profecto, quin certa praesentis vitae taeniae signa adsint, ne dubitari quidem potest.

Quod vero suum caput atque collum nostra taenia hydatigena protendit et retrahit; id ex iisdem fere rationibus mechanicis explicare et sumere sustineo; haec teneriora organa vario modo, neque vitae animalis stimulis modo porrigi, modo contrahi atque in corpus recipi posse. Quod si vero vis illa mechanica paulo vehementior et huius vermis partium structurae est impar; statim omnis perit motus atque paruum huius animalis corpus adeo obrigescit, vt nulla re irritari, atque moueri queat. Qua re finnae in spiritu fini rectificatissimo repositae, quamuis diu tepida aqua submer-

submerfae, nunquam poſthaec denuo conſpicienda praeſent organa ſua. Vnusqueque vero paulo accuratioris hiftoriae naturalis eiſdemque in primis phyſiologicae partis cognitione imbutus facile inducetur, vt credat, de finis noſtris in vitam reuocandis proſecto eſſe dubitandum, earumque motus non a vita pendere, eſſe putandum.

Etenim quis naturae inueſtigator in interioribus hominum, animaliumque partibus, quibus frigoris nihil vnquam ineſt, animalcula inueſerit, quae frigoris, cui nunquam adſueta erant, aſperitati expoſita vita frui poſſint? Certiſſimis potius experimentis edoctus, illa omnia, aut citius aut tardius perire, vel leniore frigore laeſa, quis non cognouerit? Quid? nonne idem vermibus inteſtinalibus viſceralibusque, quae in animalibus frigido ſanguine praeditis viuunt, accidere ſolet? Quis naturae ſtudioſus animal adeo tenerum, acri frigore percuſſum, quod vitam recepſſet, vnquam vidit? An vllus virorum, ingenii acumine atque hoc doctrinae genere praeflantium, eiſmodi taeniam in ſpiritu vini vel frumenti aqua diluto poſitam, vlla arte in vitam reuocare valuit? An quis, qui ex ſimilibus haec colligeret, decipiatur? Quae ſi fingamus; nonne vermis adeo tenere ſtructura, quales noſtrae ſunt finnae, vnumquemque reddant attentioris locumque aperiant ſuſpicioni, ne quis motus illis adhuc proprios, poſtquam rebus externis, quales frigus et ſpiritus vini huic teneriori corpori ſint, vbi in tepidam aquam conijciuntur, grauiffime erant affectae, vitae adhuc animalis

malis esse vim existimet. Neque tamen, quicquid dubii de finnis nostris in vitam reuocandis proferri possit, in eo cumulando haerebo, neque aliorum talia altius repetentium, diligentiusque rimantium lectorum sententiam meis occupabo dubiis. Etsi haec, quae diximus, in nostris finnis praecipua quadam animi aduersione digna videbantur et, quantum poteram, a me tractabantur; tamen non totam rem animo adsequi, penitusque uti studueram, perspicere poteram. Mihi, si quando huius examinis accuratius persequendi suppeditabitur opportunitas; non in hucusque a me inuestigatis subsistam et quicquid in hac re confirmem, aut negem, ab experimentis posthac instituendis pendebit. Quam tamen rem, si interea a doctiore atque longiore usu exercitato rerum naturalium inuestigatore omnino aestimata, atque confecta cognouero; eximie laetabor.

*CC. Quae supra *S. de coronâ vesicularum fugentium disputaui, qua finnae nostrae sunt ornatae, eadem quoque fortasse de duplici vesicularum fugentium serie, taeniae cucurbitinae humanae, valent, quanquam tales vesiculas fugentes a me nondum in hac taenia inuentas esse haud negabo.

Doctiss. Goetzius, idque summo cum studio in libro saepius laudato *Versuch einer Naturgeschichte etc.* p. 282. Tab. XXI. Fig. V. e. f. duplici vncinorum serie taeniam illam esse instructam, contendit. Cuius ab imagine igitur haec fugentium vesicularum series abest,
eius-

eiusque loco series vncinorum modo laudata conspicitur expressa. Hanc taeniam cucurbitinam cum vesicularum fugentium serie delineandam curauit auctor noster Vid. eius Breu. exposit. Verin. Intest. praesertim taeniae human etc. Libr. Tab. I. Fig. XV. b. c. d. e. Qua re mirum discrimen in expressa earundem huius taeniae partium imagine deprehensum suspicionis materiam, vti mihi, ita vnicuique alii non potest non praebere, ab ipso *Goetxio* in finnis carnis suillae nullam talem vesicularum fugentium, sed vncinorum potius seriem, vti in taenia cucurbitina, esse inuentam, atque effectam. Neque virum in hoc campo adeo exercitatum, nisi in suis experimentis instrumentis huic rei haud aptis vsus est, tam parum fuisse perspicacem, vt haec non animaduernerit, putem.

**DD.* Haec cartilaginea capsula vaginalis, vel vt verius dicam, huius taeniae corpus, est, vt auctor iam monuit, ita comparatum, vt hicce vermis caput et collum, partium suarum tenerrimas, sine quarum incolumitate vita ipsius persistere nequit, commodè et facile intra ipsam retractas abscondere atque aduersus omne periculum munire possit. Ex frequentiore eoque interdum vehementissimo motu muscolari, ex pressu, quem res extra nos positae, v. c. in onere aliquo tollendo aut promouendo in nostrum corpus efficiunt, porro ex rebus nostrum corpus vehementius tangentibus atque afficientibus, v. c. ictu, pressione etc. facile apparet naturam huic animali prospicere debuisse.

Qua

Qua in rerum ratione, si hoc animal teneras atque molles suas partes, in durum, quod non cederet, corpus non statim facileque retrahere et abscondere posset; his de causis hocce animalium genus mox ex animantium viutorum numero pulsum atque sublatum fuisset. Multitudine vero harum vesicularum vermium in humano corpore nimium accrescente hinc aptas illorum minuendorum artes repetendas esse et continuum vel frequentiore motum, impetum, ictum et ita porro inter remedia referendos esse existimemus? Equidem prudens continuum partium, quibus hae insunt finnae, motum, vel vim continuam, qua illae premuntur; prudens vero illud, si fieri posset, adieci. Haec enim duo, si modo aliquamdiu locum habere possent; finna partes suas interiores in se reconditas relinqueret, nutrimentoque destituta tandem periret.

*EE. Idem etiam in finnis, quibus inspiciendis privatim dabam operam, observabam. In spiritu vini rectificato paululum obrigescebant, cui immissae, quamquam summum impendebam studium, tamen organa sua retracta non amplius exserebant. Eundem si vini spiritum iis ubi protenderant caput et collum, superfundebam, non mouebantur, hasque partes non in se rursus colligebant. His ipsis spiritus rectificatissimi ope tentatis, idem, idque paulo citius vehementiusque accidebat grauiusque frigore contractae torpebant. Quod vero ita aut tardius, aut citius rigescunt; id ex eo oriri putem, quod purus aut purissimus vini

vel frumenti spiritus vehementius !graviusque has afficiat finnas, lenibus ipsarumque corporibus accommodatis stimulis irritatas, atque ita earundem vim, sese extendendi aut contrahendi, diminuatur, tandemque penitus destruat. Quod si vero nostris finnis deerat vita animalis; res est notissima et in vnoquoque tenero animali, spiritu vini submerso, observata.

**FF.* Huc pertinet exterior nostrarum finnarum tunica. Atque hoc loco quidem quaestio moveri poterat: vtrum haec cutis animali huic propria, an e tela cellulosa in interstitiis musculorum, ubi sedem ac domicilium figere finnae solent, tunc ab animali conflata sit, cum illud, tenerum adhuc in musculos deferatur? Prius, si veritati respondet, perscrutandum est, quot tunicis ovulum finnae sit circumvolutum; aut qua via vasa musculorum sanguinea in hanc ipsam anteriorem tunicam deducantur (Vid. Tab. I. Fig. 2.) cum tamen musculo non ipsi, vel non immediate propria sit. Quod si posterius vero, utpote ad intelligendum facilius, arrideat, omnino indagatione ulteriori dignum videtur, partim, qui fiat, ut illa exterior tunica non cum altera subtus iacente propria finnae tunica coalescat, sed hanc potius libere ac molliter circumcingat, partim, cui usui vasa illa sanguinea inseruiant, quae e muscoli carne ad hanc externam repunt tunicam? Nonnulli quidem putarunt, haecce vasa eam ob causam huic taeniae a natura esse data, ut nutrimentum ipsi adferant. In quo tamen idco a vero aberrare mihi viden-

videntur, quod vasa sunt nimis et ampla et multa. Magis igitur mihi veritatem adsequi videntur, qui contendunt, ab his vasculis arteriosis nutrimenta aduehi ad finuam partim, partim ad interiorem tunicam, atque adeo ad animal ipsum, vti contra ea a venis quae non in finnae nutritionem adhiberi possunt, atque etiam huius animalis excrementa, forsan ouula, recipi, receptaque in sanguinem reduci. Posterius valde probabile mihi videtur, propterea quod alias non explicari poterat, quo excrementa et ouula, si dantur, huius animalculi peruenirent, cum omnes tunicae ipsius firmiter sint praeclusae. Praeter ea, quae attuli iam, poterant plura adhuc, eaque non minus graua quaeri atque disquiri. Vt, quid opus est huic animali dupla, quid vero? imo tripla tunica? quae emolumenta ipsi adfert collum, e variis membris constans? vbi finnae generantur? excluduntne ouula, eodemque modo, quo reliquae taeniae propagantur? vbi digestionis organa apud ipsas reposita latent? quamdiu viuunt? Vt taceam de grauioribus quaestionibus.

*GG. *Hippocrates* et post hunc recentioribus temporibus *Hartsoeckerus*, *Vallisnierius*, *Andraeus*, *Clericus*, aliique hac quaestione sub examen vocata, etsi opinionem suam nondum ab omni dubitatione idoneis, iisque certis experimentis edocti vindicare potuerunt; tamen omnes in animali corpore vermes huic esse innatos putarunt. Interea *Müllerus*, a consiliis regis Daniae atque *Pallas*, hoc historiae naturalis

E

campo

campo aperto, propemodum inuiti multis, iisque variis experimentis aliorum, qui antea idem senserant, viro-
rum opinionem confirmarunt, quamquam posterior
in den neuesten Nordischen Beyträg. 1 B. 1 St. p. 43.
oua vermium intestinalium extrinsecus in animalium
corpora deferri quatuor rationibus probatum iuit. Hac
tandem re magis magisque explorata Societas scien-
tiarum Hauniensis quaestionem cum praemio proposuit
hanc:

*Ist der Saamen der vermium intestinalium e. g.
taeniarum, gordiorum, ascaridum, fasciolarum
etc. den Thieren angebohren, oder kommt er von
aussen in sie? Dieses ist durch Erfahrungen und
andere Gründe zu erweisen, und im letztern Falle
sind Mittel dagegen vorzuschlagen.*

Quapropter *Blochius*, *Goetzius*, *Lefkius*, plures-
que ad hanc quaestionem diligentius inquirendam de-
nuo sunt excitati.

Transmissarum societati illi dissertationum D. *Blo-*
chio, Berolinensi conscripta verbisque notata his: Non
est in medico etc. et alia cuius Past. *Goetzius*, Quedli-
burgensis fuit auctor, cum verbis illis: In rerum natu-
ra nihil incredibile, a. d. VI. Non Mart. a.
M. DCC. LXXXI. tulerunt praemium, quorum cum
priorem plurimorum suffragio ornassent nummo
aureo; posteriorem proximum iudicatum argenteo
donassent nummo. Vtriusque libellus est euulgatus.
Iam vero cum D. *Blochius* vermium semina extrinse-
cus in corpus animale deferri putaret, idque *Goetzius*
negaret,

negaret, planeque contrarium statueret; quaestio illa cum praemio proposita, nisi postea *Goetzius* variis iisque novis experimentis, *Blochianae* opinioni aduersis summam suae maiore rationum pondere corroboratae dedisset veri speciem, liti dirimendae parum aut nihil profuisset. Libello enim suo cuius praemium tulerat denuo elaborato suorum experimentorum, quae in praefatione historiae suae naturalis, saepius laudatae vermium intestinalium corp. animal. omni qua poterat, causarum grauitate suffulta proposuit, nouitate, nouam accendit lucem, pondusque adiecit. Quare nostri auctoris quaestionem, nisi totam certe maxima ex parte Celeberrimi *Goetzii* studio atque acumine dirimentam esse existimo, meque veniam a lectoribus impetraturum esse spero, si nonnullas grauiiores huius naturae adeo attenti inuestigatoris causas ad sententiam suam confirmandam prolatas hoc loco repetam. Sub feminio verminoso intelligit oua, (*Eierbrut*) ex quibus illi in corpore animali excluduntur, postquam haec oua fecundata a matribus in opportunissimis earumque partibus accommodatissimis locis euolutionis causa deposita sunt. Experientia enim edocti scimus, hos vermes, non, vt olim Linnaeus credidit de taeniis ad Zoophyta pertinere, sed vera animalia esse, eaque, vt nonnullas eorum species aut partibus viuis aut ouis propagari, quamquam nonnulli, vt taeniae in lata extremitate membra quaedam matura deponere solent et vegetabilis indolis esse possunt.

Porro doctiss. *Goetzius* vermes intestinales latiore accipit sensu intelligitque omnes non solum in intestinali canale, sed etiam cerebro, pulmonibus, iecore, renibus, omento, ventriculo, tela cellulosa peritonaei etc. in omnibus fere corporis animalis partibus interioribus habitantes. Nomini prius igitur recepto substituebat denominationem vermium in partibus corporis animalis visceralibus et interioribus viuentium. Horum proprie sic dictorum autem intestinalium vermium, quos omni animalium speciei innatos esse putat, numero excipit

- 1) omnes insectorum laruas, quae in cute boum, ceruorum, caprearum etc. vel etiam in interioribus equorum partibus, v. c. in ventriculo et intestinali canale, aut naribus et faucibus aliquamdiu sede fixa sua, animalia aut necant, aut, ubi mutandi appropinquat tempus, illis relictis in terram prorepentes absconduntur.
- 2) Omnes veros terrenos et aquaticos vermes, in terra aut aqua, vt ipsorum proprio elemento viuentes, qui forte in animalium corpora delati variam eamque noxiam in his exserunt vim, neque tamen in iisdem vitam proferre et augeri possunt.
- 3) Omnes vermes aut erroribus aut superstitione fictos, quo praeprimis pertinent ita dicti dentium vermes, (*Zahnwürmer*) comedones, (*Miteffer*) cordales, (*Herzwürmer*) auaritiae (*Geitzwürmer*) et vmbilici vermes, qui in infantium vmbilico viuunt, et huic parti impositos pisces praeter ossa deuorare dicuntur.

Omnes

Omnes hactenus commemorati veri neque ficti vermes extrinsecus in animalium corpora perueniunt. Reliquos contra ea intestinales vermes animali corpori innatos esse, hoc est embryo iam semen contineri (quam ipsam sententiam tuetur doctissim. *Leskius*. Vid. *Leipziger Magazin zur Naturkunde etc. II Fasc. p. 257-258.*) ipsisque vere proprios esse, contendit *Celeber. Goetzius*. Cuius rei stabiliendae causa argumentis nititur his:

- 1) Seminium verminosum nusquam, nisi in corpore animali reperiri,
- 2) idem solis in animalium corporibus euolui,
- 3) vermes intestinales perfectos, quales in animalium corporibus inueniantur, eosdemque extra haec neque in aëre, neque in terra, neque in aqua etc. deprehendi,
- 4) illos casu quodam ex animalium corpore in alia, v. c. in aerem, aut aquam translatos in his neque viuere neque propagari posse,
- 5) illos ne ex corpore animalium brutorum quidem in humana posse migrare, piscium taeniam forbendo absumentam non in taeniam humanam mutari, neque in corpore humano posse propagari.

Omnes igitur vermes intestinales corporibus esse innatos neque extrinsecus illis posse inferri ex his, pluribusque copiosius pertractatis rationibus colligit *Goetzius*, quin adeo iudicat, ne semen quidem horum animalculorum ex animali in eius generis corpora posse deferri.

Quamquam vero haec doctissimi viri sententia meum fert plausum, maximique, quaecunque tentavit atque explorare studuit, aestimo; tamen in ultimo, quod affirmavit, haud dubie nimium sibi indulgisse atque fuisse videtur. Neque, salva *Goetziana* meaque sententia, concedere dubito, seminium verminosum ex animali in cognata, vel etiam eadem perferri, evolui, ibique propagari posse, ita tamen, 'vt opinionem *Blochianam*, vermes extrinsecus in animalium corpora peruenire, minime iuuein, atque commendem. Quid igitur? nonne eadem naturae investigator tanti nominis assequi valuisset? Quod si enim vermium semen, v. c. taeniae cucurbitinae, ex homine in alium perferri concefferimus, id quod *Pallas* de similibus taeniis, certas quasdam familias malo quasi gentilitio infestantibus probavit; tamen res ipsa perstat vera, illos hominibus, quippe qui has taenias non aliunde sed solis ab hominibus accipere possint, proprios atque innatos esse. Quibus etiam concessis, an non vermium morbi epidemici faciliori via expediri posse putemus, quam *Goetzius* ipse hos explicuit, ratus quippe, maiorem vermium semini hoc, quam alio tempore, sese evoluendi opportunitatem suppeditari. Quae duo coniuncta nonne rei ipsi accendant lucem? Equidem igitur, ab animali cum alio eiusdem generis, atque ab homine cum alio, rebus interdum ita ferentibus, vermes intestinales communicari puto posse, atque cur in hoc, quam in illo, vermium semen minus evolui queat, a corporum natura pendere videtur. Ceterum *Goetzii* senten-

sententiae et huic subscribo, in homine omnes intestinalium vermium species haud euolutas latere posse, quae, modo tempore, variisque causis iuuantibus et fauentibus, euolui possint; his autem destitutas, dum viuat homo, nunquam euolui. Neque vero quod *Goetzius* statuit, tot genera et species esse censeo. Tantum autem absit, vt eas vere esse negem, atque veritatem in dubitationem vocare cupiam, vt potius credam, quasdam horum animalculorum species tantum formas generi suo subiectas esse, quae, certis quibusdam corporum naturis, aëre, alimentis, coelo, innumerisque aliis causis accedentibus immutari soleant. Quodsi genera atque species haëtenus patefactae atque cognitae comprehenduntur quibusdam generibus primariis, quae ad cuiusque animalis naturam pertinent; sententiam, quae lectoribus haud paucis videbitur horrenda, omnium ignotorum vermium intestinalium semen in homine absconditum latere, quodammodo lenire atque, quod veri huic sententiae praeterea inest ad id amplectendum, probandumque excitare, pro ingenii viriumque mearum imbecillitate puto. Meam tamen sententiam, etsi non ipsis vfu quodam comparatis a me stabilire posse ingenue fateor, tamen haud defunt rationes ex aliis similibus collectae, quae mihi quodammodo suffragari videantur. Quid? Nonne arborem saepius ex solo in aliud translata adeo degenerare videmus, vt, cum antea fructus tulisset, quibus vesci nemo poterat, tandem esculentos ferat; aut exteriori forma omnino immutata, aliis foliis, alioque coloris genere

induatur? Atqui vermium semen, ex quo est creatum, toties, inque tot innumeros homines delatum, qui omnes, sanguinis, lymphae, ferique ratione etc. longissime discrepauerint, haud leuiter mutatum fuisse nonne iudicemus? Neque in audaciae suspicionem incurrere vereor, si exinde colligam, ita formam eorum exterioram multa eaque varia ratione immutatam fuisse; et immutari debuisse. Ceterum contendere nolo, omnes species ad vnā aut paucas tantum referendas esse, sed tantum eorum numerum esse minuendum. Quapropter, ne lectores plus, quam accurata diligensque virorum doctorum disquisitio patiatur rem extendere velint, rogatos vellem.

Ceterum vermium semen iam in embryone, siue in ouulo animali latere conditum, est opinio, quam, nisi argumenta, quae me ad contrarias deducunt partes refutata deprehendero, non omni ex parte probare possum. Cum enim naturam nunquam temere agere constet; quid refert, verminosum semen tam mature reponi in prima animalis elementa fortasse multis annis post demum euoluendum? Poteritne tardius in corpus tenerum deuenire? Patetne via ad ipsum foetum adultiorem facilior per vasa vteri adducentia, quam ad embryonem? Nonne eiusmodi corpusculi spatium angustius est, quam quod talium animalculorum semen ita, vt nulla animalis postea nascendi pars, laedatur, capere valeat? Equidem potius in ea sum opinione, vt credam, tenerum animalculum sensim, sensimque eadem ratione, qua affluxus sanguinis a matre ad foetum

tum

tum augeatur, semen quoque verminosum accipere atque euoluere, cum primo evolutionis tempore parum vel nihil huius seminis ipsi a natura fuerit inditum. Magnitudo ac longitudo taeniarum, in foetu atque animalibus pullis repertarum, nequaquam probant, horum vermium semen iam in embryone latuisse. Etenim nondum certo scimus, quo temporis spatio incrementum taeniae absoluitur; nec potest quis contrarium probare adseueranti, illum vermem intra aliquot septimanas, aut intra mensem ad illam magnitudinem peruenisse. Quod si iam in tenerriimo embryone eiusmodi molestum animal euolutum esset, fortasse inde incommoda quam plurima et grauissima, quin mortifera originem traxerant suam. Hoc tamen negare haud sustineo, vermem seminosum mature admodum, nec vlla alia via, quam per vasa vteri adducentia, nequaquam vero per corpora externa et peregrina extrinsecus cum tenero animali communicari. Denique per lac, quod infanti mater suppeditet etiam semen verminosum in infantile corpus deferri posse, id quidem certis argumentis firmatum non est; attamen ex mea quidem sententia, facile fieri potest atque verosimile reperitur.

**HH.* Si qua vnquam ratione, vt mihi videtur, confirmari potest, vermes intestinales esse innatos; haud dubie finnae illam praebent; ex quo hunc olim falso ita dictum morbum glandulosum a viuis animalibus esse derivandum; neque amplius hodie morbum glandulosum esse constat. Hae enim, quae animalium,

vt suum et hominum carni insunt, taeniae hydatigenae locum ita occuparunt suum, vt, cuique primum eas conspicienti; opinio, has extrinsecus eo peruenisse, plane ex animo auellenda sit. Iam *Goetzii* sententiam de finnarum origine in carne suilla earumque euolutione in not. *K. attuli, eandemque quoque humanis finnis congruere arbitror.

*II. Sane non dubitandum est, fore, vt haec finnae eiusmodi vim in corpore humano exserant, quam medicus longiore vsu subactus facile animaduertat acutusque considerandam putet est necesse. In nostris compendiis fortasse morborum multorum causae sunt ingeniose excogitatae atque prolatae aequae alienae ac falsae, quae ab his folis sunt repetendae.

*KK. Oestri larvarum historiam suae dissertationi de vermibus intestinalibus parum apte adiecit auctor noster, quippe quae ex *Goetzii* sententia non ad vermes intestinales, corpori animali innatos atque proprios pertineant. Etenim aliquamdiu modo in corpore animali remanent, quod autem vbi satis adoleuerunt, relinquunt. Quae quidem res nullius proprie sic dicti intestinalis vermis esse solet. Interea damna et clades, quas haec laruae corpori inferunt, saepe tantae sunt, vt ei saepius mortem maturent, res sane, quae, cum adhuc obscuritate laboret tanta, accuratiori examine atque inuestigatione digna eaque non minus oeconomio et naturae scrutatori, quam medico grauis videtur.

Maxime

Maxime vero doleo, quod, antequam subtiliori atque accuratiori subiecerit examini rem istam auctor noster, morte fuerit abreptus praematura. Sperandum enim haud temere erat, fore, ut oestri historiam copiosius diligentiusque tractet, quam vere est pertractata. Licet igitur, quae ab auctore relicta atque omissa fuerint, paucis supplere.

Oestrus l. Oestrum (lat. Asilus; angl. Whame, l. Glad-flies; holl. Horsel; gall. l'Oestre; german. *Brense*) antiquitati iam innotuit. Virgilio enim auctore, toti greges atque armenta ab his muscis infestata syluis dissugerunt, cecinit enim: Georg. Lib. 3. vers. 147-151.

„Hoc illud insectum cui nomen Asilo

„Romanum est, Oestrum Graji vertere vocantes,

„Asper, acerba sonans, quo toto exterrita syluis

„Diffugiunt armenta. — —

Cuiusmodi muscae duabus ita in planum prorectis alis ut inuicem interioribus marginibus tegantur, sunt munitae. Oris loco conspiciuntur tria puncta siue ocelli. Proboscis interius retracta. Antennae constant ex tribus corporibus rotundis in setam excurrentibus. Corpus crinibus est obductum et pedes extremi duobus hamulis sunt armati, quibus praesertim mares innituntur coeuntes. Cum ore careant, alimento capiendo abstinent; sed corpore, maxime adulto, suo tantum utuntur, ut coeant et prospiciant soboli in animalium corporibus apta ac commoda eligentes loca. Oestri breui vita fruuntur, atque, coitu inito, curaque sobolis habita, moriuntur. Feminae in extrema corporis parte

parte canalis corneus', cylindro, qui similis est, quo oua excludunt et antea, sed, vt false creditur, animalium cutem perforant, et ouum loco suo apte deponunt. Hoc tamen de solo Bouis Oestro statuunt.

De Oestrorum historia meriti sunt auctorum libri:

Reaumur T. IV. Mem. 12. T. V. mem. 2. p. 66.

Linné S. N. p. 970. ed. 12.

Müllers L. N. S. 5 Th. 2 Band, p. 927.

Linné Reisen durch Gothl. p. 279.

D. Schröters Abhandlung über verschiedene Gegenstände der Naturg. p. 316.

Onomat. hist. natur. V. p. 674.

Fabric. Syst. Ent. p. 747.

Lessers Theologie der Insekten. p. 429.

Leskens Anfangsgründe der Naturgesch. 1 Th. p. 477.

Sulzers Geschichte der Insekten. p. 209.

Neue Berliner Mannigfaltigkeiten III. p. 267.

Schaefferi Icon. t. 89. f. 7.

Fuesfli Schweiz. Insekten. p. 53.

Neuer Schauplatz der Natur I. p. 969.

Berliner Sammlung zur Naturgesch. II. p. 397.

Börners Sammlung I. p. 127.

Eberts Naturlehre, p. 129.

Blumenbachs Handbuch der Naturgesch. I. p. 387.

Pallas Reisen I. p. 49.

Allgemeines Magazin der Naturgesch. 9. p. 347.

Reichard's Medizin. Wochenblatt 1 Jahrg. 51 St.

S. 812 - 813.

Natur-

Naturforscher II St. S. 30-36.

D. J. G. Krünitz Oekonomische Encyclopädie, oder allgemeines System der Staats - Stadt - Haus- und Landwirthschaft. 6 Theil. vid. Bremse und 4 Th. p. 353-354.

Degeer (Carl von) Abhandlung zur Geschichte der Insekten, aus dem Französischen übersetzt von J. A. E. Götze. 6 Band.

Dessen Abhandlung über den Ursprung der Bremsen im 22 Band der übersf. Abhandlungen der Königl. Schwed. Akadem. der Wissensch. a. d. J. 1760. S. 272-285.

Velt hufen in Göttingen. vid. 72 St. des Hannöv. Magaz. v. J. 1771. und 78 St. v. J. 1770.

Untersuchung von dem eigentl. Ursprung der grossen Fliegen oder sogenannten Dasselbeulen des Rindviehes von C. F. W. im 63 St. der Berl. wöchentl. Relat. der merkw. Sachen etc. v. J. 1754. Seite 497-499. und im 65 St. S. 513-516. im 68 St. S. 537-541.

Oberlausitzer Beyträge 4 B. 12 u. 13 St.

Uebersetzte Abhandl. der Königl. Schwed. Akad. der Wissenschaft. S. 145-163, vt taceam de reliquis.

Horum virorum haftenus laudatorum experimentis et observationibus innotuerunt sex istarum muscarum species, quae omnes ac singulae, propter locum quem prima aetate et ante metamorphosin tenent, memoratu sunt dignissimae.

Ordo,

Ordo, quem his constituo, est hic:

- 1) *Oestrus Nasalis*, germ. *Nasenkriecher*, *Nasembremse*; alis maculatis, thorace ferrugineo, abdomine nigro, pilis flavis. Vid. *Linnaei S. N.*

Die Flügel sind ungefleckt, das Brustschild wie auch der Kopf und Hinterleib sind mit gelbrothen Haaren bedeckt, nur der erste Ring hat weisse Haare. vid. *Müller's Prof. d. Nat. zu Erlang, Ausgabe des Linn. N. S. 5 Th. 2 B. p. 924.*

Habitat in equorum fauce, per nares intrans. Vid. *Linn. Faun. Suec. p. 307. Müller. l. c.*

- 2) *Oestrus Ovis*, germ. *Schaafebremse*; alis subpunctatis, abdomine albo nigroque versicolore. Corpus reliquis minus tomentosum nec villosum. Oculi ferruginei. Alae venosae, versus basin punctatae. Abdomen ovatum albido cinereum, colore nigro maculatum, fugax. Vertex capitis punctis numerosis excavatis. Vid. *Linn. S. N.*

Habitat in Oviu sinu frontis. Vid.

Schreber. insect. 15. n. 12.

Linn. Faun. Suec. p. 307.

Reaumur. 4 t. 35. f. 21. 22. 23. 24.

Vallisn. nat. p. 224. t. 27.

Geoffr. 2. p. 456. n. 2. t. 17. f. 1.

- 3) *Oestrus Rhangiferinus niger* l. *nasalis*, germ. *Nasen-Rennthierbremse*; Magnitudo et facies cum *Oestr. Rhangifer.* mansuet. Ceruor. de quo postea sermo erit, eadem est, differt tamen, quod minus pilosus; corpus totum nigrum, sed thorax solus

folus villis pallide flavis vestitus. Hunc eundem esse, qui in Lapponia oua sua Rhenonum sinui frontis infigit et quem in itinere, verno tempore, saepe euomunt, est certissimum. Vid.

Linn. Faun. Suec. p. 307.

Flor. Lapp. 363. p. 517.

Act. Vpsal. 1736. p. 31. n. 24.

Habitat in Lapponia in sinu Rhenonum frontis.

- 4) *Oestrus Bovis*, germ. *Ochsenbremse*; alis maculatis, thorace flauo, fascia fusca, abdomine flauo, apice nigro. Magnitudo muscae maioris. Os nullum. Rima absque dentibus et proboscide. Oculi nigri. Antennae articulo lentiformi cum seta. Thorax flauus, cingulo nigro inter alas conspicuo, apex thoracis a tergo nigris pilis intermediis fuluis reflexis. Abdomen fuluum. Segmentis margine et basi nigricantibus, ultimo articulo abdominis nigro. Halteres sub alis albi, Cauda exserta inermiss sub abdomine valde inflexa. Alae albae, incumbentes, in medio fascia lata transuersa fusca puncto fusco in apice alarum et alio paulo infra versus marginem tenuiorem et tertio puncto infra fasciam et corpus versus marginem tenuiorem. Vid. Linn. Faun. Suec. p. 306.

Oestrus Bovis niger, alis immaculatis, thorace apice antice posticeque pilis griseis, abdomine antice pilis griseis apiceque flauo-fuluis. Vid. *Reaumur*. T. IV. t. 38. f. 38. et *Degeer's Geschichte der Insekt.* loc. cit.

Die

Die schwarze Ochsenbremse. Das Brustschild ist mit gelben Haaren besetzt, quer über braun bandirt, der Hinterleib gelblich braun, der Schwanz schwarz, die Flügel braun bandirt. Vid. Anfangsgr. der Naturg. von N. G. Leske, edit. II. emendata multumque aucta.

Ex horum summorum naturae inuestigatorum observationibus accuratisque experimentis patet, vt ab ipsis iam est obseruatum, a *Linnaeo* et *Geoffroeo*, et vt ego obseruau, a *Blumenbachio* Goettingensi, (vid. eius *Handbuch der Naturgeschichte* 1782.) hunc oestrum oestro haemorrhoidal. fuisse permutatum; certe horum viro- rum commemoratorum descriptio oestro proprie sic dicto haemorrhoidali conuenit. Quare Oestrus bouis *Linnaei*, *Geoffroei* et *Blumenbachii* est verus Oestrus haemorrhoidalis eorumque Oestrus haemorrhoidalis est verus Oestrus bouis.

Habitat in dorso boum per totam hyemen, Iulio exiens et in ventriculo equorum saepe ipsis lethalis. Vid.

Nat. Syst. Linn. et Fauna eius Suec. l. c.

Leskens Anfangsgründe der Naturgesch. l. c.

Oestrus bouis vero nunquam in equi ventriculo sedem figere suam, neque laruas, quae ibi inueniantur, ad eum pertinere infra docebo. In boum, ceruorum etc. cute habitant, vbi, donec mutantur, animalium humore aluntur atque tubercula illa cutanea, quae *Viehbeulen*, *Dasselbeulen* vocat germanus, efficiunt. Vid.

Rai

Rai inf. 271.

Derham. theolog. l. 8. c. 6. n. 11.

Vallisner. nat. l. 1. t. 28.

Frisch. inf. 5. p. 25. t. 7.

Geoffroy. parif. inf. 2. p. 456. n. 3.

Schaeffer. element. t. 91.

5) *Oestrus Rhangiferorum mansuetorum ceruorum*.

Germ. *Reinzhierbremse*. Thorace flauo, cingulo nigro, alis immaculatis, pedibus nigris.

Duplo maior, quam haemorrhoidalis. Alis immaculatis. Abdomine magis hirsuto, ipsa tunica nigra, sed lana fulua, excepta basi abdominis, flaua lana. Pedes nigri Vid. *Linn. Faun. Suec.* p. 307.

Fl. Lapp. 360. n. 517.

Act. Vpsal. 1736. p. 31. n. 23.

Act. Stockh. 1739. p. 121. t. 3. (ad p. 84.) f. 5. 6.

Grünitzens Encyklop. Th. 6. p. 593.

Habitat in dorso Ceruorum Rhangiferorum praesertim mansuetorum. Larua eius per totam hyemem latet sub cute Rhenonum, causans tubercula illa, quibus emaciantur Rhangiferi et cicatrices, quibus contaminantur eorum coria. *Linn.*

6) *Oestrus haemorrhoidalis*. *Gall. L'Oestre de l'intestinal. du Cheval.* Germ. *Afterbremse, Afterkriecher.*

Alis immaculatis, thorace nigro, scutello pallido, abdomine nigro, basi albo apiceque fuluo. *Linn. l. c.*

Oestrus haemorrhoidalis fuluo griseus, in thorace fascia transuersa nigra, alis maculatis pedibus fuluis.

Reaumur. l. c.

Die braungelbe grauliche Afterbremse mit einer schwarzen Querbinde auf dem Brustschilde, gefleckten Flügeln und graugelben Füßen. Degeer et Leske, in libris saepius laudatis loc. cit.

Iam supra commemoravi, a *Linnaeo*, *Geoffroeo* et *Blumenbachio* oestrus bouis oestro haemorrhoidali fuisse permutatum.

Oestrus haemorrhoidalis igitur horum virorum est verus *oestrus bouis*.

Habitat in equorum intestino recto, mire per anum intrans. *Linn.* l. c.

Redumur inf. 4 T. 3-5. fig. 3-5.

Geoffroy. parif. 2. p. 455. n. 1.

Celeberrimus Professor *Blumenbachius* eum in ventriculo equino habitare putat. Cum vero oestrus hic, (vt ex descriptione apparet sua) proprie sit *oestrus bouis*; non in equis, sed sub cute bouum, ceruorum etc. eum haerere mox docebo. An hae sex enarratae species totum oestri genus complectantur; non contendere audeo. Fortasse haud ita multo post virorum doctorum solertia atque sagacitate in aliis terrae regionibus, fortasse etiam ipsis in nostris plures oestri muscas inuestigat. Cui enim humani ingenii acumini contigit, vt omnes animalium species accuratissime cognosceret?

Hoc oestri genus, vt supra dixi, laruarum suarum causa graue magnumque esse videtur. Alii adhuc laruae animalium sanguine, quem exsugunt; alii aliis animalium humoribus aluntur; alii in naribus; alii in faucibus, gula et ventriculo; alii in tenuioribus et crassioribus

bus intestinis; alii denique sub cute in adipe sedent. Neque animali vlli, quam equo plures insunt, a quo duae vel tres nutriuntur species; eademque habeo, quae de ceruo et machle moneam, praeterquam, quod talibus in ventriculo careant. Bouibus et capreis etsi paucissimi sunt; tamen his sunt molesti et perniciosi. Primo quidem meis lectoribus oestri historiam deinceps diligentius describere singulasque species, quippe quas non sine magno damno oeconomiae artisque veterinae per transennam quasi plerique modo adspiciant, obiterque perlustrant, accuratius recensere promisi; verum tamen in aliis libris hanc historiam etsi diligentius, tamen ex vna tantum parte tractatam fuisse minime nego. Quare quantum potui hucusque ab aliis congesta diligentius congerere meisque observationibus aucta pro virium mearum modulo lectoribus proponere atque ita eorum historiam quamdam integram conscribere meum esse duxi.

1) *Oestrus nasalis*, *Pferdnasenbremse*, ab oestro ouis quoque in naribus siue sinu frontis ouium habitantis probe est distinguendus. Indicia quibus ab aliis generibus discernitur, haec sunt:

alis immaculatis, thorace ferrugineo abdomine nigro pilis flauis praeditus est.

Haec musca a media aestate ad euentum vsque equos, et vt alii velunt asinos, mulos, ceruos et capreas infestat et vti a natura fertur, in naribus suum occupat locum ibique oua reponit sua. Quae, quanquam animalia illa neque pungit, neque mordet, nullo ad corpus

plane adultum suum indigens alimento; tamen iam haec oestri species ab his ex volatu cognoscitur. Graui-
ter enim spirant, commouentur, caput hinc illinc
iactitant omnibusque viribus abigere tentant. Neque
tamen oestrus abstinet, donec consilio suo potius oua
deposuerit. Hic, vti oestrus bonis, sana et adhuc ve-
geta legunt sibi animalia; raro in male faginatae emac-
ceratisque inueniuntur equis aut ceruis. Ovis autem
in naribus repositis partim remanent, aut animalium
expiratione aut muci narium effluxu eiciuntur, partim
in fauces, vbi est larynx pharynxque, oesophagum et
fortasse quoque in ventriculum ab his animalibus defe-
runtur. Quibus partibus vbi haec oua aliquamdiu ad-
haeserunt; naturali calore horum miserorum animalium
excluduntur. Haec larua, ouo exclusa; paruis
suis duobus vncis corneis, quibus, dum nata est, statim
est instructa, cutem harum interiorum partium erodens
penetrat animaliumque illorum fero et sanguine alitur.
Pleraeque cibo et potu per illas partes permeante pro-
pter suum adhuc tenerum corpusculum animalium ipso-
rum cominodo pereunt. Quaecunque vero incolumes
seruantur, altius se se in has interiores partes abdunt et
multae ibi reconditae maximis spasmis affligunt anima-
lia illa eaque saepe gangraena necant. Vt haec infecta
ab animalibus ipsis non concocta digeratur, efficit for-
san mitior succus gastricus. Quapropter in carniuoris
animalibus, quippe quorum liquor pancreaticus sit haud
dubie acrior, ne minimum quidem horum vermium
vestigium deprehenditur. Quantam saepe stragem haec
infecta

infecta in ventriculo equorum edant; e Tab. II. et, ut mihi videtur, multo luculentius e Tab. III. cognoscere licet. Miranda sane est partim ingens larvarum copia, partim damna, quae inferunt. Sic Vir Experient. *Ludwigius*, equini ventriculi partem, in rerum anatomicarum collectione sua possidet; cuius superficies tres cum semisse pollices aequat, in quo tales ducentas duodecoginta larvas praeter eas, quae iam deciderant, numeravi. Quantis quotque modis molestia infecta haec talibus animalibus noceant; ex hactenus dictis facile colligi potest. Interea quaeritur, unde has larvas huc peruenire certo constet? Oestrum nasalem in ventriculum usque penetrare paulo ante monui. *Linnaeus* quidem contendit, larvas oestri bouis, vel potius oestri haemorrhoidalis, quia hunc cum illo confudit, canalem intestinalem, cuius longitudo octoginta quatuor aequat pedes, permeare et adultiores in ventriculum se se recipere. Cuius etiam sententiae est *Degeerius* et *Goetzius*, quin adeo *Degeerius* putat, eas quoque in faucibus et oesophago inueniri; idemque vero coniecit, fortasse plures Oestri species, propter quandam in his larvis animaduersam dissimilitudinem equis inesse posse. Quamvis hanc virorum istorum clarorum sententiam magni faciam; tamen quibusdam haud spernendis rationibus inductus, eandem meo calculo comprobare nequeo. Larvis enim oestri haemorrhoidalis etiam si quaedam, tamen haud quaquam tanta intercedit similitudo cum larvis quae in ventriculo inveniuntur, ut rem conficiat. Res ipsa iam loquitur

multo vero magis me experimenta microscopii ope instituta eaque saepius repetita confirmarunt. Quam ipsam dissimilitudinem futuro tempore, ut ordo postulat in oestri haemorrhoidalis historia describenda ostendam. Huc accidit, ut certis periculis edoctus, sciam, in ventriculo aliasque nullibi in canali intestinali reperi vermes, uti quoque larvas in canali intestinali, neque unam in ventriculo deprehendi constat. Hoc modo res secundum naturae ordinem mihi procedere videtur. Prius si statuas, an omnes larvas haemorrhoidales in ventriculum transire sumas, ita ut nulla plane remaneat? Sin posterius, an oestrum haemorrhoidalem plane non eo pervenire credas? Equidem certo ex his observationibus, ita ut neque prius negem, neque posterius confirmem, colligi posse censeo, istam utramque larvam duplicis esse speciei, alteram speciem abesse solere, ubi altera antea iam in corpore animali sedem ceperit suam. Nulla ne in vermium historia similitudo, quam vocant analogiam, inuenitur? Quodsi denique rem ex anatomes legibus perpendo atque iudico; non video, qui fieri possit, ut haec ad movendum adeo inepta larva viam octoginta quatuor pedum permigret. Quid? Annon multa illa impedimenta, quae his in intestinis obiciuntur, ciborum feces, modus peristalticus aliaque, multas necent? Annon his causis deterreantur? Concesserim vero eas ad ventriculum usque, (quamquam in intestino crasso et recto praecipuis reperiiri soleant) penetrare, quomodo in ipsum ventriculum veniant? Nonne orificium ventriculi, pylorus

pylorus vocatum, est clausum? Cui, si vncos illos, quibus ad mouendum vtuntur, admouent, hoc irritatum arctius contrahitur. Quam facile enim omnia sentiat ventriculus versus orificia neminem fugit; et etiam si forte capite in pylorum penetret; tamen aculei, quibus totum earum corpus est instructum, longiorem, irritatione maiori, impediunt progressum. Quapropter multo adhuc arctius comprimetur, easque retinebit quominus permigrent, vel, si longius progredi conentur, compressas necabit. Quid enim irritatio vehementior in partibus acutiore sensu praeditis efficiat.

Ceterum, si res haec, quamuis illis rationibus suffulta, aliter se habet, naturae agendi ratio, qua laruae illae ab intestino recto in ventriculum migrare cogantur, vt ibi alantur, certo ineptissima mihi esse videtur. Naturae nullane breuior ad ventriculum patuisset via? Nonne intestinali canali breuior est oesophagus? Haec fortasse quibusdam lectoribus ratio minus grauis, mihi autem longe grauissima videtur esse haec, vt equorum laruas non oestri haemorrhoidalis laruas esse, credam.

Celeberr. *Blumenbachius* contendit, oestrum haemorrhoidalem, qui tamen oestrus bouis est, eo peruenire posse. Vt autem oestri bouis laruas, vti quoque *Pallas* et *Leskius* (loc. cit) censet, non in ventriculo reperiri credam, sequentibus rationibus inducor.

Oestri bouis enim larua multo maior, corpus non spinis obductum est, caret duobus corneis vncis mobilibus, adeoque instrumento, cuius ope facile moueri potest, alia re alitur, alium in corpore habet situm,

non libere suis ex duobus vncis pendens et si interiorem eius spectas naturam, a larvis in ventriculo habitantibus est longe diuersissima. Hae enim ventriculo sanguinem et serum exfugunt, illae pure, aut adipe nutriuntur.

Porro Oestrum bouis ouula sua in cute animalium reponentem animalibus non insidere, sed volitantem in cutem ouula demittere dicunt. Conf. *Grünitz Encyklop Theil VI*. Qua tandem ratione oua in oesophagum et ventriculum deferantur? Aut si hoc improbetur et id vrgendum mihi videtur, cur hae laruae non in cornutorum animalium, ceruorum, caprearum, in primisque armentorum ventriculo inueniantur, cum his animalibus oestrum bouis maxime et praeter excellentiam inesse soleat. Cur in equi ventriculo sedeant, cum in eiusdem cute ne vllus quidem haereat? Vnde ergo laruae in equorum ventriculum? Ab oestro nasali *Linnaei* eo perferri illas certo confirmarem. Etenim huic illae ventriculi laruae non solum sunt simillimae, si corporis structuram respicias; sed eodem, quo illae, modo mouentur et aluntur. Porro, si in faucibus et oesophago laruae inueniantur, in ventriculo quoque semper inueniuntur et vice versa. Praeterea viam in ventriculum perueniendi mihi in hoc naturae conuenientiore, quam in oestro haemorrhoidali esse puto.

Iam vero cum ventriculi laruae muscam ipsam nondum accipere potuerim; non prius rem plane dirimam, quam istam opportunitatem talibus potiundi fuero nactus, ne cupidior meis iudicare videar lectoribus. Fortasse tamen hic oestrus, qui in equorum ventriculo reperitur, est, vt iam *Degeerio* placuit, singularis quaedam oestri species. Interea eum putabo oestrum nasalem, eiusque partes accuratius describam, cum variae naturae scrutatorum opiniones de hac oestri specie, vt et aliae sibi repugnantes sententiae me ad veram harum larvarum in ventriculo equino indolem atque partes
armato

armato oculo contuendas diligentiusque peruestigandas impulissent. Haec igitur in tabula IV, cum meis lectoribus communico, quae larvis partim vivis, partim mortuis, in spiritu vini servatis cognoui.

Hae quidem larvae quodam modo muscarum larvis sunt similes. Julio aut Augusto ad iustam perveniunt magnitudinem et sponte sua vna cum excrementis ventriculo et intestinis per anum exeunt, in terram se abdunt et mutantur in imaginem, siue in ovale fuscum corpusculum, ex quo aliquo tempore post muscae oriuntur.

Larvae huius, summam maturitatem assecutae magnitudo octo ad duodecim lineas aequat. Est colore cano, flavo, rubicundo, nonnullae etiam plane rubro, ubi nimirum sanguine se repleverunt, quod ipsum iam docuit *Degeerius*. Novem circulis ad undecim est cincta, qui sunt obsiti duplici aculeorum serie, quorum posteriores breviores quidem; attamen anterioribus sunt non altiores et posteriorem versus corporis partem spectant. Vid. Tab. IV. Fig. VII et Fig. VI.

Tab. II. Fig. I. litt. b. refert larvae caput, quod noster auctor eius anum, siue partem corporis posteriorem esse indicavit. Clarius etiam id in Tab. IV. Fig. I. conspicitur, ubi auctum a me est effectum. b. b. sunt duo mobiles iique cornei vncis, quibus larva movetur. Caput enim paullo longius porrigit suum, vncis inhaeret et caput in se retrahit; qua quidem ratione paulo pronius promouetur corpus, neque prius desistit, quam occupaverit locum, qui placuerit. Iisdem etiam vncis sibi alimenta comparat. Quodsi enim alicubi confidere et manere cupit; illis infixis adeo corrodit, ut in medium ventriculum perforando penetret atque ita sanguinem aliosque humores, quibus ali possit, continuo huc deriuat. Etenim in eo haud pauci errant, quod dicant, larvas istas cibariis paene concoctis in

ventriculo nutriri. Nulla oestri species est, quae his alatur; sed omnes animalibus humoribus vitam sustentant suam. His vncis proximum est a. a. os, idemque corneum mobile et duobus labiis constans, quae interiora dicam. Larua his duobus mobilibus, corneis et internis labiis adiuta non modo fugere, sed etiam vel minutas carnis particulas erodere potest, quibus forsan vescitur. Hinc foramina in ventriculo, haud parua illa saepius, oriri conicio. Porro vel folis oculis in capite observatur d. superius exteriusque labium, quod deorsum aculeis parvis est obductum a dextra et sinistra vero c. c. sursum se se attollentia cornea tubercula habet, quorum usus Celeberr. *Degerium* latuit ac quae idem anteriora respirationis quasi instrumenta esse putavit. Ut autem meis experimentis edoctus cognovi, sunt potius laruarum acini sensorii, siue, ut verius dicam, proprium sensus organon. His enim corpusculis lenissime modo tactis larua multum mouetur. Ipsa in imagine illa paullulum adhuc conspiciuntur corpuscula et, musca evoluta, eo in loco globulosas eius antennis fuisse repositas in vniuscuiusque oculos facile incurrit. Ac cum laruae illae sensu solo gaudeant; hos acinos sensorios iisdem multum prodesse apparet. Ex hoc corpusculo subfuscae lineae procedunt in corpus et tam tenues exeunt, ut oculos quam maxime armatos fugiant. Nonne nervos esse iudicemus? Meis quidem tentaminibus, ut haec credam, sum confirmatus.

Larua superius labrum et exterius inferius contrahere et intra haec os suum abdere potest. Quid? quod larua haec duo labra exteriora in collum, aculeis oblitum f. f. retrahere atque ita totum suum caput in se abscondere valet, malo et periculo huic imminente. Interioribus corneis labris corneus quoque fuscus lineis distinctus canalis est iunctus, quem maxime auctum Fig. 9. refert et qui laruae oesophagus et paulo inferius fortasse

fortasse ipse ventriculus est. Initio quidem est angustus ac fit sensum sensimque, prouti ex tenui collo laruae in ipsum corpus procurrit, crassior atque laxior atque extremus in substantiam, vt ita dicam fere glandulosam exit, in qua vero nullam haud obscuram structuram obseruare potui. Ex hac substantia glandulosa tota constat interior laruae natura, neque, etsi omni studio atque arte adhibita praeter sequentes vllas alias partes organicas potui inuestigare. Ex ea nimirum prodeunt circulo quodam octo vasa, quae primis suis initiis admodum sunt subtilia, (id quod in ipsa in media illa substantia fit) crassitudine et ambitu paulatim accrescunt, atque in parte corporis posteriori exeunt in orificia patula, quae propter insignem ambitum, si larua hac in parte peracuto atque tenui instrumento disseccatur solis oculis cognosci possunt Fig. V. a.a. referuntur haec vasa dissecta, b. b. b. cutis exterior, c. c. interior laruae cutis, d. caput eius, e. duo peculiariora vasa, quae extrema parte coniunguntur et in vnicum orificium exeunt, et animali sunt anus. Vid. Fig. III. a. Haec octo in illa figura efficta vasa, quorum ambitus postquam magis magisque est distractus omnia in extrema corporis parte finiuntur fouea quadam cornea rubicunda, quae refert vesicae formam. Pars, quam figura IV. a me descripta exhibet, est basis concava huius foueae siue vesicae huius fundus, qua vna cum orificiis multum patentibus a. a. a. a. a. a. a. a. haec octo vasa contigua terminantur, ita tamen, vt tenuis modo quaedam cornea paries inter singula vasa supersit, quae parietes efficiunt, vt variae insectiones oriantur, quae denique efficiant, vt tota haec vesicae illius pars concava referat figuram concavam rosae similem. Vid. d. d. d. d. Fig. IV. Vnumquodque ex his octo vasis patentibus a. a. a. a. a. a. a. a. denuo innumeris foraminulis siue poris perforatum est vas, vt Fig. IV. docet, vt adeo cribro, nisi comparisonem paulo crassiore

fiolem putas tota ex his octo vasis constans vesicae nostrae pars, prope similis esse videatur. Duo minora vasa c. c. ipso in medio in vnum exeunt, quod continuum per hanc vesicam permeat et in exteriori corporis larvae parte format, ut supra monui, anum.

Superiorem conuexam partem huius figurae exhibet Fig. III. Eadem quoque cornea est et subfusca in summa vero superficie conuexa magis carnosae et albidæ. Hic conspiciuntur sex subfuscae corneae fasciae transuersim striatae et a dextra et sinistra tres, quarum duae interiores b. b. sunt angulo similes, sibi recta oppositae et breuissimae. Duae, quae has antecedunt c. c. sunt paulo longiores et semilunares, atque duae extremae d. d. longissimae. Praeterea ne oculos quidem solos fugit, fascias has transuersim esse striatas, ita tamen ut hae transuersae striae non vna eademque interrupta serie continuentur, sed potius in media parte spatii quid relinquant, in quo e. e. innumera parua sunt foramina, uti quoque inter quamque transuersam striam, quorum quodque in vesica antea commemorata terminatur. Porro his sex modo descriptis striis quatuor spatia ad longitudinem sunt interiecta, quae naturae sunt carnosae et subrubrae, quaeque innumera denuo foraminula, quæ Fig. III. punctis sunt indicata, habent, et in vesicam antea dictam desinunt. Cuius quidem vesicae corneae dissectae consideratio (alias enim rosae similis et concaua eius eademque octo patentibus vasis constans basis non conspici potest) oculis praebet egregium et artis et pulcritudinis spectaculum. Pluribus vesicis felicissime dissectis, vnam solis radiis expositam torrefeci, diuinans quippe, eam propter corneam structuram non magnopere iri contractum, eximiumque operae in illa dissecanda et eruenda consumptae meae (magnitudinem enim minoris milii grani vix aequat) tuli praemium. Sic enim comparatae formam
arti-

artificiofam et pulcram lentis ope maximo cum studio animique voluptate contueri potui.

Quem autem in vsum omnes hae partes? Quid prodest vesica, eiusdemque striae, foramina, octo vata? Equidem haec omnia respirationi inferuire statuerem. Nam si hoc vitae laruae organum obducitur spissiore et pinguiore oleo, quo foramina illa obstruuntur, paulo post perit quamvis diligenter alatur atque tractetur. Porro si cuius viri clarissimi auctoritate niti licet in re adeo difficili atque subtili, meas certe partes sequitur Celeberr. *Degeerius* (Conf. eius *Geschichte der Insekten Tom VI.* quam germanice vertit *J. A. E. Goetzius*) cui quidem vna tantum exterior pars huius organi innotuit nimirum vna vel duae illarum sex cornearum striarum, quae in superficie partis vesicae superioris inveniuntur. Vid. Fig. III. b. b. Hae enim duae interiores striae interdum apparent, ubi auersa labia et superiora et inferiora Fig. II. e. e. e. e. e. e. non arctissime a larua sunt clausa totumque organum non satis in ipsam est retractum. Has igitur duas strias solas Celeberr. *Degeerius* per oestri in equorum intestinali canali viventis labia (in hoc enim non idem solum organum sed et plurium rerum similitudo inuenitur) vt arctam quandam transversam lineam, perlucens vidit easque respirationis organa esse putavit, rationibus, nescio quibus, inductus.

Praeterea quoque meae sententiae pondus quoddam inde accedere videtur, quod larua, qualis est natura, et sana semper ex posteriore corporis parte (Vid. Fig. 2.) hoc organon protendere neque prius retrahere soleat, quam sibi periculi quid imminere putat. Vid. Fig. VII. Neque praetermittendum censeo, non diu larvam sine vitae discrimine hoc in statu perstare posse, sed aut labia Fig. II. e. e. e. e. e. paullulum aperire (vt Doctiss. *Degeerius* vidit) aut hoc organum paullulum porri-

porrigere debere. — Quod denique 'ad posteriorem laruae partem attinet, quem auctor noster falso caput esse existimauit; Tab. II. a. in hoc respirationis organum latere supra docui. Vtitur igitur duobus labiis, altero superiore e.e.e. altero inferiore e.e. duobus oris angulis c.c. et vtrisque aliis etiam paulo eminentioribus partibus a.a. quae sursum proferuntur, super et sub labiis e.e.e. e.e. quae, si arctius sunt contractae, duo sinus siue incisurae cognoscuntur. Labia quae sunt transuersum posita a.a. vsum praestant hunc, vt larua labia e.e.e. e.e. laxius aperire et respirationis organum commode proferre et retrahere possit.

Haec sunt a me et tentando et obseruando cognita de oestro in equorum ventriculo, quem, vt iam supra docui, interea oestrum nasalem *Linnaei* dicam.

Quorsum autem hactenus a me obseruata atque explorata? His quidem lectoribus, qui a me causam instituti illius examinis redditam cupiant, meis offero haud leuem illam, qua excitatus ex eiusmodi obseruationibus, quod humano generi profuit, colligere gestio. Horum enim monstrorum penitus extirpandorum remedia, quae mea experientia et notitia illarum laruarum nituntur, vnicuique examinanda subiicere sustineo. Plerumque artis veterinariae periti equo ab illo monstro vexato drastica purgantia dare solent. Quid autem his, nisi casus quidam ita fert, efficiunt? Annon hae laruae multo firmitus loco suo haerent? possuntne his medicamentis frui, vt falsissime multi existimarunt? Nonne sanguinem et serum fugunt ex ipso ventriculo? Olea igitur vnguinosa, quae ad hasce laruas necandas adhibeant maiore iure oeconomis commendanda esse credo. Quae quidem si magna copia atque breuioribus interuallis talibus equis aegrotis dari possunt; nonne illas laruas in ventriculo aequae ac extra hunc suffocando necent? Neque hac occasione oblata praeterrittam
 silen.

silentio, a nonnullis peritioribus veterinariis laruas naribus et faucibus equorum expelli ita, ut incensi sulphuris vaporem istorum animalium naribus immittant. Quid? nonne hic usus certior nos edoceat, suffocando illas laruas extinguere posse? Praeterea quoque abstracticii spiritus laruas eiusmodi in ventriculo vel clysmate spirituoso has in intestino recto necare possunt. Larua enim hoc obducta statim perit. Quod ipsum etiam efficit solutio saturata salis culinaris. Quare iam *Pallas in Nord. Beytr. Band 2.* suadet, ut equis hoc modo vexatis saturatae salis solutiones instillantur, in quo quidem Viro Doctissimo suffragari minime timeo. Ac quamquam non dubito, fore, ut plura huiusce mali delendi, aut certe magnopere minuendi remedia excogitentur usuque probentur; tamen a me commemoratis interea acquiesco, dulcissima spe erectus, fore, ut oeconomi necessitate ducti facile in aliis inveniendis curas cogitationesque defigant suas.

*LL. Antiores longiores sunt, posteriores vero breviores.

*MM. Haec nostri auctoris opinio nullo nititur fundamento. Natura enim tanto ovula pariendi impetu feruntur, ut haec nullo alio, quam a natura constituto loco, in naribus, opinor animalium supra commemoratorum, deponant.

*NN. Iam satis supra *KK. monui; auctorem nostrum harum larvarum caput cum earundem ano confudisse. Haec pars de qua auctor differit, ipsum larvae caput est, ut Viri Celeberrimi *Reaumur*, *Degeerius* et *Leskies* etc. meaque pericula et observationes satis illustrarunt.

*OO. Conf.

**OO.* Conf. Tab. III. in qua multo clarius, quam auctor clades harum larvarum horrendas in ventriculo, effigie egregii praeparati *Ludwigii* exhibita lectorum meorum oculis proposui.

**PP.* Vid. **KK.* et **NN.*

**QQ.* Vid. **KK.* vbi praeparati quo etiam Experimentiff. *Ludwigius* vtitur, mentionem inieci in quo multo plures eiusmodi larvae reperiuntur.

**RR.* Hoc demum tempore, si quis consulere cupiat, paulo tardius opem praestiturus videtur suam. His enim animalibus citius est succurrendum, si nimirum incommoda, quibus illa tentari et laedi solent, et quae supra auctor ipse commemorauit magis magisque augeri et apparere cognoueris.

**SS.* Conf. **KK.* in fin. vbi eiusmodi remedia tradere atque suadere sustinui.

**TT.* Leuis quidem inest error, qui etiam in huius dissertationis inscriptione est commissus. Oestri haemorrhoidalis enim loco legendum est, oestri, qui in ventriculo equino reperitur. Auctor enim ipse affirmat, oestrum haemorrhoidalem tantum in intestino recto inueniri, laruasque in ventriculo alius plane esse generis.

**UU.* Legatur pars posterior.

**VV.* Legatur anterior pars. Vid. **KK.* et **NN.*

**WW.* Vid. **UU.*

**ZZ.* Vid. **VV.*

Tab. I.





Tab II.

Fig III.





Fig II.



Fig I.



Fig IV.







Tab. IV.

Fig. I.




Fig. II.




Fig. III.




Fig. IV.



Fig. V.




Fig. VI.




Fig. VII.



Fig. VIII.



Fig. IX.



Fig. X.





PAVLI CHRIST. FRID. WERNERI
VERMIVM INTESTINALIVM
BREVIS EXPOSITIONIS
CONTINVATIO
TERTIA

AVCTORE

IOHANNE LEONHARDO FISCHERO

PHILOS. ET ART. LIBERAL. MAGIST. MEDICINAE

BACCALAVR. ET IN THEATR. ANATOM. LIPS.

PROSECTORE

CVM TABVLIS QVINQVE

AD NATVRAM PICTIS.


L I P S I A E

APVD SIEGFR. LEBRECHT CRVSIVM

CLIO MDCC LXXXVIII.

ah #





PRAEFATIO.

Equidem non habeo, quae cum lectoribus praefatione hac communicare possim, nisi forte hoc, quod continuationi huic dissertationem *) inseruerim, quam anno superiore pro iuribus magisterii in hac alma litterarum matre obtinendis publice defendi, quamquam bene noram, vermis intestinalis accessorii historiam quae nunc exponitur, huc proprie non pertinere. Sed nomen de exponenda oestri historia contractum dissoluendum erat: et cum illud in huius libri continuatione priori contraxissem, videbatur quoque hic ipse locus maxime opportunus, ubi illud iterum dissolvere possem.

Spero

*) Observationes de Oestro ouino atque bouino factae.
Disputatio, Lipsiae MDCCLXXXVII.

si huius naturae partis historiam inde ab initio accuratissime persequi velim; haec igitur pauca tantum, quae ad rem, a me propositam, spectant, decerpere decerptaque Lectoribus offerre mihi liceat.

Prius, quam litterae apud Graecos, Romanos et Arabes florere coeperint, nomen intestinorum vermium vix iis erat notum, et vel tunc temporis, cum animalium historia apud istos maxime culta floreret, omnis eorum de animalibus, in interioribus animalium partibus viuentibus cognitio in eo erat posita, ut varias horum animalium species nouerint, notasque nominibus insignirent, interioriorem vero naturam animaleque oeconomiam ignorarent.

Apud GRAECOS e. g. *Ασκαρίδες*, ROMANOS *Ascarides* et ARABES *vermes parui et graciles* occurrunt; porro apud GRAECOS *Ἐλμίνθες τρογγύλης*, ROMANOS *lumbricos teretes* et ARABES *Teretes* inuenies, denique apud ILLOS *Ἐλμίνθες πλατειας*, quos ROMANI *Taenias*, et ARABES *latos et cucurbitinos* nominauerant. Caeteri vermes intestinales in *Arabum* notitiam non venerunt. Cum eorum libros legeris, non nunquam quidem plures vermium species inuenies; sed hae ab interpretibus originem ducunt suam, qui interdum ob ambiguam et obscuram descriptionem ex vna plures finxere species. Quae cum ita sint, haud iniqui erimus, vbi horum hospitorum internorum notitiam apud *Graecos* et *Romanos* aequae mancarn ac apud *Arabes* fuisse, nec nisi haec tria genera comprehendisse statuimus. Sed ponamus etiam, primo intuitu

intuitu vestigia vermium aliorum in illorum scriptis inueniri, accuratiori eorum examine instituto, priores esseprehendes et ab iis variata tantum descriptione, non vero ipsa natura ac indole distingui. Ita fere comparata erat omnis de vermibus intestinalibus cognitio, cum apud illos populos, qui in litteris excolendis facile principatum tenuere, litterae maxime florent. Cum vero omnia peius ruerent atque crassa ignorantiae caligo omnium fere animos tegeret, multum abfuit, ut in interiora penetraretur, ut potius et id, quod detectum iam erat, cum interitu litterarum etiam paene periret. Quo in statu per plura saecula haec de hisce vermibus scientia rudis et inpolita manebat ita, ut nullius attentionem excitaret. Et si sequentioribus saeculis vir eximiis ingenii viribus instructus, quorum numerus tunc temporis admodum rarus erat, in hac scientiae parte quid tentare vellet, tantae eum impediabant difficultates, ut, nisi de felici laborum successu omnino desperare deberet, tamen non multum utilitatis in accuratiorem horum vermium cognitionem redundaret. Quam ob rem missos faciam omnes illos horum temporum viros, qui in suis scriptis subinde horum vermium mentionem iniecerunt, cum fere nomina eorum tantum et rudem figurae exhibuerint descriptionem, alto de interiori eorum structura, vera origine, totaque oeconomia silentio observato. Laetior vero huic doctrinae lux adfulgebat, cum circa medium saeculi praeteriti *Franciscus Redi* celeberrimus inter Italos naturae scrutator scripto

A 2

edito,

edito ^{a)}), vt in conciuuium suorum notitiam hi vermes venirent, omnibus eniteretur viribus. Sed nec poterat tantum tanti viri nomen huic scrutationi animalium nostra attentione variis de causis maxime dignae, multos conciliare amatores. Nec, qui eum a ciuibus suis sequebantur, feliciori gaudebant successu. Praeter *Redium* liceat aliorum eruditorum nomina excitare, qui postea huius scientiae fines in illis vermibus describendis, inque familias redigendis tempus studiumque consecrarunt suum. *Nicol. ANDRY, Carol. BONNETVM, Steph. COVLETVM, Carol. DIONIS, van DOEVEREN, Sam. ERNESTVM, Guil. FABRICIVM, Carl. Frider. KALTSCHMIDTIVM, Iohann. Hieron. KNEIPHOFFIVM, Christian. Gottl. KRATZENSTEINIVM, Carol. LINNAEVVM, Gottl. Polyc. SCHACHERVM*, vt reliquos taceam. Omnes vero longe antecelluit Celeberr. *Pallas*, a quo octoginta annis post *Redium* prima quasi vermium intestinalium historiae periodus initum cepit. Huius enim ex dissertatione ^{b)} eruditi discebant, hanc historiam accuratiori disquisitione non indignam, nec ad vsum plane esse inutilem. Et cum indagandi studium variis rebus apud plures gentes accensum, ad altiora adspiraret, non erit, quod mireris, viros eximii ingenii omnes acuminis neruos huic excolendae doctrinae dicasse.

Ne-

a) Vide eius *Degli animali viuenti negli animale viuente*. Firenze 1684. in 4.

b) Vid. P. S. Pallantis *Dissertat. de infestis viuentibus intra viuentia*. Lugd. Batau. 1760. in 4.

Neminem equidem puto, cui naturae historia curae cordique est, fore, qui merita et tentamina van PHELSUM, I. V. de CSER, Ioh. Georg. ROEDERERI, Frider. Guil. de GLEICHEN reliquorumque in hacce periodo non nouerit. Decennio vix praeterlapso a Societate litterarum Hauniensi MDCCCLXXX. quaestio ad disceptandum proposita, suppeditabat secundae periodi originem. Cui societati, ni fallor, non celeres solum et magnos progressus, hucusque in hac historiae naturalis parte factos, sed hoc etiam debemus, ut proprii vermes intestinales accuratius ab accessoriis distinguerentur, cum illa animalia innata esse, haec extrinsecus in corpus delabi ibique postea residere demonstraretur. Diuisio vero haec intestinalium vermium vtvt erat vera et naturae consentanea, tamen quodammodo studio historiae vermium erat noxa. Etenim nunc fere omnes naturae scrutatores in eo tempus studiumque collocabant suum, ut prioris classis vermes curatius describerent, inque eorum naturam penetrarent, relictæ et quasi neglectæ aliquantulum altera est classe. Cum vero haec scribo, longe quidem absum, ut negem, ab illis, quos nominaui, viris, multas variasque res, quae ad hanc posteriorem pertinent classem detectas et accuratius, quam antea, descriptas esse, sed hoc tantum nego, ea, quae de vermibus accessoriis relata sunt, ita extra omnem dubitationis aleam posita esse, ut plane omnis disputationis vltiorisque disquisitionis materies quodammodo sit abscissa et occupata. Nouimusne, ut

hoc utar, furiae illius infernalis naturam cuius nuper nouam fecit mentionem *Pallas* c)?

Ad hos igitur vermes accessorios iamdudum animum adieci meum, ut ad accuratiorem notitiam pro viribus meis quantulumcunque etiam sit, conferrem. Priscos inter Graecos et Romanos naturae studiosos nonnullos et inter recentiores multos, ut supra monui, qui ad hanc classem referri debent, vermes nouisse et cognominasse, concedo quidem, sed idem ego contendo, naturam illorum illis non satis notam fuisse, neque varias illorum species systematico ordini subiectas. In quo quidem male fecerunt. Nam, ut equidem credo, haec classis est priori numerosior, si eam, ut fieri debet non ad homines solos, sed potius ad vniuersum animalium viuentium genus ablegaueris, cum non homo tantum, sed et reliqua animantia ab elephante usque ad insecta et pisces hanc classem foveant et alunt. Quantus igitur indagatori ad observationes rite instituendas patet campus! Horum huius classis vermium indicem delineare, ut ab aliis d) iam esse factum, noui, haud conor, quippe quod, ut ingenue fateor, ingenii vires exsuperat. Duas tantum ut, me ex parte promissis, olim factis, stare intelli-

c) Vid. eius *Neue Nordische Beiträge* 1 B. 1 St. p. 113. *Vergleichung einiger in Schweden, Rußland, Siberien etc. bemerkten tödlichen Krankheiten unter dem Namen der Brandbeulen.*

d) Vid. Carol. Frider. *Happii de vermium intestinalium historia* Differt. Lipsiae MDCCLXXX.

telligant *Lectores*, commemorabo oestri species, insecti, quod quidem in omnibus, qui de naturae historia exponunt libris systematicis descriptum inuenitur, cuius vero natura describenda partiumque variarum delineatione, quibus aliorum animantium vitae aut sanitati insidias struit, aut dissensus aut silentium observatur tantum, ut non possim non mirari, qui factum sit, ut hoc genus non iamdudum ulteriori attentione dignum sit iudicatum. Longe tamen absum ab ea persuasione, ut putem, me ea peregrisse, quae ab aliis peracta esse cupiebam. Etenim pauca tantum huc pertinentia, tentaminis potius, quam eruditos docendi causa, cum *Lectoribus* communicare, animus mihi est, quae ut humane excipiantur enixissime rogo. Fortassis fieri poterit, ut si vires valeant, et quae nunc profero eruditorum plausum ferant, totum oestrorum genus breui temporis interuallo, ut nunc has species pertractare possim.

DE OESTRIS IN VNIVERSVM.

Syst. Nat. Linn. Class. VI. Diptera. Alae duae, halteres clauati, solitarii pone singulam alam sub squamula propria.

Genus.

Os nullum punctis tribus absque proboscide aut rostro exserto.

Sub nomine *Oestri* Graeci muscarum genus describebant, quod Romani *Asilum*, Angli *Wham* vel *Gad-*

flies, Galli *Oestre*, Bataui *Horfel*, Sueci *Styng*, Dani *Stingflue*, Germani *Bremfen*, *Brämsen*, *Brömsen*, *Bisselfliegen*, *Bisselmücken*, *Dasse* appellant ^{e)}).

Cuius generis in priscis scriptoribus aliquoties quidem mentio fit, ita tamen, vt magis functiones quaedam earum leues et in oculos quasi incurrentes commemorentur, quam accurata characterum, quibus a se inuicem distingui possint, descriptio exhibeatur, multo minus omnes eius species penitus perspectae ipsis fuerunt.

Vt vero longo annorum interuallo multarumque gentium industria historiae naturalis fines amplificabantur etiam haec familia numerosior euasit ita, vt
multas

- e) In nostra lingua plura nomina occurrunt e. g. *Bremen*, *Brämen*, *Viehbrehmen* etc. sed haec, vt ex accuratioribus scriptoribus apparet; non ad hoc, sed ad aliud genus, quod sub nomine *Myops*, lat. *Tabanus*, gall. *Le Taon*, angl. *Burrefly*, *Stowt*, *Breeb*, germ. *Breme*, *Pferdemücke* etc. notum est, referri debet. Quae quidem nominis mutatio apud latinos aliosque scriptores non inuenitur. Fortasse similitudo, quae inter verbum *Bremse* et *Breme* intercedit, occasionem huic confusioi dedit. Miror igitur, etiam *Kruenizium* (vid. eius *Oekonomische Encyclopädie* etc. *Theil 6. Bremse*.) non latinas solum, sed et teutonicas cognominationes inuicem male miscuisse, et descriptionem nobis de hoc muscarum genere dedisse omni ex parte maneam atque confusam, ita, vt tractatio haec partim oestri, partim tabani sit historia. Cauendum igitur est, vt ne duo haecce inter se diuersa genera confundantur.

multas species iam nunc describere queamus, quae quoad formam et colorem et, vt laruae, quoad domicilium et figuram a se inuicem distinguuntur.

Apud *Linnaeum* *) species quaedam sub oestri palustris nomine occurrit, quae vero ipso monente non ad hoc sed ad aliud muscarum genus referri debet f). Porro *Houttuyn*, qui *Linnaei* naturae systema in belgicam transtulit linguam duas versicolores muscas ex america oriundas, adfert ad priorem *Linnaei* locum a me excitatum, ita vero, vt rem non vltius persequatur. Praeter has oestri species D. I. Sam. *Schröter* **) etiam oestrum cum quatuor oculis instructum, qui ob hanc rem singularis esset, describit, sed *Schröterum*, vt facile fieri poterat, vtrasque antennis cum oculis confudisse, de *Geer* ***) ostendit. Denique *Schreberi* ****) oestrum *Halensem* nullam singularem speciem,

A 5 fed

*) Vid. eius Faun. Suec. p. 307.

f) In oestrorum historia, vt ex variis systemat. naturae editionibus apparet, non raro errauit et sibi met ipse contradixit *Linnaeus*. Quos vero errores maxima ex parte animaduertit et in vltima systematis naturalis editione paene omnes emendauit.

**) Vid. eius Abbandl. über versch. Gegenstände der Naturgeschichte, I. p. 316,

***) Vid. eius Abbandl. zur Geschichte der Insecten, B. 6. p. 117.

****) Vid. eius nou. spec. Insect. p. 15.

sed ovis oestrum esse, notum est et nuper iterum comprobavit *Modeer* *).

Inter oestrum et muscam maiorem quod ad externam formam attinet, quaedam intercedit similitudo, quod vero ad internam varia ratione a se inuicem differunt. Neque cibo neque potu egere oestri dicuntur, partim quod iis necessaria deessent instrumenta, partim quod corpore integro atque perfecto instructi, ob breue vitae spatium, iis haud egere viderentur^g). Functiones eorum potissimum ad sobolem procreandam tendere videntur. Ad instinctum hunc explendum a media aestate ad autumnum varia animalia infestant. Quidam, vti a natura feruntur, tantum equis, asinis, mulis, alii camelis, bobus, vaccis, ceruis, capreis, ouibus, alii rangiferis et feris et mansuetis, alii denique hominibus barbaris insidiantur.

*) Vid. *Uebersetzte Abhandl. der Königl. Schwed. Akad. der Wissensch.* 1786. B. 7. p. 137.

g) Oestrus habet *Linnaeo* teste l. c. duas alas, sub quibus duo halteres, antennis globosas vel lentiformes infestatas, in sedam exeuntes, os nullum, loco eius tria puncta, rimam absque dentibus et proboscide, corpus villosum, in fine pedis duo hamulos, alarum conditio horizontalis est ita, vt margines earum interiores se inuicem tegunt.

Verum enim vero *Reaumur*, *Fabricius* et *de Geer* l. c. ex inferiori trium illorum punctorum, si muscae caput comprimitur, corpusculum tenue et oblongum prodire viderunt, quod linguam esse suspicati sunt.

tur. Quidam in naribus horum animalium, in sinu ossis frontis inque faucibus suum occupant locum, alii in cute oua reponunt sua, alii in intestinum rectum deferuntur ibique ouula ab interitu defendunt. Quamquam omnes, ut fama est, oestrorum species illa animalia neque pungunt, neque mordent, tamen ab iis, quibus sese volatu susurrante produnt, reformidantur. Quo igitur propius iis accedunt, eo magis perturbantur, grauiter spirare incipiunt, caput hinc illinc iactitant, et, si his remediis hanc muscam abigere non possunt, ferocitate abripiuntur ita, ut prae timore sese in fugam coniiciunt, pedibusque sese dant, id, quod imprimis ab animalibus iugalibus fieri solet. Neque tamen oestrus abstinet priusquam consilio suo potitus oua sua in loca modo a me indicata deposuerit, ubi naturali horum animalium calore excluduntur et peracto hoc vermis exit, qui quotidie accrescit. Et ob hos vermes, qui laruae dicuntur, et locum, cui illi insident, hoc muscarum genus notatu dignum est et in numero praesertim vero laruae vermium intestinalium accessoriorum haberi meretur. Magna de loco, quem singulae horum oestrorum laruarum species tenent, est inter auctores discrepantia, de qua paulo infra plura dicendi occasio erit.

Iam laruae hae in tenerrima aetate laruis muscarum, quae carnem petunt admodum sunt similes, eo vero potissimum ab iis discrepant, ut adultiori aetate illas magnitudine excedant et diuerso etiam nutriantur
ali.

alimento, quippe quod hae vsque ad metamorphoseos spatium viuentia animantium corpora inhabitantes variis horum aluntur fluidis. Praeclare cum hisce afflictis animalibus agitur, quod multae harum prima iuventute pereunt, eae vero, quae incolumes seruantur per hyemem et ver iis in locis, in quibus exclusae sunt, remanent, vsque dum adultiores factae sub aestatis initium per nares, aut cutem, aut intestinum rectum eiectae, in terra, aut sub lapidibus, aut in equino stercore absconditae in ouales duras et nigricantes imagines mutantur. Quo in statu per tres, quatuor, vel quinque permanent hebdomades, quibus praeterlapsis oestrus prodit, prioribus quoad naturam similis. Haec pauca sufficiant de vniuerso oestri genere. Caeterum adhuc moneo, opinionem meam^{h)}, laruas in ventriculo equino non oestri haemorrhoidalis, sed nasalis esse, pluribus conatibus et experimentis esse confirmatam. Hinc patet, has larvas ex narium cauitate equorum, asinorum et mulorum vtriusque sexus faucibus, haud vero, vt nonnulli, quid? quod plurimi naturae indagatores statuunt, per intestinum rectum et totum intestinale canalem in ventriculum horum animalium deferri. Quodsi mihi contigerit, esse tam felici, vt huius muscae, cuius obtinendae saepissime periculum fecerim, compos factus fuisset, plura hic additurus eram: nunc vero alii tempori haec reservanda erunt.

DE

h) Vid. *Werneri* breu. expos. verm. intestin. Contin. secund. p. 83.

DE OVIS OESTRO IN SPECIE.

Oestrus ouis, siue *Halenfis* SCHREBERI, Gall.

L'Oestre des moutons, vel *la muche du ver du nez des moutons*, German. *Stirngrübler* vel *Schaaßbremse* vel *Nasenbremse der Schaaße* vocatur.

Charact. Specif. a LINNAEO *allatus*.

Alis subpunctatis, abdomine albo nigroque versicolore, corpus reliquis minus tomentosum nec villosum, oculi ferruginei, alae venosae versus basin punctatae, abdomen ouatum albido cinereum colore nigro maculatum, vertex capitis punctis numerosis excavatis. Vid. eius Faun. S. l. c.

Charact. Specif. a MODERO *definitus*.

Alis hyalinis rugosis abdomine niueo sericeo nigroque versicolore.

Durchsichtige Flügel wie Glas, runzlicht oder gereift, der Hinterleib hat eine Farbe aus silberweis und schwarz gemengt. Vid. Königl. schwed. Abhandl. Band 7. pag. 137.

Femina huius muscae, quae in oestrorum numero minima et ob pauidam ipsius naturam fugacissima habetur, ab initio mensis Augusti vsque ad Septembrem varias quatrupedes bestias, pro instinctu ipsi innato, infectatur, vt ouis in cavitare narium et faucibus depositis hac ratione posteritati consulat. Notatu dignum est, vt seniles et maceras aequae, ac aegrotas fugiat bestias, contra sanas, iuuenes et bene nutritas sibi

sibi eligat. Haec musca uti ex experimentis rite institutis, ceruos, capreas, et oues vrget, ita etiam rupi capris insidiatur: etenim haud raro eius laruas apud istas inueniri ex ore peregrinantis cuiusdam percepi. Alia vero animalia, quantum ego quidem noui, non infectatur, nec in eorum corpora oua deponit sua. Ob fugacitatem ipsi insitam non tam in stabulis, sed potius sub dio in campis pratisue haec animalia praecipue fatigata et requiei somnoque dedita inuadit. Alias enim musca difficulter in narium cavitatem intrare posset, quippe quod haec animalia spirando, caput huc illuc iactitando, aut celeriter currendo hunc hostem ad aliquod certe tempus a se detinere, eiusque conatus impedire sciunt. Sub somno igitur ac requie in narium cavitatem et fauces ipsorum delapsa, loca ouis deponendis apta sibi elegit. Profundiora scilicet et aspera petit loca, ut ne respiratione et muco copiosius e naribus profluente maxima eorum pars, cum parum his locis adhaereant, e sedibus dimoueatursuis et pereat, quod eo facilius fieri posset, si incaute et negligenter in qualemcunque locum musca deponeret oua. Ouis igitur triginta et quadraginta depositis, oestrus animal, sine ullo alio huic illato detrimento relinquit et perit. Alii tamen aliam de hisce ouis in corpus horum animalium inferendis fouent opinionem. Putant enim oestrum sua oua alimentis animalium, quae hac via in corpora ipsorum delabantur immiscere. Ab omni autem veri specie haec sententia abhorret, eamque ouorum oestri in herbas, qui-

quibus illa animalia vescantur, depositionem neque in stabulis neque sub dio fieri posse omnino nego. Vnde enim nouerit oestrus qua herba, quo folio nutriatur animal? stabula vero ob fugacitatem fere prorsus fugere supra iam monui. Adde, quod et haec musca, ut omnes oestri, pro lege naturae sancta omni studio et diligentia incolumitati posterorum consulat. Qua ex lege, cum viuidiori eodemque fortassis haud iniucundo sensu coniuncta, non iis licet sobolem negligere tanta cum incuria. Praeterea hanc opinionem ab illis, qui eam fouent, experimento villo extra omne dubium posito, suffulciri, haud memini. Sed haec haecenus. In illo statu oua non diu permanent, sed animali calore excluduntur. Interea haud raro fit, ut his ouis exclusis alia deponantur. Etenim plures muscae iisdem et etiam variis temporibus, haec animalia inuadunt, ut ex laruis diuersae magnitudinis et aetatis, facile est intellectu. Inde fit, ut cavitates narium et fauces tanto ouorum et laruarum numero sint interdum repletae, ut iis quotidie accrescentibus animalia certo perirent, aut vita acerbissima cruciarentur, nisi natura alia ratione iis consulerit, et propagationi huius oestri accrescenti finis poneret. Larvae enim ex ouis exclusae ut alimenta acquirant, capita sua in interiores, quibus adhaerent, ingerunt partes. Inde hoc stimulo, ex omni parte acriori facto, maior humorum ex naribus et faucibus profluentium, fit secretio et muci copiosa excretio. Quo fit, ut oua nondum exclusa, et larvae his parti-

bus

bus nondum satis firme affixae e corpore animali hac copiosiori profluuie eiiciantur et pereant. Sic oua, quae, vt supra dixi, parum adhaerent his partibus, et iuniores tenerrimique vermes, membris in hac aetate vti ignorantes, necantur. Porro non raro sternutare coacta altius fortiusque in et exspirant haec animalia et sic quoque aliqua ouorum et vermium pars e corpore eiicitur. Interea tamen vsque ad octoginta vel centum et plures laruae vita potiuntur, licet etiam concedam, in ceruis non nunquam tantum decem vel duodecim earum inuenisse.

Cuius quidem oestri mas, qui feminam in omnibus partibus quoad formam et colorem, aut fere plane quoad magnitudinem aequat his supra dictis animalibus non tantum infert incommodum. Etenim propagatione facta, perit. Forſan Lectores ſperabunt, vt hoc loco eius accuratiorem deſcriptionem atque imaginem oculis ipſorum ſubiiciam, ſed quamuis ſaepe hic oeſtrus, in ſyluis a me captus fuerit, tamen mihi nunquam contigit, eſſe tam felici, vt, quid quid conabar, ipſum e laruis et imaginibus progredientem viderem. Qua de cauſa potius ad *Reaumurium* i) Lectores ablegauerim, apud quem muſcam hanc deſcriptam et depictam inuenient, quam vt, ſine meis, iisque nouis experimentis opiniones et aliorum delineationes denuo deſcribam atque depingam.

Quodſi

i) Vid. Eius Memoires pour ſeruir à l'hiſtoire des Inſeſtes Tom. IV. Mem. XII. Tab. 36. p. 497.

Quodsi mihi in posterum contigerit, nec illud plane despero, vt, experimentis factis illius auctoris celeberrimi descriptiones et imagines adhuc perfectiores reddere possim, alia occasione haecce cum Lectoribus communicabo meis. Iam accuratiorem vermium siue huius oestri laruarum descriptionem proferam.

Intra aliquot dierum spatium, vt ante docui, huius muscae oua in corporibus deposita calore animali excluduntur. Quo facto ex ouis exeunt vermes tenues gracilesque, qui sub nomine laruarum veniunt. Quae laruae a fine Septembris increscunt vsque ad finem Maii sequentis anni, et ita quidem, vt eorum corpus in adultiori aetate intra triginta circiter dies maius, quam in iuniori per aliquot menses accipiat incrementum. Quarum magnitudo pro diuersis periodis est diuersa. In prima enim aetate per integrum mensem vix dimidiam lineae partem superant. Iisdemque instructae instrumentis et partibus, quibus adultae gaudent, sed, vt in aprico est, magnitudine et vi diuersis. Larua adulta, cum quieto statu remanet, duodecim lineas aequat, quodsi vero sese extendit, vt rependo fit, quatuordecim excedit lineas. Laruae, *Tab. I. et II.* depictae, quarum vna *Fig. 1.* versus tergum, et altera *Fig. 2.* abdomen versus spectat, nondum perfectiorem corporis magnitudinem assecutae sunt nec incrementum absoluerunt. Ex ceruo enim sub initio Maii accepi, inde suspicari licet, eas sub fine huius Mensis maximam integritatem peruenire. Attamen et

in his animaduertimus, eas, modum descriptum acquisuisse, inde patet vltimam periodum potius ad perficiendas partes interiores, quam ad magnitudinem externam vltius augendam consumi. Adulta larua corpore in medio diametrum exhibet tertiam pollicis partem aequantem in anteriori et posteriori parte contra eo magis coarctatur, ita, vt non abhorreat a duorum obtusorum conorum similitudine, basibus sibi met ipsis oppositorum. Quae forma praecipue tunc, cum repunt, obseruatur. Quodsi vero quiescit larua, praecipue anteriori et posteriori corporis parte magis retracta, cylindro fit similis. Inde mox conica, mox cylindracea inuenitur. Color fordide albidus flauus et rubicundus est. Tergum conuexum *Tab. I. et II. Fig. 1.* Abdomen magis planum, quam conuexum animaduertitur. *Tab. I. et II. Fig. 2.* Sed et harum corporis partium diuersa, diuersis rebus, ratio est, hanc vero laruam prae reliquis magis plano, quam conuexo abdomine gaudere, certissimum est. Numerantur incisurae corporis semper decem eaeque inaequales, quibus corpus in totidem inaequales diuiditur partes. *Tab. I. et II. Fig. 1. ee. ee. et Fig. 2. cc. cc.* In tergo semicirculares in abdomine vero planiores in omnibus laruis, quas obseruaui, fuerunt. In vicinitate harum incisurarum et praesertim in nouem anterioribus multae breues et corneae spinae, quarum in reliquis corporis partibus mira est raritas, positae sunt sic, vt nullum quidem ordinem, aequalem

lem vero obseruent altitudinem. In tergo rariores et subtiliores, quam in abdomine inueniuntur *Tab. I. et II. Fig. 1. 2. Tab. III. Fig. 2.* talem incisuram cum spinis his optica lente auctam depictamque inuenient Lectores, vbi spinas has perpendiculariter et dense iuxta se inuicem positas esse, perspicient. Caeterum earum densitas et copia his locis corpus fusco colore, quo conspicuae sunt, induit et corporis motui haud parum inferuit. Iam larua nostra pedibus plane destituta est, quorum loco in marginibus abdominis lateralibus, dextro scilicet et sinistro, varia tubercula, spinis obsita, possidet. *Tab. I. et II. Fig. 2. ee. ee.* Designant in tergo haec tubercula et plerumque tot numerantur, quot sunt incisurae, attamen memini, me aliquando, idque semel plura tubercula inuenire, quam incisurae aderant. Caput in quo variae distinguuntur inermibus oculis partes, si cum reliqua corporis magnitudine confertur, paruum est. *Tab. I. et II. Fig. 1. et 2. aa.* Praecipue in oculos ineurrunt duo mobiles, parui, incuruati, cornei, fusco nigricantes et iuxta se inuicem positi hamuli, qui vnci speciem prae se ferunt. *Tab. I. et II. Fig. 3. dd.* caput et hamulos microscopio auctos, sicuti hos *Tab. III. Fig. 1.* inuenies. Duritiem corneam habent, nitent et abdomen versus incuruati sunt. Vnus quisque eorum abit in duo processus, in anteriorem scilicet et posteriorem *Tab. III. Fig. 1. cc.* Iam processus terminantur quatuor radicibus albidis cartilagineis *Tab. III. Fig. 1. bb.* anterioribus et posterioribus. Quae radices cum vs-

que secundam incisuram in corpus penetrent omnem istorum hamulorum vim atque firmitatem ab illis esse deriuandum, vnique facile erit intellectu. Praeterea mirifice et firme cum interioribus partibus praefertim cum cute cohaerent radices, larua igitur, hoc instrumento praedita, mira peragere potest. Huius enim artificio, vt infra docebo, celeriter corpus commouet suum, et alimenta sibi parat commodissime. His quoque hamulis larua, ventriculum equi inhabitans, gaudet et vt, alibi ^{k)} demonstraui, eodem feliciore cum successu vtitur. Vtrique anteriores processus excauati sunt et duos recipiunt oesophagos *), qui statim sub acuto angulo vniuntur, in corporis vero profundiore loco iterum secedunt et bifidum formant ventriculum. Porro in media capitis parte intra hos hamulos aliud et minus inuenies orificium *Tab. I. et II. Fig. 3. a.* quod organon laruae expirationis esse, suspicor. Equidem quamquam omnem indagandi naturam huius expirationis organi operam dedi, tamen nihil, nisi breuem anastomosin cum ramis vasorum aëreorum organi inspirationis, in posteriore corporis parte positi, detegere me potuisse, ingenue fateor. In suprema capitis parte et quidem in eius margine superiore *Tab. I. et II. Fig. 3. ee.* duo cernuntur parua, rotunda, sibi e contrario opposita et aequalia

cor-

k) Contin. secund. Tab. IV. Fig. 1. bb. p. 89.

*) Eorum orificia deprehendes *Tab. I. et II. Fig. 3. cc.*

corpufcula, quorum auxilio larua fentit. Qui acini fenforii, liceat enim mihi hac vt denominatione, hifce laruis cum iis, qui ventriculum equinum inhabitant ¹⁾ communes funt. Eo loco, quo de ftrutura horum acinorum fermo fuit, fententiam meam argumentis ftabilire annifus fum, quae, vt hic repetantur, haud opus effe, duco. Exeunt ex his acinis plures ftriae, quas neruofas effe paulo timidior olim conieci. Nunc vero, cum multa et varia rite inftituerim experimenta, has ftrias neruos effe certiffime fcio. De quibus paulo infra, cum interiores huius laruae partes cum Lecto-ribus meis communicauero, vltiorem faciam fermone-rem. Caeterum hi acini fenforii non tali quidem gaudent bafi cornea, qualem apud illas, quae ventri-culum equi inhabitant laruas,prehendimus, ex vtrisque tamen nerui, per totum corpus migrantes originem trahunt fuam. Quid? quod in his conten-tum effe cerebrum, venia fit verbo, quis eft, qui neget? His enarratis partibus exornatum eft caput. Praeterea in bafi eius multae funt et fine ordine iuxta fe inuicem positaе, fpinae. Quod reliquum eft, caput omnesque in eo contentas partes larua ex arbitrio furrigere et imminenti periculo fubtrahere potest.

Posterior corporis pars propter fingularem emi-nentiam anteriori eft craffior et magis obtufa. Quae quidem eminentia fiue margo fublimis valuulae femi-

B 3

cir-

1) Cont. Secund. Tab. IV. Fig. 1. cc. p. 89.

circularis speciem prae se fert, et ab vno corporis latere super tergum ad alterum tendit. Superficies eius superior conuexa, inferior concava est. Hanc partem, vt sub respiratione fit, et eleuare et constringere potest larua: eamque optica lente admodum auctam eiusque in primis superficiem concavam *Tab. I. et II. Fig. 4.* depingere studui. Cum vero eius adspectum pictura ad naturam exprimere difficile sit, laruae aspectum, optimam imaginem esse libens lubensque concedo. In hac superficie concava duo numerantur corpora, semilunaria, cornea, fusca, e regione sibi opposita. Recipiunt illa duo organi inspirationis orificia *Tab. I. et II. Fig. 4. bb. cc.* Celeberr. REAUMVRIVS ^{m)} corpora haec semilunaria depingi iussit rotunda et vno tantum orificio praedita. Quam diuersitatem nulla in earum laruarum, quas mihi contemplari licuit, obseruare potui, etsi omnem in experimentis rite instituendis adhibui operam. Forsan harum partium varietatem facilius ex artificis, quam REAUMVRII negligentia ortam esse, suspicari licet. Leues porro, ab isto auctore plane neglectas, in his corporibus animaduerti incisuras excauatas atque curvas, partem hanc egregie exornantes. Porro omissum censeo tertium quoddam sub antecedentibus collocatum foramen. Quod, vt duo illa paulo ante descripta foramina, quae a corporibus semilunaribus efficiuntur, constituit canalium siue vasorum aereorum organi

m) Vid. REAUMVR. l. c. *Mem. 12. Tab. 35. Fig. 10.*

organi inspirationis principium. *Tab. I. et II. Fig. 4. cc. et Tab. I. et II. Fig. 4. a.* Sub hoc foramine positum est aliud, quod difficulter et non nisi tunc in conspectum venit, cum laruae ad manus sunt paulo viuidiores et inspirantes. In his enim mox diductum mox contractum inuenies et laruam satis bene his respirationem absolueret orificiis, intelliges. Tria haec orificia quae breuitatis causa *organon* voco *inspirationis*, in duo, vt paulo infra monebo, canales aëreos, per totum laruae corpus migrantes, abeunt. Praeter haec aliam adhuc partem, fossam scilicet in postrema corporis parte positam, anumque recipientem vides. *Tab. I. et II. Fig. 4. f.* Quae fossa, siue rima transversalis, a quatuor in extrema corporis parte eminentiis formatur. Eminentiam superiorem maximam et satis longam, laterales vero paruas et rotundas et inferiorem denique oualem et mediocri magnitudine conspicuam deprehendes. Vid. *Tab. I. et II. Fig. 4. cc. gg.* Omnes quatuor inter se coniunctae eminentiae aut diducere, vt in excretionem aluina fit, aut hac excretionem peracta, contrahere potest larua. Quae ratione fit, vt orificium ani in hac fossa abditum et praeclusum semper inuenias.

Hae sunt partes in exteriori corporis parte aut oculo inermi aut armato conspicuae. Antequam vero ad internarum huius laruae partium descriptionem accedam, sordidam illam quidem cutem, satis tamen pellucidam esse, commoneo. Intestina igitur, praesertim crassa, adfucto sanguine turgida indeque rube-

facta, per cutem conspiciere licet: id quod quoad abdomen *Tab. I. et II. Fig. 2.* et quoad tergum, *l. c. Fig. I.* icone expressum et confirmatum deprehendes. Porro cutis ita corpus cingere solet, ut humores eo contenti fontis instar salientis profiliant, si acu hanc aperueris. Inde patet, non cutem solum arcte vestire corpus, sed magna etiam elateris vi praeditam, eamque tantam esse, quantam in nulla alia corporis animalis parte obseruavi. Si enim instrumento leuiter tantum hanc incidi cutem, humores omnesque interiores partes non solum magna propellebantur vi, sed et cutis ipsa intra breue temporis spatium sic sese contrahebat, ut pristinam crassitiem et densitatem ter quaterque superaret. Quo facto, eam diducere, frustra conabar. Cum vero ab isto conatu non abstinerem, sed repetita vice et magna vi eam diducere anniterer, subito illam perire inueni vim elasticam, quod et accidebat cuti exsiccatae. Eandemque huius elasticitatis in laruis, spiritu vini fortiori submersis, obseruavi iacturam. Laruas denique, satis diu in hoc liquore adseruatas, colorem pallide flauescentem, in nigriorem et obscurum, quem et spiritus vini recipit, mutare, notatu dignum esse censeo.

Quodsi instrumenti ope aperitur larua eiusque tergum, ut ego feci, inciditur, *Tab. I. et II. Fig. 5.* canales arteriosi, siue aërei inter multa albida, numerosa et subtilissima filamenta, quorum originem equidem nondum detegere potui, prominent. Qui duo canales, vix sextam lineae partem excedentes albidae
sunt

sunt et cartilagineae naturae, ideoque discissi non collabuntur, sed arteriarum animalium instar hiant. Attamen eorum parietes subtiles sunt et admodum pellucidi. Ex illis, quae supra descripsi, duobus orificiis superioribus, organi inspirationis, in posteriore corporis parte positi, suam, dum antea breuem canalem orificii inferioris eiusdemque organi recipiunt, originem trahunt. Iam ad mediam fere corporis partem, ubi intestina crassa sunt, ductu tendunt serpentino, quo loco se inuicem coniungere videntur, *Tab. I. et II. Fig. 5.* Discedunt vero statim a se inuicem et sensim sensimque caput versus et ventriculum in subtilissimos exeunt furculos. Quo in itinere non solum, quoad diametrum, decrescunt, sed etiam numerosos ramos spargunt. *Tab. I. et II. Fig. 5. gg.* Ramulos hos ex vno tantum latere vnus cuiusque trunci oriri, rem singularem esse duco. Horum enim truncorum latera interna et sibi inuicem proxima ne vnicum ad vicinas partes ramum mittunt. Vnus vero quisque ramorum istorum diuiditur in duo ramulos, qui iterum in minutissimos furculos abeunt et maxima ex parte cutem petunt. Reliqua furculorum pars adit massam albidam, pulmenti similem et aequaliter per totum corpus dispersam. Variis, iisque insignibus vsus sum lentibus opticeis, attamen in massa hac ne minimum structurae organicae vestigium obseruare mihi contigit. Sic quoque frustra furculorum, qui cutem petunt, fines persequi conatus sum, id quod praecipue molestum tuli, quum iam ante, vt in variis aliis inse-

Etis deprehendere licet, suspicatus sum, eos orificiis
 patulis in externa cutis superficie et praeprimis intra
 illa tubercula lateralia finiri. Vt igitur de hac opinione
 certior fierem, duo istos canales aëreos, tubuli capil-
 laris vitrei ope, quo ad iniectiones subtilissimas ana-
 tomici vtuntur, mercurio repleui, spe fretus, fore,
 vt mercurius per cutem transsudet. Quamquam autem
 canales istos cum ramis, ramulis et furculis minutissi-
 mis egregie repleui, quae vascula argentea oculis
 suaue praebebant spectaculum, tamen ne vnicum mer-
 curii globulum e cute progredientem vidi. Accura-
 tiori examine instituto, mercurium quidem cutem
 adiisse, in eius vero superficie interna haesisse con-
 spexi. Igitur vtrum a natura nullus his furculis sit
 per cutem transitus, an nimia cutis vis elastica eam
 imperuiam fecerit, dubius ancepsque haereo. Sub
 horum vasorum aëreorum truncis intestina in primis
 crassa, tres diuersa diametro canales, quos depictos
 habes *Tab. I. et II. Fig. 5. k.* tribus principiis sub capi-
 tis regione a ventriculo bifido oriuntur et ad me-
 diam vsque corporis partem tendunt, quo in itinere
 et praecipue tunc, cum mediam corporis partem atti-
 gerunt, numerosos canales laterales dispergunt, omnes
 tandem, multis variisque flexionibus factis, in vnum
 communem truncum, in anum scilicet sese terminan-
 tem, colliguntur. *Tab. I. et II. Fig. 5. dd.* Quem
 numerosum et conuolutum horum canalium progres-
 sum, ne aliarum rerum delineandarum perspicuitati
 nocerem, depingere, de industria neglexi. Ventri-
 culus

culus *Tab. I. et II. Fig. 5. cc.* in vicinitate capitis, paulo vero profundius quaerendus est. Bifidus est, et e duplici principio, seu oesophago, in processibus illis anterioribus concauis ortus, *Tab. I. et II. Fig. 3. bb. cc. et Tab. III. Fig. 1. cc.* in crassa iam descripta intestina exit. Praeter has inspirationi aequae, ac digestionem inferuientes partes, de quibus hucusque sermo fuit, adhuc aliae ad corpus mouendum commodissimae notantur. In ventre scilicet et quidem in superficie cutis interna varia fibrosa strata numerantur, quae, si partes antea descriptas remoueris, facile in oculos incurrunt, et omnia se inuicem decussant atque sic progrediuntur, vt breuiora sint, quae inferiori, longiora vero, quae superiori posita loco reperiantur. Ab vno corporis latere longiora incipiunt et in altero opposito terminantur. Gracilia sunt et cultro facillime cedunt. Quae *Tab. I. et II. Fig. 5. ee.* depicta inuenient Lectores, ea propter colorem satis rubrum fuerunt prae reliquis conspicua. Litteris *ff.* consignata, inferiora sunt et breuia ac in vnoquoque corporis latere singularis eorum series deprehenditur. Ex tuberculis lateralibus illis, *Tab. I. et II. Fig. 1. dd.* originem trahunt suam, et in medium ventrem inferuntur. Idem ordo in altero opposito latere a natura formatus obseruatur. Horum igitur stratorum carnosorum duplex ordo in media ventris parte confluit. Inde hoc in loco punctum iis esse fixum, vnusquisque facile intelliget. Super his alia strata, quorum iam mentio facta est, iacent. Ea antecedentibus longiora

giora sunt (*Tab. I. et II. Fig. 5. ee.*) et a tuberculis lateris vnus ad tubercula alterius tendunt. Singularem gaudent musculari vi: inde omnis laruae ad rependum robur.

Praeter haec dextrorsum atque sinistrorsum duae adhuc albae striae, multos ramos dispergentes, conspiciuntur, quae e corpusculis illis rotundis, quae acinos sensorios cognominaui, *Tab. I. et II. Fig. 3. ee.* et omnes a capite vsque ad anum interiores partes per totam tractus longitudinem adeunt. Nervosae sunt et medullares; inde omnis ab iis dependet vis vitalis. Vnaquaeque stria varios dimittit ramulos. Exteriores satis longi sunt et copiosi, multosque furculos superficiei cutis internae largiuntur; interiores vero sunt breues et rari, nullosque praebent furculos, sed statim potius cum similibus furculis oppositae striae anastomosin ineunt *Tab. III. Fig. 4. cc* Duae hae striae, siue corpora medullaria satis microscopio aucta et accurate depicta inuenient *Tab. III. Fig. 4.* Lectores. Singulas eum in finem delineare studui, vt eorum habitus atque natura unicuique ad intelligendum sit facilis.

Accedo nunc, descriptione externarum aequae ac internarum partium huius laruae absoluta, ad quasdam functiones in ipsa notandas. Cum, vt supra iam monui, larua pedibus sit destituta et tamen saepissime locum suum permutet, hac ratione hanc loci permutationem peragit: vtrosque hamulos incuruatos in capite tantum extendit, quantum villo modo potest, eorum-

eorumque ope sese alicubi infigere annititur: deinde incisuras corporis anteriora versus contrahit, quo facto caput partesque corporis anteriores contrahere valet. Tali modo serpit et progreditur larua cum in corpore animali, tum extra illud. Cum cutis sit pellucida, larvam prius, quam incisuras anteriora versus trahebat, interiores partes contrahere observaui, ita, ut capitū propiores iaceant. Quamdiu igitur larua serpit, interiores quoque partes continuo mouentur. Ut contractae posteriores incisurae, cum caput et anterior corporis pars extendenda est, in hoc statu permaneant, tubercula lateralialia quibus innititur, donec functionem absoluit, efficiunt. Eadem ratione procedit, cum contractis partibus anterioribus, posteriorem corporis partem attrahere conatur. Haec tubercula lateralialia pro arbitrio attrahere et extendere potest. Quae corporis et tuberculorum virtus ipsi magnae est utilitatis, cum metamorphoseos tempore sese in terram abdit. Etenim quando anteriorem corporis partem extendere vult, tuberculorum usu posteriores incisuras in statu detinet naturali iisque sese affigit. In contrahendis vero incisuris posterioribus haec tubercula sibi impedimento forent, nisi ea in functione hac peragenda attrahi possent. Quo quidem facto superficies corporis externa laevis fit, ita, ut facillime in terram sese abscondere queat. His igitur instrumentis larua celerrime mouetur et insignes sui corporis vires exserit. Quodsi vero larua corpora animalia ad alimentum sibi comparandum perforare cupit, hac ratione

tione utitur. Capite suo longiori extenso cum vtrisque hamulis incuruatis ita se infigit, ut posteriorem corporis partem per tubercula suffulcire queat, tunc hamulis illis vtrisque sibi attractis, denuo infecat, quo facto rursus sese contrahit, hosque motus continuat usque dum ipsi, quod breui tempore fit, his instrumentis acribus iisdemque lacerantibus vulnus efficere contigerit. In hoc vulnus capite penetrat sibi pro lubitu amplum parat locum. Quodsi caput satis profunde in vulnere hoc abscondidit, incuruatos hamulos longe lateque extendit ad situm hunc conservandum. Quo in statu permanet, sanguine et animalium fero vescens, quod ob hamulorum stimulantium usum magna semper copia ad vulneratum adfluit locum. Quam profunde larua penetrare, quam arctius adhaerere et quanto dolore animalia, quae incolit, affligere possit, vix credibile est. Ipse eiusmodi experimento, in me facto hoc compertum habeo. Quasdam laruas esurientes manibus meis imponebam, duae intra digitos, quas arctius ad se inuicem apprimebam, irripebant et statim cutem incidebant. Vix ac ne vix quidem dolorem acrem et vrentem sic mihi illatum perferre poteram. Intra quinque vel sex temporis momenta ita sanguine meo turgebant, ut rubram induerent formam atque colorem. Quas cum auellere tentarem, non nisi magno studio id et nouo cum dolore peragere poteram. Sex horis post hoc experimentum in vulneribus admodum exiguis, mihi factis, quorum margines inflammatae erant, dolorem

lorem flagrantem percepi, dolori, quem urticae excitare solent, similem.

Larvae incremento suo absoluto per se animale corpus derelinquit et cum muco, ex naribus profluente, exeunt. Tunc, si res ita fert, in terram absconditae per breue tempus in imagines mutantur. Earum cutis rugescit et discedit, atque imago, fusco nigricante rubro colore praedita, ovalis, insecta, et nouem circiter lineas longa in prospectum venit. Inter quam et reliquas oestrorum alius speciei imagines, quae in hoc statu difficile a se inuicem dignosci possunt, magna intercedit similitudo. Quae imago a REAUMVRIO ⁿ⁾ distincte et egregie descripta et depicta, ubi tactu sollicitatur, vitae indicia edit, pro rerum ratione per mensem in terra permanet denique hiatu in anteriori eius parte facto oestrum ouinum in lucem edit.

Quodsi has laruas cum illis, quae ventriculum equi inhabitant, comparamus, sic a se inuicem differunt:

Larua nostra corpore non ex omni parte rotundo; illa vero plane rotundo gaudet.

Nostrae corpus semper decem incisuris in decem diuiditur partes inaequales, illius vero nouem vel undecim incisuris in totidem diuiditur partes.

Nostra multis et numerosis spinis, quae omnes ad perpendiculum corpori adhaerent; illa vero duplici tantum spinarum, quae oblique positae sunt, ordine obsita est.

E 2

Nostra

n) Vid. REAUMVR l. c. Men. 12 Tab. 35.

Nostra duplici ore, duobus capitis lateribus infito; illa simplici in media capitis parte posito, utitur.

Nostra organo expirationis in anteriori corporis parte praedita est, quod in illa detegere frustra conatus sum.

Nostra in posteriori corporis parte valvula quaedam siue margine sublimiori, in quo organon inspirationis, e tribus orificiis constans, reperitur, exornata; illa his omnibus plane est destituta, et eius organi respirationis alia est ratio.

Nostrae orificium ani in infima corporis parte factum et ab organo inspirationis est remotum; illius vero intra illud organum observatur.

Sed haec pauca criteria, extrinsecus decerpta, sufficiant ad larvam nostram ab illa distinguendam. Restant alia, quae ab interioribus desumi queant. Vnusquisque vero curiosus et diligens larvarum indagator haec, si lubeat, facile vel ex descriptione nostra, vel ex re ipsa desumere ac supplere potest.

Cum vero larvae animalibus, in quibus exclusae sunt, praecipue si magna earum adest copia, admodum sint nociferae, quippe quibus inflammationes, spasmi, gangraena et vel mors praematura conciliari potest, iam dudum meditatus sum, quibus remediis ex animali corpore amoveri possint, et cum praeter *Linnaei* sternutatoria nullum in promptu sit efficax medicamentum, eo studiosior his afflictis animalibus consulere incipiebam. Quam difficile vero sit, vinen-

tia animalia in aliis viuentibus sine detrimento horum enecare, vel is perspicere potest, qui a medicina alienus est.

Ad illa vero remouenda non opus est semper fortioribus et efficacioribus remediis et dosibus maioribus, sed aptis medicamentis, patientia, tempore et rebus fauentibus. Quamobrem varia tentamina, cum structuram et harum laruarum functiones penitus cognossem, institui, et aut organa respirationis obstruxi, vt laruae suffocatione perirent, aut sic perturbau, vt sponte corpus derelinquerent animale.

Laruas spiritu frumenti vel saturata salis culinaris solutione tingebam; mirifice anxieque sese motabant, sed ne vlla periit.

Nonnullas spiritu vini rectificatissimo perfunde-
bam, quo facto mortis quidem speciem prae se ferebant, sed omnes paulo post reuiuiscabant.

Aliquot per quindecim temporis momenta spiritui frumenti vel saturatae salis culinaris solutioni immittebam. Exanimes esse videbantur, sed mox reconualescebant.

Easdem per idem temporis interuallum in spiritum vini rectificatissimum iniectas omnes enecatas fuisse, obseruau.

Cum oleo amygdalarum rancido nonnullarum respirationis organa obliniui, languescebant quidem, sed nulla periit.

Nonnullas eodemque oleo superfundebam, quindecim temporis minutis post, nullum quidem in iis corporis motum animaduerti, sed paulo post reuiuifcebant.

Aliquot in oleum terebinthinae inieci, post quindecim circiter temporis momenta enecatas vidi.

Sulphuris incensi vaporibus omnes intra quinque temporis momenta suffocabantur.

Per sex, fere septem dies absque alimentis plures laruae vixerunt.

Quibus ex experimentis, vt mihi videtur, patet, has laruas dura et tenaci vti vita, nec vllam reliquarum Oestri laruarum praeter hanc, tantum incommodi perferre posse. Caeterum cum arctius cum animalibus, quae ipsas excludere, exclusasque alunt, cohaereant, sequitur, difficile ex animalibus eiici posse, nec sternutatoria ad id perficiendum, vt *Linnaeus* promiserat, sufficere. Coniuncta vero cum aliis medicamentis, quae eas perturbant, defatigantque aut ex locis suis mouent, saluberrimos proferre possunt effectus. Equidem puto, felici cum successu sulphuris accensi vapores in animalium nares immitti, aut spiritum frumenti aut oleum rancidum ingeri, et si his ad sternuendum nondum coacta fuerint animalia; novos stimulos iniici posse, vt laruae perturbatae vehementiori sternutatione e corpore depellantur. Hac ratione spero, fore, vt, nisi omnia animalia, nonnulla tamen ab his laruis liberentur.

Praeterea et hoc moneo, quod monitum ad omnia anthelmintica pertinet, vsum horum medicamentorum cautiorem esse adhibendum, nec statim desperari debere, nisi statim diebus primis exoptata sese exferat sanatio.

Magnis dosibus medicus incautus aequè animalia ac vermes enecare potest.

DE BOVIS OESTRO IN SPECIE.

Oestrus bovis, Gall. *l'Oestre des Boeufs*, Germ. *Viehbremse*, *Ochsenbremse*, *Kuhbremse*, *Bisselmücke*, *Dasse* appellatur.

Charact. Specif. a LINNAEO definitus.

Alis maculatis, thorace flauo, fascia fusca, abdomine flauo apice nigro. Vid. eius *Faun. Suec.* l. c.

Charact. Specif. a REAUMURIUS allatus.

Alis immaculatis, thorace antice posticeque pilis griseis apiceque flauo fuluis. Vid. eius *Histoire des Ins.* Tom. IV. Mem. 12.

Charact. Specif. a MODEERO constitutus.

Alis sordide albidis margine exteriori subfuliginoso, thorace longitudinaliter fultato, atro, pilis praesertim basi fuluescentibus adperso, collari scutelloque piloso albido, abdomine tomentoso nigro basi albo apiceque fuluo.

Schmutzig weislichte Flügel am äussern Rande matt rusfarben. Das Bruststück längsthin schwarz gefurcht,

furcht, besonders der vordere Theil mit feuergelblichten zerstreuten Haaren, Halskragen und Brustschild mit weißlichten Haaren, der Hinterleib dickhärig, schwarz, vorwärts weis, am Ende feuergelb. Vid. Königl. Schwed. Abhandl. Band 7. p. 131.

Charact. Specif. a DE GEER.

Die schwarze Viehbremse mit ungeflechten Flügeln, vorn und hinten grau behaarten Brustschilde, mit vornen grau und hinten braun gelb behaarten Hinterleibe. Vid. eius Geschichte der Insecten, Theil 6. l. c.

Charact. Specif. a LESKIO.

Das Brustschild ist mit gelben Haaren besetzt, quer über braun bandirt, der Hinterleib gelblicht braun, der Schwanz schwarz, die Flügel braun bandirt. Vid. eius Anfangsgr. der Naturg. Band. 1. l. c.

Haec Oestrorum species quoad colorem et pilos apibus flavis et quoad corporis magnitudinem violaceis muscis, quae animalium carnes inuadunt, similis est.

Haud semper vno eodemque colore in variis muscis tincti sunt pili, sed mox oestri bouiniprehenduntur flavis, mox griseis pilis exornati. Plures vero flavis gaudent. Inde, si solummodo ad pilos respicis, bouis difficiles sunt ad distinguendum oestri. Huius muscae caput prae reliquis corporis partibus satis magnum est, et magis latum, quam crassum. Eminent inferiora versus et prae se fert piri speciem.

Par

Pars eius superior admodum pilosa est. In orbitis quasi latent antennae. *Tab. III. Fig. 7. b. et Fig. 8. a.* Capiti noctuae igitur simile est. Vtrisque antennis e nigro fuscus color et singularis est structura. Ouales sunt et in tria membra siue articulos diuisae. *Tab. III. Fig. 7. b.* Exit vna quaeque in setam, vel in pilum anteriora versus acutum et rigidum, qui magis in latere, quam in media antennae parte positus deprehenditur et loco, quo inferitur, articulo gaudet. *Tab. III. Fig. 7. et Fig. 8.* In vicinitate earum iam duo oculi maiores ferruginei, siue fusco nigricantes, ouales et retiformes in duobus capitis lateribus conspiciuntur *Tab. III. Fig. 6. et 7. aa.* Haud procul ab his remota sunt tria alia corpuscula a *Reaumurio* et *Leskio* *) ocellorum nomine insignita. *Tab. III. Fig. 6.* Quorum trium corpusculorum inferius excavatum esse et aliud corpusculum tenue oblongum amplecti, iam olim suspicatus est *de Geer* **). Porro nuper nos, ex hoc, si caput comprimitur, idem prodire corpusculum, linguae simile, *Cel. Modeer* edocuit ***). Dubius ego ancepsque haereo, an horum celeberrimorum virorum sententiae accedam. Ingenue enim fateor, me credere, fere omnes partes, pressione et vi quadam ex tenebris in lucem protrusas, in dubium esse vocandas. Interea sit, cum praesertim observationibus his non extra omne dubium positum sit, vtrum alimentis vtatur oculus, an non. Certe, ex mea

C 3

qui.

*) l. c.

**) l. c.

***) l. c.

quidem sententia, a naturae legibus non abhorreretur videtur, contendere; oestrum propter vitae breuitatem et perfectam corporis sui conditionem ab alimentis omnibus abstinere. Interea *Reaumurius* quoque sub antennis fossam esse, mira pilorum copia obsitam, inde aspectu difficilem, os vero constituentem, concedit. Quis autem vnquam vidit, quod certissime non raro fieret, si contraria sententia veritati responderet, oestrum, alimentis vtentem? Sed reuertor, vnde digressus sum. Thorax tribus rimis secundum longitudinem est fulcatus, quae nigriori colore tinctae tunc demum satis conspiciuntur, cum pili, quibus obsitae sunt, remouentur *Tab. III. Fig. 6. bb.* Aliae muscae tres habent similes secundum longitudinem excauatas rimas, quae ab alia transuersa decussantur. Aliae duabus modo breuibus, leuiter tantum excauatis et vix ac ne vix quidem transuersam rimam attingentibus, rimis gaudent. In prioribus muscis totus thorax, in posterioribus eius modo latera pilis griseis obsita sunt. Rimae illae siue tres, siue duae tantum multum conferunt ad oestrum hunc ab aliis, alius speciei, distinguendum. Praeterea duas hic oestrus habet fordide albidas alas exteriora versus pellucidas, *Tab. III. Fig. 5. ee.* versus interiora vero opacas, *Tab. III. Fig. 5. ff.* quas sic dirigit, vt margines earum interiores sese inuicem tegant.

Sub his et praeprimis sub insertionis earum loco duae rugosae squamae sunt conspicuae sub quibus aliae maiores, laeues, versus superiora striatae, inferiora

versus excavatae sunt, quae halteres subter iacentes, tegunt. *Tab. III. Fig. 5. d. et Fig. 6.* Inferior abdominis pars pilis tecta est fulvis et in fine eius oestro mari duo sunt vnci, e regione sibi oppositi et interiora versus collocati, quibus erectis in coitu amplectitur feminam. Feminae contra in hoc loco organon est, quo ova deponit (*der Legekanal, Legeftachel*) *Tab. III. Fig. 5. c.* et quod secundum longitudinem ex quatuor partibus constat, quae eum in finem, uti inuolucra tubi optici, in se inuicem immitti possunt, ut eo commodius totum organon in corpus retrahere et pro lubitu protrudere possit oestrus. *Tab. III. Fig. 9. bbbbbb. ee.* Hae descriptae partes quatuor inuolucro corneo, satis firmo extrinsecus cinguntur, ne vllum ex imminente periculo capiant detrimentum. Superiora versus organon, quo ova deponuntur, terminatur duobus foliis sic, ut iterum his foliis versus latera adhaereant tria alia folia. *Tab. III. Fig. 9. ee.* Quae superior organi pars a specie lilii florecentis non prorsus abhorret. Porro tria illa folia lateralia in vncos, paruos interiora versus incuruatos, abeunt, quo fit, ut oestrus hac exornatus parte ovis deponendis perspicere possit facillime. *Tab. III. Fig. 9. a. c. a. et Fig. 10. a. c. a.* Denique muscae huius crura et femora nigra et inferiora versus pilis flavis obsita sunt. Pedes pallide flavi, duabus albidis ungulis et squama, instar plantae pedis, sunt exstructi. Intra quamlibet ungulam vnum, plures vero pilos in reliquis femoris et pedum locis inuenies.

Huius muscae mas, quem alibi ^{o)} depictum dedi, aliis animalibus non admodum est molestus. Femina contra, quam microscopio auctam *Tab. III. Fig. 5.* Lectorum oculis subieci a media aestate usque ad autumnum, boues, vaccas, ceruos, capreas et, ex *Mulleri* ^{p)} opinione, camelos, ut eorum cuti ova imponat sua, infestat. Id quod non raro tanto peragit studio atque diligentia, ut per plures dies animalia illa persequatur, si impedimenta ipsi obiiciantur. In nares equorum irrepere ibique posteritatem curare *Leskius* ^{q)} quidem affirmat, sed, ut alibi docui ^{r)}, id non ab hac, sed ab alia peragitur musca. Memini quoque me legere loco, nescio quo, sub cute canis domestici, pilis crispis praediti, larvas huius oestri non nullas inuentas esse. Quodsi vere accidit unquam, muscam necessitate coactam et commodiori loco destitutam ova illic reposuisse, clarum esse, duco. Nam, ut certe nouimus, nulla, nisi supra nominata animalia, sibi ad ova ibi reponenda eligit. Adde, quod tantum iuuenes, saluas et incolumes et bene nutritas, tres, quatuor, et quinque annos natas, infestet bestias, seniles, aegrotas et macilentas plane fugiat. Eae, quae sub veris tempore natae, per aestatem subsequenter sub dio pascantur, per omnem

o) Vid. *Contin. II. Tab. IV. Fig. 8.*

p) Vid. eius *S. N. Linnacani editionem l. c.*

q) Vid. eius *Anfangsgr. der Naturgesch. l. c.*

r) Vid. *Cont. secund. l. c.*

omnem vitam in oestrorum potestate esse, feruntur. Illis contra animalibus, quae aestatis initio procreantur, minus ab his timendum esse, sunt, qui dicant. Caeterum plurimi ruris incolae, animalia, quae sub cute huius oestri posteritatem secum ferunt, libentius illis, quae larvis carent, emunt, usu quippe edocti, illa sana, melius nutrita esse et copiosius lac praebere. In stabulis animalia haec maxima ex parte ab his muscis tuta sunt, in pratis campisque vero ab iis infestantur, et magis quidem prope sylvas, quam in campis patentibus, aut prope vrbes. Neque vero vno anno tantus horum oestrorum prouentus est, quam alio. Quodsi oestrus gregi e longinquo appropinquat, quem ex susurrante bene norunt volatu, perturbatur grex et si propius adhuc accedit, omnis, cauda ad tergum reposita, quantum potest celerrime se in fugam dare solet. Quo in furore segetes, frutices, sylvas aut aquam petunt, ubi requiescunt et sic, se ab hoste defendere posse, credunt. Tanto enim a natura ipsis insito timore harum muscarum vexantur, ut totam gregem disturbare possis, si aut ore, aut alio instrumento susurrantes oestros imitari scias. Cum igitur, ut supra monui, armenta has muscas tantopere fugiant, et furore percita, huc illuc currant, saepissime fit, ut hoc insectum sine proposito non potiatur. Qua de causa multa sic ova perire, oestrumque hunc non tam numerosam producere prolem, quam ex natura fieri possit, clarum est atque perspectum. Ete-

nim ex *Vallisnieri* ^{s)} asserto septingenta ova in vna eademque femina deprehenduntur.

Qua vero ratione oestrus hic cuti animalium ova sua ingerat, duae feruntur opiniones.

Vallisnieri ^{t)}, *Reaumur* ^{u)}, *Velthusen* ^{v)} et plures credunt: bouis oestrus cuti animalis insidere, eam cum corneis vncis, qui in superiore parte antea descripti organi, quo ova eduntur, *Tab. III. Fig. 9. et 10. a. c. a.* eminent, vulnerare et huic vulneri ova inferere sua. Idem viri statuunt, bruta non tantum ex timore, sed potius ex dolore, quem illud organon excitat, eiusque memoria in furorem abripi.

Linnaeus contra ^{w)}, *de Geer* ^{x)}, *Krünitz* ^{y)}, *Moeder* ^{z)} et plures asserunt: hanc muscam perpendicularem bruto imminere et ova ex aëre in cutem ad perpendiculum deiicere. Quod quidem ovum cum glutinosum et ad vulnerandum aptum sit, facile cuti inhaerere posse. Porro affirmant: organon, quo oestri ova faciunt, ad vulnerandum ineptum esse, et, quod caput rei sit, illam opinionem experimentis contradicere. In aprico enim esse contendunt, animalia tenera adhuc aetate, ubi rariores pili et laeves corpori insident, non ab oestris vexari, quoniam ova rebus sic se habentibus locum capere non possint, si ex aëre in cutem deiicianantur. Secundo vero aetatis

anno,

s) *Vid. l. c.*

t) *Vid. l. c.*

u) *Vid. l. c.*

v) *Vid. l. c.*

w) *Vid. l. c.*

x) *Vid. l. c.*

y) *Vid. l. c.*

z) *Vid. l. c.*

anno, vbi numerosiores, crispiores atque spissiores ipsis sint pili, ouaque illis facile adglutinari possint: iuuenilia animalia maxime vrgeri. Cum igitur prima aetate ex illa opinione musca facilius propter pilorum inopiam, quam sequentibus annis oua cuti horum animalium inferre posset; sequeretur, quod tamen veritati contrarium est, animal annum, numerosiori horum ouorum copia, quam bienne vexari debere.

Non audeo, horum virorum eruditorum dirimere controuerfiam; sufficiat argumenta addidisse, quibus priori opinioni arridere moueor.

Haud semper oua in tergo, sed quoque in regione lumborum, quid? quod in femore cuti imponit oestrus. Ipse tubercula cutanea, vt vocantur, sub pectore inueni. Quaeritur nunc, quo modo ad hunc perueniant oua locum, si ea ad perpendicularum in cutem ex aëre delabi, affirmemus?

Propter externam organi, quo oua deponuntur, naturam corneam et praecipuis ob vncos illos corneos et acres, quibus illud organon gaudet, ad vulnerandum non ineptum esse illud, duco.

Si ex eorum, quos supra laudaui virorum sententia ouum ad vulnus infligendum aptissime a natura formatum est, facilius penetrare poterat tenuibus pilis tectam annuorum cutem, quam biennium magis pilosam. Cum vero id contra euenire soleat et oestrus annuis magis, quam adultioribus parcat, necessario aliae adesse debent huius rei causae, quas tamen diligentius perscrutari nec lubet, nec vacat.

Si

Si denique oestrus pecora non vulnerat nec vul-
neri huic ouum immittit, tenuis larua, ouo exclusa,
fame perit. Hac enim aetate instrumentis, ad ali-
menta sibi paranda, non est solum fere destituta, sed
etiam iis uti nescit.

Vnum vero quodlibet ouum, ouale, paululum
incuruatum atque compressum est. Gaudet superiori
parte acumine acuto, eminentia quadam ab ouo satis
distincto. Quae oui pars a similitudine scalpelli non
plane abhorret, et cum ouo adhaereat, speciem la-
mellae cultri, manubrio insertae, prae se fert.

Quodsi nunc ex supra allata opinione veritati re-
spondit, organo, oua excludendo, animalia difficulter ab
oestro vulnerari posse, ouum tamen cuti immissum, de-
prehendes, hac ratione fieri censeo. Scilicet muscam,
cuti insidentem, perdurum ouum, quod nunquam
non in illo organo maturum solet in promptu esse, et
quidem acuto eius acumine facile animalium cuti, vel
poris in cute contentis, satis profunde immittere posse
opior. Quo facto ouum humoribus ex vulnere
paruo promanantibus emollitur et vermibus, calore ani-
mali foveis, ex rima quadam, in oui latere posita et
tenui membrana intersepta, exit, ouumque relinquit.
Qui vero vermis siue larua vulnus sensim sensimque dila-
tat et hac ratione profundius in cutem penetrat, ibique
ab auctumno usque ad aestatis initium commoratur et
animalium fluidis nutritur. In prima iuuentute parum
increscunt, aetate vero prouectiores breui temporis
inter-

interuallo corporis magnum faciunt incrementum.
 Hae quidem laruae, quas nos *Engerlinge* appellamus,
 tubercula illa cutanea, vt vocantur, (*Viehbeulen, Dä-
 selbeulen*) in boum, vaccarum, ceruorum et caprea-
 rum coriis efficiunt. Quot enim tubercula in bru-
 torum cute numeramus, tot etiam inuenimus laruas.
 Vna enim quaelibet illarum suum pro corporis ratione
 aut maius aut minus habet domicilium. Eorum sex
 vel septem iuxta se inuicem posita, vel triginta ad
 summum in vno bruto; in ceruorum vero tergo cen-
 tum et plura haud raro numerantur. Eiusmodi tuber-
 culum mense Maii vnum et dimidium pollicem lon-
 gum, vnumque altum *Tab. III. Fig. II.* orificio gau-
 det, quo in corpus penetrauit larua, *Tab. III. Fig. II. a.*
 A centro versus tuberculi latus eum in finem a natura
 remotum est, vt ne larua, quae posteriorem corporis
 partem, organo inspirationis instructam, huic orificio
 applicat, ex pluuiā et vento corporis detrimentum
 capiat. Rotundum, quoad diametrum duas tresue
 lineas amplum et pilis est tectum. Eiusque ope
 respirat et aluum purgat commodissime. Dum in
 tuberculo residet larua, humores ad eius nutrimen-
 tum apti, alliciuntur et effluunt, eo vero relicto, col-
 labitur, et humores ibidem stagnant. Diebus aliquot
 praeterlapsis cutis fit integra, cicatricibus vero horum
 animalium coria deturpantibus relictis. Caeterum
 laruas non cutem solum et membranam, vt nominant,
 adiposam, sed musculos etiam cutaneos, siue pan-
 nicu-

niculum illum carnosum perforare, facile ex iconē *Tab. III. Fig. II. cc. ee. bb. et Tab. IV.* intelligere poterunt Lectores. His enim loci et praeprimis *Tab. IV.* a larvis perforatam musculorum cutaneorum siue panniculi carnosī partem ex cerui tergo exsectam, depictam inuenient, vbi, telae cellulosae submusculari in anteriore corporis parte, in posteriore vero illis, iam nominatis partibus inhaerent laruae. Adhuc in iconē illo conspiciuntur loca, e quibus remouī illas et, vt collapsa foramina, in aspectum veniunt.

Sed me ad earum partes, nunc describendas conuerto.

Mense Iunio laruas corporis incrementum absoluere, inter omnes constat. Quo facto, quatuordecim vel quindecim longae sunt lineas, earum vero crassities vix septem excurrit lineas. *Tab. I. et II. Fig. 10. 11. 12.* Oblongae et ouales sunt. In iuuentute sordide pallide flauo, paulo post fusco et metamorphoseos tempore fusco nigro tinctae apparent colore. Tergum aequae, ac abdomen planum, vel potius leuiter est excauatum et totum corpus decem vel duodecim incisuris in totidem partes diuisum. *Tab. I. et II. Fig. 11. et 12.* In quibus nullae spinae, vt ante descriptae, apparent; sed leuia tantum punctula, armato hinc inde cernuntur oculo. Destituta est pedibus, eorum vero loco, tuberculis in lateribus corporis, vtitur commodissime. In dextro vero et sinistro latere triplex ordo conspicitur tuberculorum *Tab. I.*

et II. Fig. 10. quo larua in utroque latere in sex partes, siue strias quoad longitudinem diuiditur. Vnaquaelibet stria tot praedita tuberculis, quot corpus incifuris. His in tuberculis varias impressiones et in suprema eorum parte gyrum, in eminens acumen desinentem, inermis distinguit oculus. *Tab. I. et II. Fig. 11. ff. gg. et Fig. 12. ee. ff.* Quodsi in animali corpore corpus suum larua mouet, stimulo, his duriusculis et acribus acuminibus excitato, secretionem humorum copiosiore subsequi posse, neminem fore puto, qui neget. Inde nutrimento destitutam larvam nunquam inuenies. Si cum reliquo corpore comparamus caput, minus illud *Tab. I. et II. Fig. 10. e Fig. 11. b. Fig. 12. h.* et triplici tuberculorum serie, quae capitis voco, circumdatum deprehendes. *Tab. I. et II. Fig. 9.* Longitudinali eminentia superiora versus in duas partes, in superiorem scilicet paruam, et satis magnam inferiorem partem, transuerse diuiditur. *Tab. I. et II. Fig. 9 **. Sub qua eminentia transuersa longitudinali, in inferiore capitis parte os habes, simplici orificio constans. *Tab. I. et II. Fig. 9. g.* Cui proxima sunt duo alia orificia, dextrum scilicet et sinistrum, quibus expirationem larua promouet. Vtraque, vno verbo, organon expirationis voco. *Tab. I. et II. Fig. 9. bb.* Circa os et iam descriptum organon adhuc alia inueniuntur tubercula, quae, vt ab aliis distingui possint, capitis interiora appellari liceant. *Tab. I. et II. Fig. 9. a.* Omnia capitis tubercula, praeter

gyros

gyros istos, minutissimis spinis, cum fortassis in finem exornata esse, moneo, vt vehementiori stimulo, a larva his partibus excitato, esuriēte, copiosior humorum alliciatur affluxus. Hamulos deinde incuruatos corneos, quibus oestri ouini larua vtitur *Tab. I et II. Fig. 3. d. d. et Tab. III. Fig. 1.* in his plane desideravi, qua de causa has molestius mouere corpus et difficilius in cutem animantium penetrare posse, facile est intellectu. Caeterum acinos sensorios, in reliquis oestrorum larvis deprehensos, detegere in his frustra sum conatus. *Tab. I et II. Fig. 3. e. e.* Aut eos inter capitis tubercula numerosiora latere, aut minores esse, quam vt conspici possint, aut denique huic laruarum speciei plane deesse et aliis sentiendi organis has laruas, exstructas esse, suspicor. Pro lubitu caput protrudere et ab imminente periculo retrahere posse in corpus, illud est, quod adhuc notandum esse, puto.

Anteriore posterior corporis pars maior est et crassior. Iam inermi oculo duo cornea, fusco nigra, corpora semicircularia, duobus cornubus versus se invicem posita, distinguuntur. *Tab. I et II. Fig. 8. b. b.* Sunt intra haec duo orificia, quae ex dimidia parte a duobus vniuseuiusque corporis semicircularis cornubus comprehenduntur et quorum ope inspirat larua. Partes igitur has nomine organi inspirationis insignire, lubet. *Tab. I et II. Fig. 8. c. c.* Supra haec aliud foramen conspicitur maius et re vera anus esse creditur. *Tab. I et II. Fig. 8. e.* Omnes has in posteriori corporis parte contentas, ad facilius inspirandum, com-

commodiusque aluum leuandum, orificio, vt supra iam monui, tuberculi cutanei applicat. Quem corporis fitum, si negligit larua, vel externa vi ad tempus mutare cogitur, suffocatione perit, praesertim cum a natura, vt aliae insectorum laruae, orificiis inspirationis lateralibus sit destituta. Quodsi nunc subtili satis cultro transuerse discinduntur illa corpuscula semicircularia, nouas intus partes obseruare licet. Scilicet corpora ipsa minora et quoad figuram mutata, in media eorum parte duo inspirationis orificia, quae multis variisque ramis arboraceis, colore grate flauo tinctis, cinguntur, deprehendes. *Tab. I et II. Fig. 6. b. b. et c. c. c. c.* Quod si paulo profundius illa corpuscula semicircularia, transuerse disecare pergis, ea concauam et infundibulo similem formam atque mirifice intus striatam habere, obseruabis. *Tab. I et II. Fig. 7. bb.* Ex cauis hisce, vel si mauis, ex duobus infundibulis oriuntur atque in corpus prolongantur canales illi aërei. *Tab. I et II. Fig. 7. cc. et u.* Hae igitur partes laruarum harum externae, aut nudo, aut armato oculo poterant obseruari. Nunc de cute moneo hoc tantum, eam arctius laruam vestire, satis pellucidam esse, et insigniori adhuc, quam quae oestri ouis laruis propria erat, praeditam esse vi elastica. Colorem denique naturalem et cutis et interiorum partium omnium, aqua, vel spiritu vini submersarum mutare in nigrum eundem colorem hisce fluidis tribuere, notatu dignum esse censeo.

Quod reliquum est, non ob angustiores solum huius tractationis fines, sed etiam ob similitudinem, quae inter interiores et nostrae et illius laruae ouinae, laruae partes intercedit, ab earum vltiori descriptione abstineo. Hoc vero addere liceat: nostrae laruae organon inspirationis cum basi sua tribus adhaerere radicibus cartilagineis, quae interiora versus *Tab. III. Fig. 3. b. b.* eodem modo, quo finiuntur laruae ouinae hamuli incuruati, terminantur. *Tab. III. Fig. 1. b. b.* Porro ventriculum prope duas adesse vesiculas, fluido pellucido repletas, quarum vero neque functionem describere, neque vsum suspicari sustineo. Sed de corporis partibus haec sufficiant. Accedo nunc ad laruarum quasdam functiones.

Cum fere eodem in loco, vbi primo vitae tempore exclusa iacebat, larua nostra commorari possit, satis perspicuum est, ei, ad alimenta sibi comparanda, altius in corpus animale penetrare, haud opus esse. Fere igitur repere et corpus mouere nescit. Attamen metamorphoseos tempore ex naturae legibus pristinum locum derelinquere et corporis motus rependo tentare cogitur. Quodsi vero derelinquere cupit, hac ratione vtitur. Posteriore scilicet corporis parte tuberculi cutanei orificium dilatare conatur ita, vt parvam corporis partem per illud protrudat. Quo facto hanc retrahit et quiescit. Paulo post repetit experimentum, nec abstinere, vsque dum tertia corporis parte, quod intra aliquot dies fit, orificii illius angustiam

stiam superauerit. His peractis duas contrahit partes tertias, in corpore animali adhuc latentes et sic feliciter cum successu e tuberculo cutaneo exit. Matutino tempore hora octaua ad decimam vsque, quibus aëri atmosphaerico gratus est calor, haec foras prouolandi pericula facere laruam, nos edocent diligentiores oeconomiae studiosi. Derelicto nunc corpore animali in terram delabitur et commode ac lente proxime adiacentem lapidem, siue glebam, ubi se abdere queat, petit. In terram, ut aliae oestrorum laruae, eam ob causam sese non abscondit, quia aptis caret terram fodendam instrumentis, hamulis scilicet et spinis corneis. Locum commodiorem adepta, quiescit et intra aliquot dies in imaginem mutatur, quam alibi ^{a)} delineatam atque depictam inuenient Lectores. Quae imago aliqua ex parte prae se laruae speciem fert, colore excepto, qui in hac ex fusco rubro nigricans offenditur. Cute externa corrugata atque deposita, noua, imaginem undique vestiens, exoritur, sub qua iterum alia omnes imaginis partes interiores leuiter intersepiens, a natura producit. Intra aliquot hebdomades, aperta triangulari anteriora versus prope tergum imaginis parte, et hac ratione tertio inuolucro relicto prodit oestrus bouinus.

Ab ouinis vero laruis nostra hac ratione differt scilicet haec quatuordecim lineas longa et septem crassa, illa vix ac ne vix quidem, quoad longi-

D 2

tudinem

a) Vid. Contin. II. Tab. IV. Fig 10.

tudinem pollicem vnum et quoad crassitiem quatuor lineas superat.

Haec in tergo aequae, ac in abdomine plana et leuiter tantum excauata est, illa vero insigni tergi conuexitate gaudet.

Huius corpus in decem vel duodecim partes diuisum, illius vero tantum in decem distinctum deprehendes.

Haec in capite tantum spinis et quidem minutissimis, illa vero in omnibus corporis infectionibus iisdem, satis perspicuis, est obsita.

Haec in utroque corporis latere, dextro atque sinistro, tres tuberculorum ordines, illa vero vnum tantum eorum habet.

Huius tubercula mirifice sunt incisa et in acumine, satis acuto, desinunt, illius vero tubercula spinis obsita apparent.

Huius expirationis organon ex duobus, illius vero ex vno, eoque simplici constat orificio.

Haec vnico oris orificio, illa duobus est praedita.

Haec hamulis incuruatis corneis, quibus illa gaudet, plane caret.

Huius acini sensorii latent, cum apud illam iisdem satis sint conspicui.

Huic inspirationis organon compositum, illi vero simplex idem est.

Huius

Huius denique ani orificium versus tergum, illius versus abdomen positum est.

Sed sufficiant criteria haec extrinsecus a larvarum corpore decerpta. Si lubeat et postulet res, plura addere potuerim; ne vero Lectorum patientia abuti videar, haec satis dicta sunt.

Ad alias potius res transeo, forsan ad usum praestantiores. Disputare enim de remediis, quorum ope hospites hi nociferi ex corpore animali sunt expellendi, apud animum constitui meum.

Opinionem falsam vanamque esse, qua statuitur; bruta, ab his larvis vexata, bene esse nutrita et lac copiosius praebere, ob numerosam horum vermium copiam, vnumquemque, paulo diligentius rem considerantem utraque largiturum manu credo. Nam omnes quidem oestros sana et optime nutrita eligere sibi animalia ad ova ibi reponenda, in dubium vocari nequit; sed hoc iure meritoque negatur, in larvarum praesentia causam pinguedinis esse reponendam, cum ea, quae ab hisce hospitibus liberantur, pinguiora adhuc fore, experientia edocti videamus. Cui sententiae applaudunt carnis ceruinae venditores, non ignari, ceruos, a numerosa larvarum copia cruciatos, non coria solum fere nullius pretii, sed carnem etiam habere macilentam. Hinc paucas tantum larvas parum nocere posse animalibus, libens quidem lubensque

concedo, sed plures admodum esse noxias contendo. Etenim praeternaturali stimulo, a larvis excitato, humores animales in loca alliciuntur, vbi in detrimentum animalis oeconomiae affatim consumuntur, aut flagnant et deprauantur. Igitur circulus sanguinis impeditur et praeterea nerui perpetuo acri stimulo irritantur. Quas res corpori haud conducere, et is intelliget, qui a medicina est alienus. Inflammationum enim et vlcerum malignorum, quid? quod gangraenae exempla, haud rara, inde originem trahunt suam. Operis ideo, cum de remediis, contra has larvas in usum vocandis, meditari suscipio, pretium facturus esse mihi videor. Mediorum vero duplex ratio est. Scilicet cauendum est, ne animalia infestet oestrus, deinde, vt larvae e corpore remoueantur, omnis adhibenda est diligentia. Prius aut plane non fieri, aut saltem cum maxima molestia peragi posse, affirmo. Pastoribus equidem, vt impedian, quominus aestatis tempore, bruta infestet oestrus, duplicem mercedem persoluerunt veteres ruris cultores, sed num sine sint potiti suo, dubius ancepsque haereo. Interea et hodie variis mediis a brutis detinere oestrum conantur nonnulli oeconomiae studiosi. Regionum septentrionalium incolae pecorum cutem aut phocarum adipe, aut oleo, ex balaenis excocto, obliniunt. Nostri vero oeconomi aut sal culinare in tergum dispergunt, aut lardo cutem sic inungunt, vt pili nitentes arctius tergo applicentur, opinantes, se ratione hac a brutis oestrum

oestrum detinere posse. Sed omnia haec et reliqua horum remediorum caterua frustraneo conatu contra oestrum in auxilium vocari, arbitror. Igitur alteri viae insistendum et larvas e cute omni adhibita diligentia extrahendas, puto. Eum in finem auctumno ad iuuenilia bruta attendere et si tuberculum cutaneum hoc tempore paruum deprehendimus, molli id adipe vel calefacto oleo inungere debemus, quo facto cutis eleuanda et pollice indiceque digito adhibito, tuberculum sic comprimendum est, vt larua prodire cogatur. Quodsi vero, cum iuuenis larua senili arctius cuti adhereat, propter dolorem animalia hanc curationem respuant, aut acu, vel alio acri instrumento per tuberculi orificium patulum laruam perfodere, aut fluidis corporibus resinosis, vel tenaciori rancidoque oleo satis diligenter et repetita vice orificia illa oblinire atque obstruere debemus, quo facto, vel vulnere illato, vel suffocatione perit larua. Paulo post a natura eiicitur et sic a vita perquam molesta liberantur animalia. In Africa auis, Buphaga, vt vocatur ^{b)}, summo cum studio in brutorum tergis laruas, quae ei in deliciis sunt, explorare, easque, rostri sui artificio, facile et mirum in modum e cute extrahere fertur.

Sed haec sufficiant. De reliquis oestri speciebus non nulla adhuc in promptu erant: ne vero Lectorum eru-

D 4 ditissi.

b) Vid. BRISSEAU Ornithol. 2. p. 457,

ditissimorum patientia abutar, alii opportuno scribendi tempori ea omnia relinquere constitui. Nunc nihil amplius additurus, nisi preces humanissimas, velint hoc quaecunque observationum specimen Lectores humaniter excipere, mihi quae minus recte exciderint dicta, beneuole condonare.

EXPLICATIO TABVLARVM.

Tab. I. Exhibet et oestri ouini et bouini laruarum partium sciagraphiam.

Fig. 1. Repraesentat naturalem magnitudinem laruae oestri ouis sic, ut eius tergum in oculos incurrat.

a. Eius caput, siue pars corporis anterior.

b. Pars corporis posterior, organon inspirationis continens.

cc. Corpora semilunaria, siue semicircularia cornea, organi inspirationis pars praecipua.

dd. Tubercula lateralialia, spinis corneis obsita.

ee. ee. Decem corporis incisurae semicirculares spinis numerosis exornatae.

ff. Intestinum.

Fig. 2. Eadem larua ex opposito latere conspecta.

a. Eius caput, siue pars corporis anterior.

b. Pars corporis posterior.

cc. cc. De-

cc. cc. Decem incisurae numerosis spinis obsitae.

dd. Intestinum.

ee. ee. Tubercula lateralia, pluribus spinis exornata.

Fig. 3. Pars huius laruae anterior, siue caput, opticae lentis ope admodum aucta.

a. Organi expirationis orificium.

bb. Duo hamulorum incuruatorum processus concaui, oesophagum in utroque latere excipientes.

cc. Duo oris orificia in oesophagos desinentia.

dd. Duo hamuli incuruati cornei.

ee. Acini sensorii, siue duo corpuscula organon sensus constituentia.

ff. Basis capitis multis spinis corneis minutissimis obsita.

g. Eminentia intra organon sensus posita atque partem capitis supremam constituens.

Fig. 4. Pars huius laruae posterior eadem lente aucta.

a. Organon inspirationis, siue eius orificium inferius.

bb. Corpora duo semilunaria, cornea, striata.

cc. Duo organi inspirationis orificia superiora.

dd. Magna eminentia, totam hanc corporis partem posteriorem cingens.

ee. Paruae laterales eminentiae rotundae et

gg. Eminentia satis longa. Hae eminentiae quatuor sulcum formant ad recipiendum

f. Orificium ani.

Fig. 5. Repraesentat huius laruae in tergo apertum et microscopio auctum corpus.

a. Denotat caput, siue anteriorem corporis partem.

bb. Acinos sensorios, siue organon sensus.

cc. Duos ventriculos in

dd. Intestina desinentes.

ee. Striam carnosam vel muscularem superiorem et

ff. Eandem inferiorem.

gg. Vasorum aëreorum ramos.

hh. Vasa, siue canales aëreos.

ii. Partem corporis posteriorem.

k. Intestinum satis magnum.

Fig. 6. Laruae oesfri bouis organon inspirationis, siue partem corporis posteriorem admodum auctam et cultro anatomico dissectam commonstrat.

a. Orificium ani.

bb. Duo orificia inspirationis in corporibus semilunaribus posita.

cc. cc. Ramos arboraceos suaue flauos, corpora haec cingentes.

Fig. 7. Idem inspirationis organon sistit, paulo inferiori vero loco eum in finem dissectum, ut intimae eiusdem structurae ratio in adspectum veniret.

a. Ori-

a. Orificium ani.

b. Corpora semilunaria iam nunc infundibuli instar excauata.

cc. Duo inspirationis orificia.

Fig. 8. Offert eandem partem eiusdem laruae posteriorem, satis auctam, organon inspirationis cum orificio ani continentem.

a. Pars corporis tergum versus spectans.

bb. Duo corpora semilunaria, cornea.

cc. Duo organi inspirationis orificia.

dd. Pars corporis abdomen versus respiciens.

e. Orificium ani.

Fig. 9. Repraesentat caput, siue partem laruae oestri bouis anteriorem, a fronte delineatam et microscopio auctam.

a. Tubercula capitis interiora.

bb. Duo orificia organon expirationis constituentia.

cc. Tubercula in suprema capitis regione posita, et minutissimis spinis obsita.

dd. Tubercula capitis interna, siue tertii ordinis.

ee. Tubercula capitis media, siue secundi ordinis.

ff. Tubercula capitis externa, siue primi ordinis.

g. Orificium oris.

*) Eminentia longitudinalis transuersa, caput in superiorem et partem inferiorem diuidens.

Fig. 10.

Fig. 10. Larua oestri bouis naturali magnitudine a latere visa ita, vt triplex tuberculorum lateralium ordo manifestior fiat.

a. Posterior capitis pars, anum et organon inspirationis includens.

bb. bb. Incisurae corporis decem, exceptis illis, quae superiora et inferiora versus latent.

cc. Ordo tuberculorum medius.

dd. Ordo tuberculorum lateralis dexter atque sinister.

e. Caput, siue corporis pars anterior, os et organon expirationis comprehendens.

f. Corporis regio abdomen versus spectans.

g. Regio versus tergum respiciens.

hh. Gyri tuberculorum lateralium.

****) Gyri tuberculorum ordinis medii.

Fig. 11. Eiusmodi larua a tergo depicta.

a. Pars corporis posterior.

b. Pars corporis anterior.

cc. cc. Decem incisurae.

dd. Tubercula lateralia interna.

ee. Tubercula lateralia externa.

ff. Gyri in tuberculis lateralibus externis.

gg. Gyri in tuberculis lateralibus internis.

Fig. 12. Eiusmodi larua, sic vero delineata, vt abdominis regio conspici possit.

a. Pars corporis posterior.

bb. bb. Incisurae illae decem.

cc. Tu.

- cc.* Tubercula lateralìa externa.
dd. Eadem interna.
ee. Gyri in tuberculis lateralibus externis.
ff. Idem in internis.
gg. Sulci et rimae, quibus tota abdominis superficies diuisa est.
h. Pars corporis anterior.

TAB. II.

Easdem continet laruarum partes, quae ob numerosam notarum signorumque copiam in antecedente tabula non tam accurate et diligenter satis, vt in hac factum esse, apparet, depingi poterant.

TAB. III.

Repraesentat alias adhuc laruarum, et oestri ouini et bouini praesertim partes, lente optica auctas.

Fig. 1. Pars capitis ex larua ouini oestri decerpta et admodum aucta, hamuli scilicet incuruati, qui *Tab. I. Fig. 3. dd.* iam iam in naturali situ depicti occurrunt.

aa. Hamuli iuxta se inuicem positi et aequales.

bb. Radices quatuor cartilagineae albae, in quas exeunt. Anteriores et posteriores.

cc. Processus siue protuberantiae in vnoquoque hamulo duae.

Fig. 2.

Fig. 2. Declarat rationem et situm spinarum cornearum in laruarum corpore. Est admodum aucta pars corporis ouinae laruae, ex regione abdominis desumpta.

aa. Superior spinarum.

bb. Inferior illarum numerus.

Fig. 3. Sistit intimam organi inspirationis laruae oestri bouini structuram.

a. Organon inspirationis cum annexis corporibus semilunaribus.

bb. Quatuor radices cartilagineae, albiae, in quibus partes hae terminantur.

Fig. 4. Demonstrat systema neruosum ex ouini oestri larua depromptum.

aa. Sunt acini illi sensorii, siue organon sensus.

bb. Duo trunci neruosi.

cc. Rami neruosi interni sine pari.

dd. dd. Rami et furculi neruosi externi.

Fig. 5. Sistit feminam oestri bouis microscopio auctam.

a. Antenna in setam desinens.

b. Oculus dexter.

c. Instrumentum, quo oua deponit sua, (*Eier-leger, Legeftachel.*)

d. Squamulae, sub quibus halteres.

ee. Partes alarum pellucidae.

ff. Earundem partes opacae.

Fig. 6. Pars eiusdem oestri superior siue thorax microscopio auctus.

aa. Duo

aa. Duo maiores oculi et iuxta hos tres minores, ocelli dicti.

bb. Canales aperti, siue fulci excavati, pilis multis obfiti.

Fig. 7. Eiusdem partis oppositum latus repraesentat.

aa. Maiores oculi sunt.

b. Antennae in orbitis. Sub his reperitur foramen pilis obseptum.

Fig. 8. Sistit antennam ex capite cum orbita sua exsectam.

a. Antenna in orbita.

b. Seta, in quam exit.

Fig. 9. Declarat rationem, qua larva oestri bovini in tuberculo cutaneo (*Viehbeule*) sedem figere solet suam. Quod tuberculum transuersim dissectum hic habes.

a. Huius est tuberculi introitus, siue eius orificium patulum.

bb. Contextus cellulosus corruptus.

cc. Cutis pars.

dd. Pili cutanei.

ee. Pars musculi cutanei, siue panniculi carnosus.

Fig. 10. Superior pars instrumenti, cuius ope oua excludit oestrus bouis suae.

a. c. a. Tres vnci, siue hamuli, in quos exit.

ee. Inuolucrum corneum fuscum.

b. Canalis, quo deponuntur oua.

Fig. 11.

Fig. 11. Instrumentum, quo oestrus oua deponit et excrementa eiicit sua: admodum auctum est.

a. c. a. Sunt tres illi vnci, siue hamuli.

bbb. bbb Inuolucra illa fusca cornea, in quibus canalis, ouis deponendis destinatus, latet.

dd. Basis huius instrumenti pilis tecta.

ee. Suprema, in duas iterum easque diuisas partes exiens pars.

TAB. IV.

Laruarum oestri bouis in musculo cutaneo, siue panniculo carnosio sedem repraesentat. Exsecta est haec pars e tergo cerui, a multis et numerosis hisce laruis cruciati, atque eum in finem a me delineata, ut accurate satis horum vermium oeconomiam intelligant Lectores.

OBSERVATIONES DE TAENIA HYD-
TIGENA IN CARNE SVIS NVPER
INVENTA.

Haud sine animi voluptate, me nuperrime vermem hunc, quem vulgo *finnam* appellant, quemque Cel. GOETZIVS^{a)} atque OTTO FABRICIVS^{b)} emortuum tantum viderunt, viuum, saluum et incolumem videre, memini. Cum vero in partibus eius describendis et depingendis apud illos duumuiros cel. singularis obseruatur dissensus, et cum, quod ego de vermibus huius structura, dum viuus erat, obseruauī, illorum effatis non semper conueniat; hic loci vltiorem de finna sermonem facere, haud ab argumento meo alienum esse duxi. Longe equidem absūm, vt putem, me leuibus hisce obseruationculis, quas viris illis lectoribusque diiudicandas offero, docere illos posse, quid ipsis in posterum de hoc verme statuendum sit: id potius volo, vt habeant, quod ego vidi, et quomodo obseruationes institui meas.

Inter lanios constat, si cum sanguine ex vulnere sui inflicto profluente corpuscula rotunda^{c)}, instar milii

a) Vid. eius *Neueste Entdeckung, dass die Finnen im Schweinefleisch etc.* Halle 1784.

b) *Nou. Act. Societ. Hafn.* Tom. II. p. 287. et *Deutsches gemeinnütziges Magazin.* Iabrg. II. Quartal. I. Leipzig 1788.

c) Corpuscula illa finnae sunt in semet ipsae repositae vesica vero tumefcente interna destitutae. Caeterum

milii granorum, promanant, finnoso morbo laborare animal. Cui rei, quae certum istis hominibus morbi huius criterium praebet, quod taeniam nostram viuam viderim, debeo. Vix enim lanius quidam, quocum de finnis saepius sermonem serui corpuscula illa in sanguine suis iugulati animaduertit, cum me de re hac certiore factum, ut ad ipsum statim venirem, inuitaret. Videbam equidem tunc corpuscula illa miliformia calido sanguini, absque tamen vitae indicio, innatare. Sectione suis statim instituta, viscera pectoris et abdominis sana esse et ab omnibus vermibus intestinalibus libera inueni.

Hepar praeprimis egregie rubescebat et ne minimum taeniae granulosa illius vestigium^{d)}, si pauca excipis callosa loca in eius superficie anteriore posita, exhibebat. His interioribus partibus attente disquisitis, ad carnes adieci animum et cum his numerosas inesse finnas intelligerem, partem quandam ex regione colli exscindendam curavi. Quam nactus in duas partes diuisi, quarum alteram aquae calidae, quae apud manus erat, immisi, alteram, calore animali adhuc prae-

vermes hos, lanii cultro illaefos; non in sanguine, quocum promanant, residere, sed ex carne, cultro, quo vulnus infligitur animali, abripi et proficiente sanguine prouenire credas.

d) Vid. *Versuch einer Naturg. der Eingew. von I. A. E. Goetze*, p. 258. Tab. 20. B. Fig. 9. 14. et eius *Neueste Entdeckung etc.* p. 30.

praeditam, statim examini subieci meo. Primum in oculos incurrebant inter fibrarum muscularium strata et inter illa praeprimis, quibus intertexta erat copiosa pinguedo, vesiculae ^e). Quas vesiculas numerosas easdem esse, quas Cel. GOETZIVS descripsit ^f), statim intellexi. Scilicet ouales erant, solitariae, et fluido ceteroquin limpidio turgescabant. Leuem in iis, si carnis huius pars intacta jacebat, animaduerti, tremoris instar motum, eundem vero admissa vesicae oris halitu aut digito euanescere sensi. Experimento hoc ter quaterque repetito paulo post omnis in illis periit motus, neque vlla arte denuo excitari potuit. In iis vero, quas aqua calida submersi periculum hoc saepius et ita repetere potui, vt mihi de hoc vitae signo grauiter antea dubitanti nunc nullum amplius superesset dubium.

Quid igitur valeat suavis calor, quid aëris atmosphaerici aditus ad conseruandam destruendamue huius vermis vitam, abunde inde patet. Dum vero hoc peragebam, finnam nostram per vesicam tantum obscure perlucentem vidi: eius autem interiorem structuram huc vsque non eram rimatus. Quapropter omnem in eruendis e carne vesiculis, vt scilicet vermis oecionomiam formamque accuratius cognoscerem, adhi-

E 2

bui

e) Finnas equidem inter strata fibrarum carnis pinguiora petere loca vidi, quas tamen in lardo aliisque locis pinguibus a carne remotis frustra quaesui.

f) Vid. eius *Neueste Entdeckung etc.* p. 9.

bui diligentiam. Sed singulari molestia id fieri poterat. Tam arcte enim et firme cum carne, textus cellulosi ope, cohaeret, ut, antequam exsecetur, cultro vesica non raro destruat anatomico. Nihilominus minus non nullas salvas, integrasque effodi, quas attamen nec hoc in statu rite satis observare potui. Instrumenti igitur acutissimi eiusdemque subtilissimi ope hanc vesiculam incidere studui. Quo facto sub hac adhuc aliam adesse vesicam intellexi. Cum igitur illam totam dissecarem luce meridiana clarius vidi, vermem hunc, ut finnam humanam ^{g)}, praeditum esse externa vesica, internam vnde quaque aequaliter cingente. Inde igitur in cellulis tantum residere finnam, ut Cel. GOETZIVS contendit ^{h)}, experientia edoctus modeste nego. Praeterea adhuc moneo, vesicam hanc, quam externam, siue communem voco, contextam esse ex tela illa cellulosa, carnis fibras eiusque strata connectente. Caeterum extrinsecus glabra est et aspera, intrinsecus vero satis polita, lacuis, et minori copia serosi, quod continet liquidi, semper madida. Densa et elastica est. Felici iniectione vasorum facta, ad hanc et arterias et venas, ut in finna humana ⁱ⁾, serpere vidi, quae in vesicam externam succum aduehant reuehantque taeniae nutritium.

Qui

g) Vid. hui. libr. continuat. secund. p. 10. not. V. et. R.

h) Vid. eius *Neueste Entdeckung etc.* p. 9 et 10.

i) Vid. hui. libr. contin. secund. Tab. I. Fig. 1. b.

Qui vbi aduenit, caput longe lateque protendit vermis ex vesica interna et alimenta capit sua. Quodsi vero non sua sponte adfluant humores, stimulante capite protruso ad illam maiorem allicit humorum affluxum. Tali modo a natura nutritur vermis vesica vndequaque firme inclusus. Ex his, vt equidem puto, satis elucet, vermem nostrum neque locum mouere posse suum, neque horum animalium carnes suffodere. Opinionem hanc, cui Cel. OTTO FABRICIUS applaudit, qui inde vitam quoque porcorum finnoforum inquietam pendere censet, fictam vanamque esse puto ^{k)}. Sed redeo ad vesicam externam, cui si vulnus infligitur, interna, feroso liquido admodum extensa prodit. Scilicet ex apertura statim et cum impetu quodam prouenit, ita vt absque vlla molestia tota extrahi possit. Quae quidem interior vesica, eadem quidem cum exteriori forma, illa tamen minor, finnam continet et membrana pellucida eademque subtilissima constat. Dum viuit vermis, subrubro extenditur fero. Lympham coeruleam hoc in statu deprehendi in illa nunquam ^{l)}. In humore hoc, microscopio subiecto, ne vllum structurae organicae vestigium, si illos exeeperis vulgares globulos, detegere potui. At membranam, qua haec vesica componitur sub lente, cuius focus lineam vniam aequabat, admodum porosam et ad similitudinem pulpae

E 3

sam.

k) Vid. l. c.

l) Vid. *Neueste Entdeckung* etc. p. 9 et 11.

sambuci nigrae, sub microscopio auctae, construatam esse, vidi. Inde patet, et resorbere illam humores, ut spongiam, posse. In interiore vesicae parte, et in margine quidem superiore longo ^{m)}, taenia sub forma corpusculi rotundi haeret; eodem igitur loco eademque ratione, ut humana ⁿ⁾ Cum membrana vesicae sub annuli forma arcte firmeque cohaeret sic tamen, ut centralis huius annuli pars, quam taeniae extremum explet, ab illa libera sit membrana. Quodsi igitur ab hoc loco remoueris finnam, hic vesicam perforatam esse inuenies. Tali modo in hanc intrare, iterumque ex illa potest exire taenia. Retrasta finna, illo loco rima siue fossa ^{o)} in adspectum venit, quae ubi quaedam corporis pars prodiit, euanescit, et illius loco eminentia corporis cernitur ^{p)}. Foramen hoc cum illo, quod Cel. FABRICIVS ^{q)} descripsit atque depinxit vnum idemque esse, multis variisque experimentis edoctus scio. Cum enim ex vesica externa exsectas vesiculas aquae calidae immitterem, sponte sua ex hoc vermem egredientem vidi. Quodsi vero calidam cum frigida commutavi aquam, per idem statim sese retrahebat finna. Etsi vero omnem in hoc explorando hac ratione foramine perfuerim operam, tamen alia adhuc via et aliis periculis

me

m) Vid. Tab. V. Fig. 4. 5. 6. 7. 8. a. b.

n) Vid. Contin. Secund. Tab. I. Fig. 4. 5.

o) Vid. Tab. V. Fig. 5. a.

p) Vid. Tab. V. Fig. 6. a.

q) Vid. 1. c. Fig. 1. 2. 3. ddd.

me certissimum facere conatus sum. Scilicet turgidam et vermem! qui sese intra illam receperat, continentem vesicam apici pollicis imponebam, deinde apice digiti indicis leuiter corpusculum illud rotundum, sic tamen premebam, vt ad orificium illud liber semper aditus pateret. Quo facto paulo post eundem sonitum leuem audiui, quem Cel. GOETZIVS^{r)} iam olim animaduertit, et finnam ex eodem foramine, quod supra descripsi, prodire vidi^{s)}. Sic nunc de foramine illo, vt equidem putauī, satis edoctus eram. Dum vero haec repetiī experimenta, accidit, vt grauiori pressione adhibita disrumperetur vesica. Cum iam omne illa contentum serum efflueret, collabebatur illa, et en! statim finna, lobis, quos vidit et descripsit FABRICIVS^{t)}, praedita, efformata erat. Quo quidem experimento repetito, lobos hos ex vesicae disruptae extremitatibus originem trahere expertus sum. Si igitur duae extremitates in vnum eundemque locum coincidunt, oritur finna vno lobo praedita^{u)}, si in duas, duobus gaudet^{v)}. Ex his igitur satis elucet, finnam lobatam taeniam esse laesam, neque integram, vt vir ille celeberrimus affirmat. Sed et adhuc alio experimento dubitanti mihi probare sententiae huius veritatem studui. Sci.

E 4

licet

r) Vid. l. c. p. 15.

s) Vid. Tab. V. Fig. 7. a.

t) Vid. l. c.

u) Vid. Tab. V. Fig. 3. b.

v) Vid. Tab. V. Fig. 1. et 2. bb.

licet recordabar animo meo, easdem taenias lobatas me vidisse supra sanguinem porci, de quo paulo ante sermo fuit, natantes, easdemque inuenisse olim in carne finnosa apud Ianios. Tales igitur nunc mihi comparare studebam. Voto potitus has lobatas numerosas finnas in tota carnis superficie, in interiore vero eius substantia illaefas multas, id est vesicis sero repletis instructas inueni, quas omnes per aliquot dies aëri atmosferico exponebam. Paulo post vesiculas illas turgidas, flaccescere et deinde sero vacuas, penitus collabi et in lobatas finnas efformari obseruavi. Ex experimentis his sensim sensimque institutis satis originem et naturam lorum *Fabricianorum* intellexi. Nam ortum aut cuidam violentiae, aut exsiccanti aëri debere vidi. Inde finnarum descriptionem, atque delineationem quam nobiscum communicauit FABRICIVS ^{w)}, GOETZIANA ^{x)}, magis a natura abhorreere, clara atque perspectum esse videtur. Acutissimus enim ille rerum indagator finnas vel diu iam mortuas, vel laefas, GOETZIVS contra ea recens defunctas, saltem integras obseruauit. Inde magnum inter descriptiones ab utroque naturae indagatore exhibitae discrimen, de quo FABRICIVS ipse sermonem fecit, cuiusque causam in instrumento illo, quo GOETZIVS vsus est, pressorio quaesivit.

Sed reuertor, vnde digressus sum, et ob temporis angustiam ad tractationem aliam ^{y)}, vbi fusius de-

w) Vid. l. c.

x) Vid. l. c.

y) Vid. *Gemeinnütziges deutsches Magazin*, 2. Jahrgang, 1. Quartal, 1788.

demonstrare conatus sum, quomodo et aliae res huc
pertinentes se habeant, lectores ablego.

Qua iam ratione, taenia nostra ex vesica progreditur, eadem corpusculum illud subrotundum ambitu minuitur suo; et, cum tota exiit, ne ullum illius vestigium videbis. Cum vero hoc in statu egregie cerni possit, quomodo taenia cum vesica cohaereat, non est, quod mireris, me contendere illam tantum corporis quasi appendicem, neque, ut FABRICIVS opinatur ²⁾, partem eius esse essentialem. Finnae enim, ubi vel imminenti periculo sese subtrahere, vel requiei se dare solet, tutum offert refugium. Etenim non sustineo adfirmare, experimentis destitutus, an ex hac parte maiorem adhuc vtilitatem finna capiat, nec ne. Caeterum hac occasione oblata non potui non, quin eadem pericula, de vitae huius vermibus tenacitate repeterem, quae olim cum humanis finnis institui ³⁾. Antequam igitur ad descriptionem partium accedam, breuiter de his sermonem faciam.

Nunc scilicet aqua frigida, vel feruescente, nunc vulgari frumenti spiritu, nunc aliis liquoribus salinis hos enecare studui vermes, h. e. operam adhibui, ne finnae, quae in hisce fluidis caput, collum atque corpus in vesica absconderant, has partes amplius exfererent. Sed non raro mihi accidit, vt plures, nisi omnes, quae in illis fluidis in sese quasi ipsas,

E 5

retra-

z) Vid. l. c.

a) Vid. hui. tract. *Continuat. secund.* pag. 54. seqq. not. B. B.

retractae erant, in vitam reuocarem, id est, ope varii caloris gradus effeci, ut suas interiores partes denuo longe lateque protenderent. Tales nunc enecatos, nunc resuscitados vermes possideo exsertos in collectione mea. Quodsi vero spiritu vini fortiori illos submergebam, paulo post rigidos et immobiles factos esse, videbam. Idemque et iis accidebat, quos per aliquot temporis interuallum in solutionibus salinis saturatis conseruauī. Quae res cum, et has finnas eadem tenaci vita, ut humanas, uti, probaret, summam in me admirationem excitauit. Sed iam olim^{b)} internarum partium huius taeniae aequae exsertionem ac retractionem incertum dubiumque vitae signum esse, utramque a vi forte physica, non vero vitali dependere suspicatus sum. Nunc, nisi egregie fallor et omnis obseruatiunculis his deneganda fides est, experimentis et in his vermibus institutis, illam non prorsus vanam neque temerariam fuisse opinionem edoctus scio. Vidi enim, cum finnas flaccidas et per aliquot dies aëri expositas leniter calente aqua superfunderem, feri vesica interna contentam copiam forte ob porosam huius partis structuram augeri vesicamque admodum expandere. Sic versa vice copiam illam minui et vesicam corrugescere obseruauī, si vermes vel aqua frigida vel aliis liquoribus constringentibus submersi. Quo igitur gradu serum auctum et vesicam expansam vidi, eodem finna in se ipsam quasi

b) Vid. *Contin. secund. p. 54. seqq. N. B. B.*

quasi retracta, expandente vi physica exteriora versus protrudebatur: contra ea quo gradu feri copia minuebatur, eodem retrahebatur finna. Tali modo causam et originem tenacis vitae observaui atque mechanicam esse intellexi. Mihi nunc intellectu facile erat, cur non omnes resuscitatae fuerint finnae, quas praefertim fortiori spiritu vini superfundebam. Etenim aut parum aut nihil illius feri in vesica interna aderat; expandi igitur vesica et finna protrudi non poterat; vel spissum et coagulatum quasi et rigidum animal est spiritu vini quasi caustico redditum. Caeterum libens lubensque concedo, adhuc alias a me praetermissas huius rei adesse posse causas, sed illas esse vitales, omnino nego.

At hoc in transitu dixerim. Propius nunc ad alias partes, quas et Experient. KÜHNIVS, quem uti olim praeceptorem, ita nunc amicum habeo, mecum armato oculo vidit, scilicet ad corpus vermis, collum et caput accedo.

Quas partes, cum taenia ab interiore exteriora versus exferit, corpus in oculos investigatoris primum incurrit. Quod obtusi coni speciem praefert ^{c)}. Basi sua cum vesica interna cohaeret et apice versus collum spectat. Male hanc partem Cel. FABRICIVS ^{d)}, et GOETZIVS ^{e)} descripserunt atque depinxerunt.

c) Vid. Tab. V. Fig. 8. bb.

d) Vid. l. c. Fig. 4. cc.

e) Vid. l. c.

runt. Quorum ille quidem formam eius externam bene expressit, sed in eo peccauit, vt putaret, corpus vtriculo haud dissimile esse. Inde factum est, vt vesi am internam collapsam tamquam prolongatum corpus delinearet et duas has diuersas partes pro vna eademque haberet. Goetzius vero adhibito infelici instrumento pressorio (*Pressschieber*) illud sic deformauit, vt cylindro magis, quam cono simile sit. Inde quoque factum est, vt extrema eius pars obtusa plane desit. Quapropter singularem operam dedi, vt tale depingerem, quale, dum viuit vermis, obseruauerim ^f). A collo maiori crassitie et numerosioribus incisuris differt. Et inuenient Lectores ^g), quomodo cum vesica interna cohaereat. Etenim hic loci summo cum studio acuum ope expansam delineauimus, vt habeant certissimos haud corporis partem esse vtercularem. Exserto corpore collum progreditur ^h). Longitudine tertiam corporis partem aequat. Tenuius illo leuiusque rugosum est. Quas rugas ob subtiliorem structuram non depingere potui. Cel. FABRICIUS ⁱ) vt equidem puto, longius et quoad corporis structuram tenuius; GÖTZIUS ^k) vero latius et nimis incisum repraesentare studuit.

Vt in limace acini sensorii, sic in hac taenia caput vltimo loco venit. Cel. GOETZIUS ^l) egregie partes

f) Vid. *Tab. V. Fig. 8. ee. ff.* g) Vid. *l. c.*

h) Vid. *l. c. dd.* i) Vid. *l. c.* k) Vid. *l. c.*

l) Vid. *l. c.*

partes illo contentas, figuram autem, eius externam optime icone expressit FABRICIVS ^{m)}).

Quatuor praeditum est papillis fugentibus ⁿ⁾), e quibus originem ducunt totidem canales ^{o)}), quos sub lente optica, cuius focus tres lineas aequabat, ad profundiores corporis partes serpere vidimus. Vnum ex his vt primum in corpus intrauerat, angustum anteriora et amplum posteriora versus obseruavi ^{p)}), eumque a finna ex arbitrio aut diduci, aut contrahi posse, ea de causa sum suspicatus. Coronam duplici hamulorum serie praeditam non tam egregie, vt a Cel. GOETZIO factum est ^{q)}), obseruare potui. Singulos tantum in vicinitate capitis obscure vidi hamulos ^{r)}). Aut retracti erant, aut praestantiori mea lene vir ille vsus est, aut quod omnium verosimillimum videtur, caput finnae in meis experimentis semper ita collocabatur, vt illi hamuli versus inferiora spectarent. Sed haec satis dicta sunt, cum reliqua, quae ad hunc vermem pertinent, in illorum virorum scriptis inueniant Lectores.

Caeterum ex his satis elucet, finnam in carne suis inuentam, aut parum, aut nihil ab humana differre, neque multum abest, quin ego has pro vna eademque habeam vermis intestinalis specie. Harum igitur comparisonem alibi ^{s)}) institutam his obseruationibus rite factis, omnino finio.

EX.

m) Vid. l. c. n) Vid. l. c. Fig. p. cc.

o) Vid. l. c. Fig. p. i. g. i. p) Vid. l. c. g.

q) Vid. l. c. r) Vid. l. c. bb. s) Vid. *Contr. ser.* p. 50.

EXPLICATIO TAB. V.

Finnam tabula haec in suis carne nuper inuentam eiusque partes interiores diuersa magnitudine maxima ex parte viuas repraesentat.

Fig. 1. Naturali magnitudine finnam emortuam repraesentat. Vesica eius interna laesa est et in duo lobos collapsa.

a. Corpusculum subrotundum, finna in sese quasi retracta.

bb. Duae vesicae collapsae extremitates, lobos constituentes.

Fig. 2. Idem vermis est. Duo lobi

bb. magis, quam in antecedente figura inferiora versus dependent.

Fig. 3. Idem vermis est. At vnum tantum lumb. efformat vesica collapsa.

Fig. 4. Taenia integra est, in vesica sero repleta residens.

a. Finna retracta.

bb. Duae vesicae extremitates.

Fig. 5. Eadem finna in naturali magnitudine, antecedente vero maior.

a. Finna retracta. Hic loci manifesto apparet incisura quaedam, e qua egreditur vermis.

bb. Duae vesicae extremitates.

Fig. 6. Taenia .microscopio paululum aucta. Loco illius incisurae eminentiam, id est, progredi incipientem vermem habent Lectores.

a. Progrediens vermis.

bb. Duae

bb. Duae vesicae extremitates.

Fig. 7. Idem vermis, antecedente vero magis exsertus.

Fig. 8. Finna lentis opticae ope satis aucta. Integra est, at vesica eius destructa et collapsa.

a. Anterior capitis pars attenuata.

bb. Corona multis hamulis praedita (*Hackenkrantz*)

cc. Quatuor papillulae sugentes, vel quod idem est, os quadruplex.

dd. Collum tenuius incisum.

ee. Corpus multis incisuris exornatum.

ff. Incisurae ipsae.

gg. Vesica interna collapsa et acuum ope expansa.

Fig. 9. Finnae caput, collum et anterior corporis pars admodum lente, cuius focus tres lineas aequabat, aucta. Distincte satis animaduertitur

a. Attenuata capitis pars.

bb. Hamulorum corona.

cc. Orificia oris quatuor.

d. Posterior capitis pars.

e. Collum.

f. Corporis initium.

g. ii. Quatuor canales ab orificiis illis *c. c.* incipientes.

ERRATA.

Pag. 1. lin. 5. quislibet, leg. quilibet. Pag. 2. l. 26. l. hospitum. Pag. 3. l. 8. l. in peius l. 15. l. sequentibus. Pag. 4. l. 5. l. eum e. l. 8. fines amplificarunt. l. 19. l. initium. Pag. 5. l. 4. del. in. l. 17. l. noxia. Pag. 7. l. 4. l. de cuius. Pag. 9. l. 10. l. America. l. 13. del. cum. Pag. 10. lin. 21. l. feram. l. 25. l. tegant. Pag. 11. lin. 12. l. conii-
ciant. Pag. 12. lin. 23. l. contigerat. Pag. 13. l. 13. l. Modeero. Pag. 15. l. 22. l. consuluerit lin. 23. l. fines. Pag. 17. lin. 20. l. quieto in. lin. 28. l. ad maximam. Pag. 19. lin. 11. l. sinistro. Pag. 20. lin. 1. l. ad secun-
dam. lin. 3. l. ad deriuandam. Pag. 22. lin. 9. l. adspectum. Pag. 24. lin. 23. l. mutare. Pag. 28 lin. 4. l. vis ac robur. lin. 18. l. aucta sunt. Pag. 30. lin. 20. l. quos. Pag. 31. lin. 15. l. pro denique, tandem. Pag. 32. lin. 18. l. facile. Pag. 34. lin. 1. l. eodem. Pag. 35. lin. 24. l. basi alba. Pag. 41. lin. 21. l. rotum gregem. Pag. 43. lin. 7. l. an-
num Pag. 47. lin. 27. l. appellare liceat. Pag. 49. lin. 1. l. leuandam. lin. 26. l. et eundem. Pag. 50. lin. 6. l. co-
haerere. Pag. 51. lin. 11. l. ad terram.

Tab. I.

Fig. IV.




Fig. II.




Fig. I.




Fig. III.




Fig. V.




Fig. VI.




Fig. VII.




Fig. VIII.




Fig. IX.




Fig. X.




Fig. XI.




Fig. XII.



*Ad nat. del. et sculps.
Auctor.*

Tab. II.

Fig. II.

Fig. I.

Fig. IV.

Fig. III.



Fig. V.

Fig. VI.

Fig. VIII.





Fig. VIII.

Fig. IX.




Fig. X.



Fig. XI.

Fig. XII.



Del. et sc. Auctor.

Tab. III.

Fig. VIII.



Fig. IV.




Fig. V.



Fig. III.



Fig. I.




Fig. VI.




Fig. VII.



Fig. IX.




Fig. II.



Fig. X.




Fig. III.




Del. et sc. auctor.



Tab. IV.



Del. et sc. Auctor.



Tab.V.

Fig. 8.

Fig. 2.




Fig. 5.

Fig. 4.



Fig. 7.

Fig. 6.



Fig. 1.



Fig. 9.



Del. et sculp. Auctor.

